





8. 6. 55
MAGNI DANIELIS OMEISII,
Comitis Pal. Cæs. & Professoris
Altdorfini

COMPENDIUM ETHICUM,

methodo Synthetica

Aretologiam & Eudæmonologiam
perspicuis Præceptis & Exemplis
proponens,

inque Vsum florentissimi Gymna-
sii Norimb. concinnatum.

Accedit

Prolusio Oratoria
de Insula Fortunata, ab Aretophilo
quæsitæ & inventæ:

nec non

Epitome Jurisprudentiæ
Naturalis

in gratiam Auditorum Academicorum
adjuncta.

NORIMBERGÆ,
Sumtibus WOLFGANGI MAVRITII
ENDTERI.

Typis Johannis Ernesti Adelbulneri.

A. O. R. c. b. b. c. c. i.



Doctrinæ non minus ingeniiq;
nobilitate

quam morum probitate Ornatis-
simo

Viro juveni

DN. JOH. HENRICO
SCHWEYERO,

Artium politiorum & Philof.
Studiofo,

Affini & Amico chariffimo

S. P. D.

MAGNVS DANIEL OMEISIVS.

Gogitanti mihi, cui li-
bellum hunc, ex more
inter literatos rece-
pto, inscriberem, non
occorrebat alius, cui pleniorē



jure possem, quam tibi, *Schwey-*
re multò dilectissime! Æquum
enim putavi, nos chartis hisce
jungi, quos ratio studiorum,
contubernium, convictus, &
affinitatis vinculum jamdu-
dum junxerunt. Fui ego, sicut
nôsti, indolis tuæ & ingenii feli-
citate captus & permotus, sva-
for quondam, ut, præ alio vitæ
genere, liberalium studiorum
culturam eligeres, idque dares
operam, ut artium elegantio-
rum diviniqve & humani Juris
scientia florentissimæ patriæ
aliquando ornamento fores at-
que emolumento. Ad finem
huncce, favente DEO, conse-
quendum, animum ut appelle-
res




res, oblata subinde occasione in
ædibus paternis, postea & in
contubernio meo academico,
gnaviter mihi attendisti, teque
ego bonas artes & literas docui,
eamque in curam tota mente
incubui, ut unâ cum eloquen-
tiæ imprimis & historiarum
studio (imò etiam Mathemati-
co, duce Archimede nostro
Sturmio,) morum probitatem
sociares. Proinde præcepta ea
tum Compendii hujus Ethici,
tum Jurisprudentiæ Naturalis,
quæ typographus his impressit
chartis, tu jam magna ex parte
impressisti animo ac memoriæ;
ut adeo uterque libellus in
frontispicio statim ultro te sa-
luta-



lutare gestiat, quem meo in
musco prælectum & explana-
tum cupide audivisti. Nec du-
bium est, quin hæc Philosophiæ
Præcticæ elementa (antequam
altiora & severiora pertractare
studia occipias) semel atque
iterum sis repetiturus, vitæque
& moribus expressurus. *Face-
re enim hæc Philosophia docet,
non dicere; & hoc exigit, ut ad
legem suam quisque vivat, ne
orationi vita dissentiat; mo-
nitore Seneca Epist. 20. Et Tul-
lius exclamat in Quæstionibus
Tusculanis: O vitæ Philosophia
dux! O virtutum indagatrix,
expultrixque vitiorum! Unus
dies bene & ex præceptis tuis
actus*



*actus, peccanti immortalitati est
anteponendus.* Deprehendes
equidem hoc in Ethices Com-
pendio varia variarum Virtu-
tum Exempla; sed tu tibi nul-
lum, quod sequi, cujus implere
vestigia debeas, proponere fru-
ctuosius poteris, quam Paren-
tis tui optimi, Viri amplissimi,
Wolfgangi Magni Schweyeri,
affinis & fautoris mei desidera-
tissimi; quem beatum quidem
sed præceps fatum eheu! nobis
haud ita pridem eripuit. Cu-
jus pietas, temperantia, libera-
litas, comitas, hospitalitas, se-
dulitas, fides, & res ævo hoc
pæne intermorta, candor,
aliæque virtutes præstantissi-



mæ, sicut illa demum die, meo
civiumque nostrorum animis
excident, quæ Orcus ab Ache-
ronte mortuos amiserit; ita
calcar tibi addent, ut possessio-
nem laudis hujus in familia re-
tineas, eumque potissimum
imiteris, cui natura esse te si-
millimum voluit. Laudatis-
simum Virum huncce hac in
Dedicatione non potui non
honoris causa nominare; per-
suasus omnino, beatis ejus Ma-
nibus haud quidquam a me
proficisci posse gratius & acce-
ptius, quam ut te, ad palmæ
honores & optima quæque
contendentem, hac mea voce
& acclamatione quasi confir-
mem



mem in proposito, & ad alacriter pergendum cohorter. Idque ipsum, pro egregia tua indole, æquo etiam ferēs animo, & hoc meum in te amoris pignus ac monumentum benigna fronte, spero, accipies; quod etiamsi specie minutum videatur, propius tamen inspicienti fortasse probabitur; ut ad formanda studia vitamque tuam non nihil collaturum. Quodsi pulcerrimis tuis conatibus amplius inservire ac prodesse potero, fidem tibi meam promptamque omnem voluntatem deferō; clementiæ bonitatisque divinæ Musas fortunisque tuas, & vitam multos



in annos feliciter propagan-
dam, unice commendans. Va-
le, meque ex animo tibi fa-
ventem redamare perse-
vera!



PRAE.



PRAEFATIO ad LECTOREM.



Vando Plinius junior circa finem Epist. 3. Lib. III. scribit : *Eloquentia male sine moribus discitur ;* de eo ipsi plane assentior, atque ulterius asseverare nullus dubito, quod non eloquentia solum, sed & aliae disciplinae ac scientiae in scholis atque gymnasiis, absque doctrina morum, perperam addiscantur. *Quid leges sine moribus vanae proficiunt ?* interrogat Horatius. Ego vero : Artes quid sine moribus vanae proficiunt ? *Si noverim mysteria omnia, omnemque scientiam, charitatem autem non habeam, nihil sum !* ait Apostolus I. Corinth.

PRAEFATIO

XIII. 2. Quamobrem bene ac sapienter sapientissimi Academiae ac Scholarum Norimberg. CVRATORES instituerunt, ut in Gymnasio suo florentissimo, unà cum Rhetorica, Logica, Mathesi, aliisque scientiis, simul quoque pertractarentur Principia Ethica, sive Præcepta morum; ut, quemadmodum illis studiosæ juventutis intellectus acuitur perficiturque, ita his voluntas pariter ejusdem mature Virtutis amore imbueretur. Verbo, ut non scholæ tantum discat, sed & *Vita*. Deprehenderunt autem lyncei cordatiorum Virorum oculi, quod vulgaria illa Ethices Compendia, plerisque in scholis recepta, non paucis nævis defectibusque laborarent. Ex quibus insignior hic est, quod doctrina morum, quamvis præ se ferat nomen scientiæ practicæ, tradatur tamen scientiæ instar speculativæ, a cujus auditione ac lectione juvenes doctiores recedant quam melio-

AD LECTOREM.

meliores, & ab ignorantia magis liberent intellectum, quam a malitia abducant voluntatem. Proponuntur videlicet illis in Compendiis complures otiosæ quæstiones & inutiles controversiæ, iisque examinandis toti dies impenduntur; negliguntur vero virtutes acqvirendi, vitia debellandi, affectus vel exuendi vel frænandi adminicula & exercitia; æque ridicule, ac si artem medicam, absque ulla pharmacorum notitiâ, velimus edocere. Præter illustrem Verulamium, qui circa initium Libri II. de Augm. Scient. ac defectum hunc tetigit, audiatur hic tantum H. Morus, qui in præfatione Enchiridio suo Ethico præmissa, *In eo errore, inquit, plerique versari videntur, ut Systemata Ethica ad inutilis tantummodo quasiunculas ventilandas constitui debere arbitrentur, Moralemque disciplinam (quod ait Cicero) ostentationem*

A 7

scientia

PRAEFATIO

scientia, non legem vita, putent. Cum tamen verus ac genuinus scopus Moralis Philosophia sit, ut ex illius praeceptorum lectione & meditatione animus humanus amore virtutis inflammetur, ut ad virtutem perpetuo anhelet, ut virtutem denique assequatur, cumque ipsa virtute veram ac solidam Felicitatem. Hunc vero errorem, Philosophiam activam tam docentibus quam discipulis eripere sategit jam olim Seneca, scribens Epist. 16: Non est Philosophia populare artificium, nec ostentationis paratum: non in verbis, sed in rebus est. Nec in hoc adhibetur, ut aliqua oblectatione consumatur dies, & dematur otio nausea: animum format & fabricat, vitam disponit, actiones regit, agenda & omittenda demonstrat, se ad gubernaculum, & per ancipitia fluctuantium dirigat cursum &c. Ac speciatim quidem per maximam seculi prioris partem intro-

AD LECTOREM.

introducenda fuerunt in plurimas Germaniæ scholas Compendia Ethices vel ex solo Aristotele, vel mirabili mistura ex Aristotele & Scholasticis contexta; quorum tractationi & explicationi tam superstitiose immorari atque immori multos vidimus docentes, ut sacrilegium se commissuros fore putaverint, si vel latum unguem a formulis istis ac definitionibus recesserint, aut cœlum ruiturum, si ullam Aristotelis hypothesin concusserint. Equidem sæpe monui, non omnia Aristotelis dogmata universe proscribenda esse, sed ex iis etiam, quæ bona sunt, retinenda & commendanda; emendanda vero, quæ indigent correctione, & quæ desunt, ex accuratioribus Ethicorum scriptis, ipsoque Dei Verbo, supplenda. Nempe enim Aristotelem hominem fuisse, quis ignorat? eumque ut in Physicis, ita & Moralibus, sæpius lapsum, ipsi sectatores ejus

cor-

PRAEFATIO

cordatiores non possunt diffiteri. Sane Rachelius Peripato addictissimus in Disput. de Honesto conqueritur, Aristotelem in libris suis Moralibus, non, nisi rarissime, nec, nisi obiter, Dei mentionem iniecisse. Et Conringium de Civil. Prudent. cap. IIX. p. m. 129. confiteri non puduit, in Ethicis Aristotelis valde *παχυλῶς* plurima tradi, propter admodum erroneam ejus de Deo & animabus nostris sententiam. Proinde non falsa est querimonia Wendelini, quam jactat ille in praefatione Philosophiae suae Morali praemissa, his fere verbis: *Aegre ferendum, quod ubi-vis fere locorum unus Aristoteles, tamquam dictator, Ethicis scholis praesit, unus omne punctum ferat, unasque discipulorum & doctentium studia occupet, ita quidem, ut placitis ejus nemini fas sit intercedere.* Dolendum est, negligi veteres & exquisitos morum n. agistros, qui Aristotelem vel

*ante cesserunt, veb ex intervallo non adeo longo secuti sunt; quales Socrates, Plato, Xenophon, Cicero, Plutarchus, Epictetus, Seneca, Maximus Tyrius, & alii, qui non tam de virtutibus cum peripateticis scholis disputarunt, quam ad virtutem discen-
tium animum inflammaverunt; quod practicum non theoreticum disciplinam esse Ethicam cogitarent. Singulatim vero ab Aristotele; & in Ethicis ex eo concinnatis, minus accurate traditur doctrina de Summo Bono; id quod sane non est Virtus, aut Operatio secundum Virtutem, sed DEVS, Bonum (ipso fatente Stagira) omni Virtute præstantius. Suos etiam manes patitur doctrina de Principiis Actionum humanarum; illa enim, quæ Peripatetici recensent, Spontaneum, Electio, Consultatio &c. principiata potius & modi Principiorum talium sunt, quam ipsa principia. Porro ubi de Causis Virtutum*

PRAEFATIO

tum illi agunt, altum est de Deo ejusque Gratia silentium. Ad Affectus quod attinet, ipse Aristoteles in Ethicis doctrinam hanc ne levi quidem brachio attigit; ejusque asseclæ in ejusmodi Epitomis nil nisi quæstiones quasdam de Affectuum numero & definitionibus proponunt, de mediis interim eos cohibendi ac moderandi parum solliciti. Ecquis præterea neget Virtutum Aristotelicarum enumerationem esse valde insufficentem; cum Pietas, virtutum omnium fundamentum, *Αυταρχεία*, Taciturnitas, aliæque complures earum præstantissimæ sint prætermissæ. Ut ne quid dicam de Virtutibus Intellectualibus, quæ (si solam Prudentiam, utpote Virtutum moderatricem, exceperis) ad Philosophiam practicam minime pertinent. *Intelligentia* certe, *Scientia* & *Sapientia*, Philosophiam theoreticam constituunt, & media sunt ad felicitatē theoreticam

ticam: Ars omnino ad Philosophiam non pertinet, quia hominis animum nulla felicitatis parte imbuat (quod tamen Philosophia munus est) sed tantum circa instrumenta vitæ occupata est; quæ sunt verba Burgersdicii Id. Phil. Mor. cap. X. §. 9. Ab ejusmodi igitur nævis ac defectibus purgatum Ethices Compendium in manus nobilis ac studiosæ pubis Gymnasium Egidianum, lætioribus subinde incrementis jam efflorescēs, frequentis ut daretur, auctoritate publica a DOMINIS & CVRATORIBVS nostris mihi injunctum est. Quorum imperium ea, quæ par est, pietate exsecuturus, conscripsi non justum quidem volumen, (quale quidem requirit doctrina moralis omni ex parte integra, cunctisque a nævis ac defectibus liberata) sed, prout hoc facere jussus sum, librum parvum, portatilem, & tironibus Philosophiæ practicæ idoneum; in quo ταῖς πρακτικαῖς

P R A E F A T I O

ἡθικὰ πρακτικῶς magis quam Σωφρη-
 τικῶς pertracto, ac methodo quidem
 Synthetica, præmissis προλεγομένοις,
 exordior ab Aretologia Generaliore,
 quæ doctrinam de Virtute, hujusque
 (1) Causis, (2) Subjecto (3) Obje-
 cto, i. e. Actionibus & Passionibus
 sive Affectibus, perspicue explicat, &
 quomodo hi frænandi, inque ordi-
 nem redigendi sint, per certas Regu-
 las, Remedia & Exempla fideliter
 monstrat, Dein progredior ad Are-
 tologiam Specialiorem, quæ solidam
 ac sufficientem Virtutum moralium
 enumerationem, earumque Defini-
 tiones, Objecta, Officia, & Opposita
 complectitur, ac singulis etiam Ex-
 empla pariter tam e sacræ quam ci-
 vilis historiæ scriniis petita subnectit.
*Melius quippe homines exemplis
 docentur, quæ imprimis hoc in se boni
 habent, quod approbant, quæ præci-
 piunt, fieri posse, teste Plinio in Pa-
 neg. c. 45. Accedunt insuper præce-
 pta necessaria de Virtutum modera-*

grice, Prudentia ac Decoro, commodis itidem Exemplis illustrata. Finem denique opusculo imponit doctrina de Præmiis Virtutum, quæ constitunt hominis his in terris Felicitatem; sive Eudæmonologia, quæ a Peripateticis & Scholasticis obscure latis, multisque litigiorum nexa nodis, hic autem, uti spero, dilucide ac expedite proponitur. Utor ubique libertate Eclectica, non in magistri unius verba jurans, sed nunc in veteres Academiæ fundos, Lycei ambulacra, Zenonis porticum, nunc in juniorum hodieque clarentium Philosophorum auditoria ac hortos exspatians; nec quis quid dixerit, sed quam recte dictum, considerans. *Compendio Ethico* subjuncta est a me *Prolusio Oratoria*, summam totius morum Philosophiæ *ἢ ἐπιτομὴν*, & quasi Iliadem in nucem, complectens, stilo florido, ætati juvenili non ingrato, conscripta, ac publice quondam, post Feras Academicas, sub prælectionum

PRAEFATIO

mearum moralium primordia ; & suggestu recitata. Amant enim alterna Cameenæ ; & *Sapientia præcepta*, scribente Quintiliano, *etiamsi naturæ sint honesta* ; plus tamen ad formandas mentes valent, quoties pulchritudinem rerum claritas orationis illuminat. Postremo *Epitome Jurisprudentia Naturalis* in gratiam auditorum quorundam, Academicorum hoc petentium, adjecta est, quæ Officia hominis ac Civis succincte tradit, juvenumque animos ad legenda & facilius intelligenda Scripta imprimis Pufendorfiana, hoc de argumento edita, præparare valet.

Hæc in vestibulo præmonenda duxi, Lector benevole ! Tu nunc ipsum ingrediere Virtutum Theatrum, idque unice da operam, ut inde non doctior tantum, sed & melior egrediare. Faxit DEVS, sic ista discamus, ut, quæ fuerunt verba, fiant opera ; eaque omnia cedant in ter sancti Nominis sui gloriam, nostramque perpetuam felicitatem !

ERRATA.

Pag. 11. lin. antepenult. & penult.
 leg. *Quodnam est Subiectum Virtutis?*
 p. 57. l. 9. leg. τῇ αὐταρχείᾳ. p. 66. l. 1. leg.
 subiret. p. 91. versus fin. l. Pusillanimi-
 tas. p. 152. versus fin. l. Genes. XVIII.
 p. 153. l. 9. l. Cæsar Lib. VI. de B. G. pag.
 246. l. 16. l. liliorum argentum, rosa-
 rum purpura. p. 274. l. 1. caussa. p. 230.
 l. antepen ult. l. *Distributivam*. p. 334.
 l. ult. l. lætum. p. 367. lin. 2. l. pauca.
 Plura si occurrerint, Lectoris bene-
 voli iudicio atque industriæ corrigen-
 da permittuntur.

ATTACHED

THE FOLLOWING IS A LIST OF THE
ITEMS WHICH HAVE BEEN RECEIVED
FROM THE OFFICE OF THE
COMMISSIONER OF THE GENERAL LAND OFFICE
AND THE BUREAU OF LAND MANAGEMENT
AND ARE BEING FORWARDED TO YOU
FOR YOUR INFORMATION AND RECORD
KEEPING. THE ITEMS ARE AS FOLLOWS:
1. A COPY OF THE REPORT OF THE
COMMISSIONER OF THE GENERAL LAND OFFICE
FOR THE YEAR 1907.
2. A COPY OF THE REPORT OF THE
BUREAU OF LAND MANAGEMENT
FOR THE YEAR 1907.
3. A COPY OF THE REPORT OF THE
COMMISSIONER OF THE GENERAL LAND OFFICE
FOR THE YEAR 1908.
4. A COPY OF THE REPORT OF THE
BUREAU OF LAND MANAGEMENT
FOR THE YEAR 1908.
5. A COPY OF THE REPORT OF THE
COMMISSIONER OF THE GENERAL LAND OFFICE
FOR THE YEAR 1909.
6. A COPY OF THE REPORT OF THE
BUREAU OF LAND MANAGEMENT
FOR THE YEAR 1909.
7. A COPY OF THE REPORT OF THE
COMMISSIONER OF THE GENERAL LAND OFFICE
FOR THE YEAR 1910.
8. A COPY OF THE REPORT OF THE
BUREAU OF LAND MANAGEMENT
FOR THE YEAR 1910.
9. A COPY OF THE REPORT OF THE
COMMISSIONER OF THE GENERAL LAND OFFICE
FOR THE YEAR 1911.
10. A COPY OF THE REPORT OF THE
BUREAU OF LAND MANAGEMENT
FOR THE YEAR 1911.

1



B. C. D.

COMPENDIUM ETHICVM.

PROLEGOMENA

De Natura Ethices, hu-
jusque Partitione.

*Quomodo Veteres Philosophi-
am diviserunt?*



IN *Moralem, Naturalem,*
& *Rationalem*; quarum
prima bene ac socialiter
vivere, altera de rebus na-
turalibus ac divinis dispu-
tare, tertia bene disserere, verumque
a falso dignoscere docet. Ad primam

A

retu-

retulerunt Ethicam & Politicam; ad secundam, Physicam, Metaphysicam & Mathesin; ad tertiam, Rhetoricam & Dialecticam.

[Seneca Epist. 89 : *Philosophia tres partes esse dixerunt & maximi & plurimi auctores : Moralem, Naturalem & Rationalem. Prima componit animum ; secunda rerum naturam scrutatur ; tertia proprietates verborum exigit & structuram & argumentationes , ne pro vero falsa surrepant. Cic. V. de Finibus : Triplex est Philosophia : Una pars est naturalis, differendi altera, vivendi tertia. Diogenes Laërtius, in Vita Zenonis, pulcherrimis Similibus divisionem hanc illustrat. Præter hos, e veteribus Plutarchus & Augustinus, e junioribus Mirandulanus, Vossius, Hamelius, alique magnopere illam commendant. Add. Lips. Manuduct. ad Stoic. Philos. Lib. II. Dissert. V. & VI.]*

*Hodie vero in Scholis quomodo
Philosophia dividi vulgo
solet ?*

*In Theoreticam & Practicam. Quæ
divisio desumpta est a Fine, quemad-
modum prior illa ab Objecto. Sub
Theo-*

Theoretica comprehendunt Physicam, Metaphysicam, & Mathesin: sub Practica, Ethicam, Oeconomiam & Politicam. Dialecticam & Rhetoricam vocant Habitus Instrumentales, illos Principales.

Quomodo inter se differunt partes Philosophiae Practicae?

Ethica praescribit officium boni viri, Oeconomica boni patris-familias, Politica boni civis. Vel: Ethica est prudentia honeste vivendi, Oeconomica prudentia commode vivendi, Politica prudentia socialiter vivendi. *

[* Vid. Cl. Becman. Medit. Polit. Cap. I. § 2. Add. Lips. Manuduct. ad Philos. Stoic. Lib. II. Dissert. V. ubi dicitur: *Ethica est, quae mores, vitam, regimen singulorum continet.* (sive extra sive intra societatem viventium) considerat & format; *Oeconomica, quae domus cujusque & familiae;* *Politica, quae civitatis totius aut societatis.*]

Quid est Ethica?

Est ars bene feliciterque vivendi. Sive, est disciplina hominem bonis moribus ac virtutibus informans, ad summam felicitatem hac in vita consequendam.

[*Ethica* denominationem suam accepit ἀπὸ τῶν ἠθῶν, a moribus, circa quos formandos illa versatur. Sunt verò *Mores*, vivendi ratio usu & consuetudine firmata. Hinc & alii *Ethicæ* τῆς ἠθῆς à *Consuetudine* derivant. Ad Genus quod attinet, vocetur *Ethica Ars, Doctrina, Disciplina, Scientia, Prudentia* &c. parum refert; dummodo satisfiat rerum veritati & morum honestati. Vid. Heider. Philosoph. Mor. p. 16. 17. 18.]

Quod est Objectum Ethices?

Objectum (sive Subiectum Tractationis) sunt recti mores, horumque præmium felicitas: Subiectum Informationis est homo quivis, rationis usu valens, quatenus ad rectam & felicem vitam perducendus.

[Non igitur arcendi sunt juvenes a Scholis *Ethicis*; sed advocandi potius illo *Persii*: *Petite hinc juvenesque senesque Finem animo certum, miserisque biatica canis!* Et *Seneca Epist.* 76: *Omnis aetatis homines hac schola admittit: in hac senescamus; hanc ut juvenes sequamur!*]

Quot sunt partes Ethices?

Duæ; quarum prior agit de cultura & regimine animi, sive *Virtutes*; posterior de Virtutis præmiis, sive hominis *Felicitate*. Illam *Ἀρετολογία*, hanc *Εὐδαιμονολογία* nominant.

Cur præmittitur hic Areto- logia?

Quamcunque præmittas partem, parum refert: potest enim *Ethica* & *Synthetica* & *Analytica* methodo tradi, prout docentium ratio aut stomachus, vel discipulorum captus, id exigit.

[Totam hanc controversiam, *Utrum Ethica methodo Synthetica an Analytica tradi debe-*

at? ad Logicam, non ad Ethicam pertinere; faretur ipse Hornejus in Philof. Mor. Lib. I. cap. 2. pag. 24. Et Sam. Pufendorfius in Præfat. Elem. Jurisprud. ait: *Quæ de differentia methodi Synthetica & Analytica vulgo feruntur, inania sunt.* Instas: In practi-
cis ante omnia Finem esse respiciendum.
Resp. De ipsa praxi concedo; adeoque Ethica, ut sic dicam, *Utiens*, quod in executione ultimum est, in intentione primum amplectitur: Ethica verò *Docens*, methodo Synthetica commodius tradi potest. Quin & ipsis Aristotelicis objicere possis: Si finis hominis ultimus (ex mente ipsorum) est operatio animæ, secundum virtutem optimam & perfectissimam; scire prius debeo, quid sit Virtus, quæ optima & perfectissima? &c.



PARS PRIOR.

SECTIO I.

ARETOLOGIA
GENERALIOR

five

Doctrina de Virtute, hu-
jusque Cauſſis, Subjecto &
Objecto.

Quid hoc loco eſt Virtus?

EST conſtans animi propositum
ſtudiumque, ſe & actiones ſuas ad
divinam Voluntatem componendi.

[Paucis tantum verbis, non re ipſa, a nobis diſ-
ſentiunt, qui Virtutem per *conſtans animi
propositum vitam ad legem componendi* defi-
niunt.]

*Quotuplici modo Voluntas di-
vina nobis manifeſtatur?*

Tum per Legem Naturæ, tum per
Legem Scripturæ: illa hinc *Natura-
lis*, hæc *Revelata* dicitur.

[Legem Dei *Revelatam* interpretatur nobisque commendat Theologia Moralis ; *Naturalem* Philosophia moralis.]

Quid est Lex Naturæ?

Est decretum Numinis per rectam rationem hominibus innotescens, eosque obligans ad faciendum vel omittendum, quod cum natura hominis convenit vel non convenit.

Sive: est dictamen rectæ rationis, hominem obligans, ut rationaliter & socialiter vivat.

[De Lege Naturæ, ut Norma actionum nostrarum, ejusque præceptis, ac Virtutibus eò reducendis, mox suo loco tradentur plura.]

Quenam est Causa Principalis Virtutis?

Causa Principalis est DEVS, uti omnis Boni, ita & Virtutis, auctor. Hic uti bonum opus in nobis incipit, ita & perficit; piisque rogatus precibus, gratiæ suæ auxilium & ardorem ministrat, ut ingressi Virtutis iter, constanti

stanti cursu persequamur, & viam hanc crebro calcantes, majores usque & usque progressus faciamus.

[Idem & agnoverunt sapientiores gentiles; e quibus Plato, circa finem Menonis, Virtutem non tam Doctrina & Natura, quam divina sorte, nobis obtringere docet. Seneca Epist. 41: Bonus vir sine Deo nemo est. Idem Epist. 10: Roga (Deum) bonam mentem, bonam valetudinem animi, deinde corporis!]

Quæ sunt Causæ administræ, Incitamenta & Adminicula, acquirenda Virtutis?

(1.) Doctrina & Legum institutio; (2.) Bona Educatio & Exercitatio; a (3.) Validissima ad parendum divinis Legibus obligatio: harum enim lator, Deus, est noster creator, conservator, Dominus, exemplar &c. b (4.) Accuratum actionum nostrarum examen quotidie instituentium. *Faciebat hoc Sextius, ut consummato die, cum se ad nocturnam quietem recepisset, interrogaret animum*

A 5 - *suum:*

suum: Quod hodie malum tuum sanasti? cui vitio obstitisti? qua parte meliores? Senec. III. de Ira cap. 36. c.

a) Hinc & Aristoteles scribit X. Nicom. cap. ult n 20. & seqq. *Ateneris rectam ad Virtutem institutionem adipisci difficile fore, nisi accedat diligens ac bonis legibus accommodata educatio.* Sic apud Platonem dicitur: *Nonne exercitationes honestæ ad Virtutem acquirendam conducunt; turpes verò ad pravitatem?* Lib. IV. de Rep. Et cum B. Erh. Weigelio optandum, ut ejusmodi Virtutum Scholæ instituantur, in quibus juvenus a pueritia, quotidianis Pietatis, Temperantiæ, Veracitatis, aliarumque pulcerrimarum virtutum exercitiis assuescat, sicque in Virtutis studio studioque feliciores subinde progressus faciat.

b) Hinc vetus illud Philosophorum præceptum: *Deum sequere!* Senec. de Vit. Beat c. 15. Et universale

sale

sale istud omnis juris principium,
Imperanti parendum! eique proxi-
me subordinatum: *Deo pare!*

c) Add. Aufonii Edyll. XVI.

Quæ est Cauſſa Finalis Virtutum?

Scopus seu Finis Virtutum ulti-
mus, isque præcipuus, est Gloria Dei.
Bias apud Laërtium in Vit. *Quicquid*
boni egeris, ad Deum refer. a Dein
etiam Præmia tum in hac vita, tum
post illam, a Deo consequenda. *b*

a) Add. 1. Cor. X. 31.

b) 1. Timoth. IV. 8.

[Notanter Phil. Melanchthon: *Uſitatum eſt in*
Philosophia dicere, Virtutem ſibi ipſi finem;
ſed rectius eſt, etiam ſecundum rationem, ad-
dere alium potiorem finem, ſcilicet, ut pro-
pter Deum expetatur Virtus. Joſeph ab a-
liena uxore abſtinet, ut Deo obediat &c. Prin-
cipaliter expetenda eſt Virtus propter Deum;
ſed poſtea etiam propter præmia æterna &
præſentia. Epit. Philoſ. Mor. p. 36.]

Quodnam eſt Objeſtum Vir- *tutis?*

Subjectum. *Quod eſt Homo; agi-*
mus

mus enim in Ethicis de Virtute Hominis ; non Dei aut Angelorum. Subjectum *Quo* est Animus , five Anima hominis rationalis. Cognitio enim ac sequela divinæ Voluntatis pertinent ad Intellectum & Voluntatem. Neque tamen diffrendum, ad Appetitum quoque sensitivum pertinere aliquo modo Virtutis studium, dum istius ἀταξία (inordinationem) emendare , eumque rectæ rationi subicere satagit. Ubi notetur regula. Ciceronis I. Offic. *Ratio præsit; appetitus obtemperet !*

Quid est Anima rationalis?

Est substantia spiritualis, ratione prædita & immortalis, regendo corpori accommodata. Complectitur Intellectum & Voluntatem.

Doctrina de Anima hominis ex Physica accuratior peti debet. Numerantur tres ejus facultates: (1) *Vegetativa*, quæ sub se comprehendit Virm Nutriendi, Crescendi & Generandi sibi simile (2.) *Sensitiva*, quæ com-

prehendit

prehendit vim a) Cognoscendi per Sensum vel externum e. g. visum, auditum &c. vel internum, nempe Sensum communem, Phantasiam & Memoriam: b) Appetendi seu Appetitum sensitivum; qui vel est, Concupiscibilis, quo anima in Bonum sensibus gratum fertur: vel Irascibilis, quo Malum sensibus ingratum averfatur; c) Loco movendi, quæ vel est totius corporis, vel partium corporis, v. g. capitis, oculorum, manuum &c. (3.) *Rationalis*, complectens vim Intelligendi & Volendi. Anima Vegetativa homini communis est cum plantis & brutis: Sensitiva cum brutis: Rationalis homini est propria.] +

Quid est Intellectus?

Est vis Animæ rationalis, quæ res sibi objectas cognoscit ac dijudicat.

Sunt functiones ejus duæ: *alteram* exercet, quando res tantum velut in speculo contemplatur, earumque convenientiam aut inconvenientiam, bonitatem aut malitiam, simpliciter cognoscit: *alteram* exercet, quando in tali cognitione non acquiescit, sed id, quod cognoscit, applicandum vel agendum esse judicat, rationes in utramque partem

se offerentes expendit, & comparatione diligenter instituta, de mediis ad finem maxime accommodis deliberat. A priori functione Intellectus humanus denominatur Theoreticus; a posteriore Practicus. Utriusque verum iudicium dicitur *Recta Ratio*.

Dicas igitur breviter, quid sit recta Ratio?

Est verum intellectus humani, de rebus, uti sunt, iudicium.

Recta igitur ratio non est ipse Intellectus humanus: non enim errat recta ratio; intellectus autem sæpe & graviter errat; sed est rectum intellectus de rebus iudicium. Estque vel *Theoretica*, quando iudicat de rebus Theoreticis, verumque aut falsum quid pronunciat; vel est *Practica*, quando de practicis iudicat, & aliquid appetendum vel fugiendum, faciendum vel omittendum statuit.

Super-

*Supereſtne homini, poſt lapſum
adhuc, circa practica ſive moralia,
ejuſmodi rectum Intellectus
judicium?*

Utique. Cuilibet enim homini, matura ætate *a* & mente integra *b*, tantum ſupereſt luminis naturalis, ut adhibita cultura ac debita meditatione, *c* poſſit recte comprehendere ſaltem generalia illa principia, *d* quæ ad vitam hanc honeſte & tranquille agendam faciunt, ſimulque, quid naturæ humanæ conveniat, quid diſconveniat, judicare. Hoc enim niſi intra ſphæram fori humani ſaltem admittatur, graviffimis etiam delictis ſuis *e* homines ignorantiam invincibilem ſobtendere valerent, adeoque nec flagitia illis imputari, nec pœnæ infligi poſſent.

a *Matura ætate*) h. e. quamprimum rationis uſus ſe exerit, & vel ſoli termini percipiuntur: e. g. quamprimum

primum homo perceperit, quid sint parentes, quid venerari, statim noverit, Parentes esse venerandos.

b Mente integra) Nemo igitur nobis objiciat furiosos, qui mente sua, ad intelligenda principia prima divinitus nobis indata, uti nequeunt.

c Adhibita cultura ac debita meditatione.) Feri ergo ac barbari homines hinc exulant, qui non debitam animorum suorum adhibent culturam, ut principiis naturalibus intelligendis eos reddant idoneos.

d Saltem generalia illa principia) Imprimis Practica, quæ sunt hujus loci, e. g. Deum esse colendum, Neminem lædendum &c.

e Gravissimis etiam delictis suis) v. g. furtis, latrocinis &c.

f Ignorantiam invincibilem) Quæ sine culpa nostra nobis obrepit, adeoque pœnæ non est obnoxia.

[Quomodo e SS. Scripturis quoque probari possit, dari etiam nunc post lapsum in nobis ream rationem; vid. in Horneji Philos. Mor. Lib. II. Cap. 2. Conf. Cl. Krebsii Morum

Juris

*Juris Scient. Univ. Lib. 111. Cap. 10. quod
agit de Resta ratione.*

Quid est Voluntas?

Est vis animæ rationalis, qua rem ab intellectu cognitam, ut bonam appetimus, ut malam averſamur. Vocari aliàs solet *Appetitus rationalis*.

Quomodo Voluntas munus hoc suum exercet?

Per *Liberum Arbitrium*, sive duplicem suam Libertatem; quarum altera dicitur *Libertas Contradictionis* *, quæ circa unius solum objecti electionem aut rejectionem versatur. Sic homo potest ambulare & non ambulare. Ita Adam potuit peccare & non peccare. Altera vocatur *Libertas Contrarietatis* **, quando ex pluribus objectis unum vel aliqua eliguntur. Sic homo liberè potest legere aut scribere.

* Appellatur illa Libertas *Contradictionis*, quia versatur circa contradictoria: item *Exercitii*, quia in potestate tua est, actionem hanc exercere & non exercere.

** Nominatur Libertas *Contrarietatis*, quia versatur circa contraria, aut saltem disparata; item *Specificationis*, quia specificantur in ea actus plures, quos producere Voluntas potest. +

Quid ergo est Liberum Arbitrium?

Est naturale Voluntatis adjunctum, quo homo, positis omnibus ad agendum requisitis, potest agere & non agere; * potest agere hoc & agere illud. **

* Secundum Libertatem Contradictionis.

** Secundum Libertatem Contrarietatis.

Quo-

*Quomodo probas, esse in nobis
tale Liberum Arbitrium?*

Ab experientia & interno testi-
monio, quo se libere agere quivisa-
gnoscit. Et cur supplicia male agen-
tibus decernuntur, si in eorum pote-
state non est, ut a sceleribus abstine-
ant? Ita nemo laude, nemo vitu-
perio dignus foret, si quædam agendi
necessitas nobis dominaretur: fru-
stra etiam ferrentur Leges civiles, &
instituerentur deliberationes.

Notetur tamen, Liberum Arbitrium
nos habere in rebus externis mo-
ralibus & civilibus; non verò spiri-
tualibus & coelestibus. In his enim
Deus operatur & velle & perficere,
pro sua voluntate. *Tantum de
Subiecto: nunc de Objecto.*

Quod est Virtutis Objectum?

Aliud est Generale, aliud Speciale.
De Speciali agitur in Aretologia spe-
cialiore, ubi singularū Virtutum ob-
jecta

jecta consideramus. *Generale* verò Virtutis objectum sunt Actiones humanae & Affectus ; sive *Actiones* & *Passiones*.

[Graeci appellant *πράξεις καὶ παθήματα*. In *Actionibus* enim nostris bene dirigendis, & *Affectibus* ad rectam rationem conformandis, Virtus Ethica quàm maxime occupatur.]

De quibus Actionibus hic sermo est?

Sermo est non de quibusvis hominis actionibus ; sed de illis, quae ab homine, quâ tali, proveniunt, & cum usu rationis libertatisque exercentur. Proinde non agitur hoc loco de Actionibus hominis Naturalibus, neque Artificialibus, sed Moralibus.

[*Naturalis* hominis actio est determinata ad bonum vel malum naturale ; unde nec laus nec vituperium expectandum : ut, edere, bibere, generare &c. *Artificialis* determinata est ad bonum vel malum artificiale, quod ad mores nihil confert ; ut tornare, edificare &c. Actio vero *Moralis* est motus hominis ad

ad bonum vel malum morale determinatus; quique alicui potest imputari ad laudem vel vituperium, præmium aut pœnam, aliosque effectus morales; ut, dare pauperibus, patriam defendere aut prodere &c.]

Quæ sunt Principia Actionum ejusmodi Moralium?

Alia sunt *Interna*, quæ intra hominem reperiuntur; nempe Intellectus & Voluntas, præcipuæ dotes, a Deo homini præ brutis concessæ. Alia *Externa*, quæ sunt extra hominem, vires tamen suas in hominis intima quæque explicant; ut aliorum suasio, dissuasio, hortatio, dehortatio, jussio, comminatio, promissio, laus, vituperium, præmium, poena &c.

[Principia Actionum varii varie enumerant. Nos, illustrem Pufendorfium aliosque cordatiores secuti, duo numeramus Interna: *Intellectum & Voluntatem*. Hinc & Actio Humana ab eodem Pufendorffio definitur per motum, ab illis hominis facultatibus procedentem, qua humano generi præ brutis Creator O. M. attribuit; nempe qui velut prævalente

cente Intellectu, ac decernente Voluntate suscipitur. de Offic. H. Lib. I. cap. I. §. 2.

Quomodo Intellectus & Voluntas ad Actiones Humanas concurrunt?

Intellectus rem agendam vel o-mittendam primò comprehendit & dijudicat; *Voluntas* dein eam appetit ut bonam, aut averfatur ut malam. Adeoque ille Principium actionis quasi *Dirigens*, hæc *Imperans* & *Exequens*, dici confuevit. *

[Ubi circa actionem suscipiendam aut o-mittendam deest Cognitio Intellectus, vocatur *Ignorantia*. Ubi verò Intellectus non solum cognitione veri est destitutus, sed & ejus loco falsa persuasione imbutus, *Error* appellatur. *Voluntas* est facultas libera, quâ homo non tantum *sponte* i. e. sine intrinseca necessitate quadam determinante, sed & *liberè*, h. e. præsentibus diversis objectis, potest agere & non agere; agere hoc & agere illud: veluti suprà percepimus. Atque adeò, quando Actio ab homine sciente ac volente, citra ignorantiam & coactionem, profecta est, tunc effectus ejus homini imputari possunt, ipseque *Causa moralis* actionis illius dici solet.]

Quæ

Quæ est Norma Actionum Humanarum?

Norma Actionum humanarum directiva est *Lex*. Hinc ab utroque Grotio *Lex* describitur, quod sit regula actuum moralium, obligans ad id, quod rectum est.

[*Obligatio* est vinculum juris, quo morali necessitate rei alicujus præstandæ adstringimur. Injicitur enim per eandem quasi frenum quoddam mori le nostræ agendi libertati, ut in diversam, quam quo illa ducit, partem tendere rectè non possimus. Vid. plura de Actionum Humanarum Norma in Morum & Juris Scient. Univers. Venerab. Krobii Lib. I. c. 6.]

Quæ verò Lex hic intelligitur?

In Philosophia Morum, actionum nostrarum norma potissimum * est *Lex Natura*, a Deo hominum mentibus implantata. Quod *Opus Legis* cordibus nostris inscriptum, (uti vocatur ad Rom. II, 15.) apud saniores gentiles norma erat, esse certe debebat

b. t. actionum moralium, ad quam haerant conformandæ: & si congruerent, bonæ ac honestæ, si deficerent, malæ ac vitiosæ dicebantur.

[Idem volunt Stoici, Virtutem collocantes in Congruentia morum cum natura; sive, ut in actionibus nostris Deo & naturæ pareamus. Nempe quemadmodum vita & actiones hominis Christiani æstimantur ex convenientia cum Lege Scripturæ; ita vita & actiones hominis quæ talis, h. e. naturali ac sociali natura præditi, æstimandæ sunt ex convenientia cum Lege Naturæ. Vid. B. Meisneri Philosoph. Sobr. Tom. I. in Quæst. Practicis, pag. 304-305.]

* Quamquam non prorsus hic excludantur *Leges Positivæ Humane*; modo sint necessitantes, non permittentés, ac Legibus Divinis non repugnent.

*Quomodo ergo distinguuntur
Actiones Morales?*

Distinguuntur vel ratione *Principiorum*, unde proficiscuntur; vel ratione *Normæ*, ad quam sunt conformandæ.

Quo-

Quomodo ratione Principiorum?

In Spontaneas sive Voluntarias, Invitas & Mixtas.

Quid est Actio Spontanea?

Spontanea (quæ Ciceroni *Voluntaria* dicitur) est, cum quis agit sciens ac volens. Requiruntur ergo duo ad illam: (1.) Notitia omnium, aut saltem præcipuarum, actionis circumstantiarum, quæ vulgari continentur versiculo, *Quis? Quid? Ubi? Quibus auxiliis? Cur? Quomodo? Quando?* (2.) Assentiens Voluntas. Sic e.g. Josephum fratres ipsius sponte ac voluntarie vendiderunt, Genes. XXXVII.

[Recte Aristoteli definitur Spontaneum, *cujus principium (nempe Voluntas) est in agente, cognoscente singula, (singulas circumstantias) in quibus actio consistit* Requiritur ergo præter Notitiam etiam Voluntas; cui tamen non repugnat, aliunde (v.g. Dei instinctu,

B

vel

vel rationibus suadentium & exhortantium)
ad agendum moveri.]

Quid est Actio Invita?

Cum quis agit nolens, vel ignorans. Estque adeo duplex: Vel enim fit per vim, & *Violenta* dicitur: vel per Ignorantiam, & *Imprudens* appellatur.

Quid est Actio Violenta?

Actio Violenta est, quæ fit a principio externo, contra agentis, vel patientis potius, voluntatem; ut si quis robustior manum meam arripiat, & alterum ea, me nolente, percutiat.

[Ita Lucretia a Sexto Tarquinio vis fuit illata. Vid. Liv. Lib. 1. cap. 58. Talis actio, si pure fit *violenta*, meretur veniam, & coacte agentem moraliter obligat neque ad culpam, neque ad poenam.]

Quid est Actio Imprudens?

Quæ provenit ab agente circum-
stan-

stantiarum quarundam ignaro, subsequente dolore ac poenitentia. X

[Est namque Ignorantia alia, quam sequitur dolor ac poenitentia: talis erat Oedipi, qui patrem ex Ignorantia interfecit, & matrem, quam non noverat, uxorem duxit. Quo gemino errore cognito, eò doloris processit, ut oculos sibi erueret. Vid. Hofmanni Lexicon Univers. P. 1. voc. *Oed. puz.* Alia, quam non sequitur dolor ac poenitudo: qualis de quodam narratur apud Plutarchum, quod, cum lapidem jaciens in canem, novercam percussisset, dixerit: *Euge, ne sic quidem male!* Prior illa Ignorantia, quæ juncta est cum dolore, & nulla nostra culpa contracta, actionem reddit invitam, agentemque excusat: posterior verò actionem invitam non reddit, nec veniam ita meretur, quam si doleret factio.]

Quomodo differunt Agere per Ignorantiam & Agere Ignorantem?

Priore modo agenti Ignorantia princeps actionis causa est; quæ remota, nunquam futura fuisset actio. Ut, si quis consanguineam ducat in matrimonium nescius; vel spissis in tenebris incursset in aliquem, eumque lædat.

lædat. Posteriore modo agenti alia est causa principalis, cum qua tamen Ignorantia concurrat; ut, si quis profunde ebrius alterum vulnerat, agit quidem Ignorans, sed non per Ignorantiam; quia hæc non est causa delicti principalis, tametsi cum isto conjuncta, sed Ebrietas.

[Si quis agit per Ignorantiam, tunc actio est Invita, & agens venia dignus, quando factum sequitur dolor ac poenitentia; si quis vero agit Ignorans, tunc actio non simpliciter dicitur Invita, neque agens exors est culpæ: Ignorantia enim, quæ ex Ebrietate provenit, est adscititia & evitabilis.]

Quid est Ignorantia Universalis sive Juris?

Quæ communia Juris præcepta ignorantur. Estque duplex, vel *Juris Naturæ*, cum ea, quæ Juris Naturæ sunt, ignoramus, v. g. homicidium aut furtum esse illicitum. Vel est *Juris Positivi*, cum quis ignorat, quod Lege Civili, sua in civitate, est deter-

determinatum, v. g. in Imperio nostro VII testes ad testamentum solenne adhibendos esse.

[Ignorantia *Juris Naturæ* neminem excusat; neque etiam Ignorantia *Juris Positivi* facile admittit excusationem. Dantur tamen casus, ubi posterior veniam agentis impetrat, v. g. si quis in civitate aliqua non diu sit versatus; aut si lex quædam noviter fuerit promulgata; vel ita proposita, ut in notitiam subjectorum pervenire non potuerit. Vid. Sveton. in Caligula cap. 4 r. init.]

Quid est Ignorantia Particularis sive Facti?

Quæ ignoramus unam itemque alteram actionis nostræ circumstantiam, e. g. (1) *Personæ*. Ita cum Paulus Actor. XXIII. v. 3. 4. 5. Ananiam durioribus compellasset verbis, excusavit se, quod nescierit, hunc esse summum Sacerdotem. (2) *Rei sive Objecti*, e. g. cum quis arcana, quæ tamen arcana ignorabat, evulgat. (3) *Temporis*, v. g. cum quis ignorat,

eo die iudicium haberi, cui se sistere debebat &c.

[Hæc Ignorantia Particularium Circumstantiarum (utpote circa quas est summa varietas) actionem reddit invitam, & excusat; modo (1.) careat dolo, (2.) culpa nostra non sit acquisita, (3.) subsequentem habeat dolorem ac poenitentiam.]

Annon dividitur Ignorantia in Vincibilem, & Invincibilem?

Etiā. *Vincibilis* est, quam adhibita industria quis evitare poterat, & notitiam necessariam comparare; e.g. si studiosus quispiam uti velit excusatione, se hanc vel illam Legem Academicam ignorasse. *Invincibilis*, quæ quis nullis diligentia viribus cognitionem debitam sibi acquirere poterat; e.g. si quis ignorat futura.

[Prior illa non facile, posterior vero semper meretur excusationem; si sit invincibilis non tantum *in se*, sed etiam *in sua causa*.]

Quid

Quid est Actio Mixta?

Actio Mixta dicitur ejus, qui incumbente graviore necessitate aliquid, ut minus malum, eligit ac suscipit, a quo ceteroquin extra necessitatem constitutus abhorrebat; e.g. si mercator, urgente gravi tempestate, merces suas in mare projiciat, ut allevata nave vitam conservet. Dicitur *Mixta*, quia partim sponte fit, partim invite, ex vi ac metu imminentis mali.

Suntne Actiones Mixtae Spontaneae seu Voluntariis magis, an Involuntariis, annumeranda?

Equidem Invitæ dicuntur, si causam extrinsecus moventem spectes: si vero causam proximam & internam consideres, plus habent voluntarii quam involuntarii; quia, nisi Voluntas consentiret ad hoc faciendum, membra corporis illud nun-

quam exsequerentur. Ac proinde Actiones ejusmodi non carent omni laude, si bonæ sint, nec vituperio, si malæ.

[Actiones Mixtas, Spontaneis magis quam Invitis annumerandas esse, Aristoteles alique sic probant: (1.) Quæcunque actio expetitur, & præ alia eligitur, illa magis est Spontanea quam Invita. Atqui Actio Mixta expetitur, & præ alia eligitur; E. (2.) Actioni Mixtæ competit definitio Actionis Spontaneæ, non vero definitio Actionis Invitæ. (3.) Quas Actiones sequitur laus aut vituperium, pœna vel præmium, illæ magis erunt Spontaneæ quam Invitæ. Atqui Actiones Mixtas sequitur laus aut vituperium &c. E.]

De Exempla Actionum Mixtarum Laude ac Vituperio dignarum.

Aliæ merentur *Laudem*, cum quis ob magnum declinandum malum, molestum quid admittit. Sic Attilius Regulus commendatur a Cic. III. Offic. quod maluerit præsentissimum atrocissimæ mortis periculum apud Carthaginenses subire, quam

quam jusjurandum datum violare.

Alia *Excusationem* merentur ac *veniam* : ut si quis magni mali effugiendi causa, indecori quidam mittat; e. g. quando David simulavit furorem, ut manus Regis Philistæorum Achis effugeret. 1. Sam. XXI.

Alia merentur *Vituperium* & *Pœnam* ; cum quid natura turpe ac flagitiosum admittitur; ut si quis, ad evitandum supplicium & servandam vitam, patriam prodat, aut veram religionem abjuret. Non enim sunt facienda Mala (moralia) ut inde eveniant Bona. Et ex duobus Malis Tristibus minus eligendum; e Turpibus neutrum.

Utrum Actiones proficiscentes ex vehementi perturbatione, qualis est Ira vel Amor, sunt Spontaneæ an Invitæ?

Rectius dicuntur Spontaneæ, tum quia ab interno principio profici-

scuntur, & circumstantiarum ignorantiam aut coactionem non possunt prætere; tum quia in potestate hominis est, affectus suos frenare, ne recti honestique terminos transgrediantur.

Quomodo distinguuntur Actiones Morales ratione Normæ sive Regule?

Alia Actio est *Bona*, quæ cum norma h. e. Lege congruit; alia *Mala*, quæ a lege discrepat.

[Ad Actionem Bonam requiritur, ut cum lege congruat ex omni parte: at Mala etiam est, quæ a lege discrepat aliqua tantum ex parte. (2.) Bona actio debet esse materialiter & formaliter bona: Mala actio, etsi materialiter bona, formaliter tamen mala esse potest; & vice versa: ut si quis benefactori gratiam refert per injuriam alterius; aut si quis eorum furatur, ad calceos pauperibus donandos.]

Quænam dicuntur Actiones Licite & Illicite?

Licita sive *Permissa* actio est, quam Leges

Leges neque præcipiunt neque vetant, & quam suscipere aut omittere in cuiusvis arbitrio est relictum; ut, serere in agro tuo hordeum aut triticum. *Illicita* est, quæ fit contra legem. *Abusive Licita* vocatur, quæ cum Lege naturali prohibeatur, per Legem civilem nulla poena coercetur: sic potu immoderato obrui, hodie multis in locis ab impune. *

[De quaestione, *An dentur Actiones Morales Indifferentes?* magna olim inter Thomam & Scotum fuit, hodieque inter Doctores Ethicus est controversia. Negant eam Horneus in Philos. Mor. Lib. II. Cap. 7. §. 18. Philaretus in Ethica sua pag. 72. 73. & Cl. Krebsius, de Indifferentismo hoc Moralifusus agens in Morum & Juris Scientia Univers. Lib. II. Cap. 4. imprimis pag. 69. & seqq. ubi in sententiam Thomæ inclinat, illudque Apostoli urget: *Sive manducatis, sive bibitis, sive quid agitis, omnia in gloriam Dei facite!* 1. Cor. X, 31.]

Quænam est Omissio bona & mala?

Omissio bona est, quæ omittitur a-

ctio mala, occasione perpetrandi oblata, ex amore Dei, & studio obediendi ejus legi. Sic Joseph ab aliena abstinuit uxore.

Omissio mala est, qva omittitur actus lege præceptus, qvem per occasionem aut facultatem præstare posses; ut, cum Parentibus aut Magistratui honor debitus non exhibetur.

[Diximus supra, Generale Virtutis Moralis Objectum esse *Actiones Humanas & Passiones*; sive *Affectus*]

Quid est Affectus?

Affectus (in homine consideratus) est motus, qvo voluntas aut sensus rem oblatam prosequitur aut fugit, cum extraordinaria spirituum agitatione.

[Nobis hic de Affectibus, prout in homine sunt, sermo est. Hi igitur cum sint mixtæ mentis corporisque actiones seu passionēs, duplex eorum Subjectum Quo constitutum est, nempe *Mens & Corpus*; & in *Mente* quidem *Voluntas seu Appetitus rationalis*, & in *Corpore* *Appetitus Sensitivus*. Hinc celeberr.

leherr. Sturmius Affectus humanos ad Appetitum Sensitivo-Rationalem refert, eosque vocat internas Corporis humorumque commotiones, cum Voluntatis quodam consensu aut dissensu conjunctas &c. Vid. Phys. Conciliatr. Pars Specialis. cap. IV. §. 4. & §. p. 280. 281. An & quomodo Affectus Deo, Angelis, Mentibus separatis & Brutis competant? aliis disquirendum relinqvemus.]

Quot numerantur Affectus?

A variis varie enumerantur. In Scholis vulgo recenseri solent XI; quorum alii ad Appetitum *Concupiscibilem* referri solent, qui nempe in Bonum sensibus nostris & rationi gratum feruntur; ut Amor, Læticia, Spes, Desiderium, Audentia; alii ad *Irascibilem*, quibus Malum nobis ingratum averſamur; ut sunt Ira, Odium, Tristitia, Metus, Fuga, Desperatio.

Affectus omnes enumerare apteque disponere velle, res est laboris ardui & successus incerti, propter temperamentorum corporis humani, & objectorum, quæ illos excitare possunt, varietatem, causasque plures. Hodie

duplex eorum celebrior datur Enumeratio
ac Divisio: *Scholastica*, juvenibus cognitu fa-
ciliior, & *Cartesiana*. Cartesius Affectus
dividit in Primitivos & Derivativos. Pri-
mitivi, quæ ex nullis aliis orti, atque adeo Sim-
plices sunt, ipsi dicuntur sex: *Admiratio*, *A-*
mor, *Odium*, *Cupiditas*, *Latitudo*, *Tristitia*.
Derivativi, qui ex quibusdam eorum varie
componuntur, illorumve species sunt. Sic
Admirationis species constituit *Existimatio-*
nem ac *Despectum*; *Amoris species*, *Fabo-*
rem, *Gratitudinem* &c. Vid. ipse Cartesius
in Lib. de Passionibus Animæ; Henr. Morus
in Enchirid. Eth. Lib. I. Cap. 7. Philareti *E-*
thica Lib. I. Cap. 7.]

Quid sentis de Admiratione, hu-
iusque speciebus, quas Cartesius inter
Affectus numerat?

Scholastici recensent affectus, qui
in *Corde* sedem proprie habent, cum-
que cordis commotione sunt con-
iuncti; & qui referuntur ad Bonum a
nobis persequendum, vel Malum a-
verſandum: Cartesius vero abstra-
hit a Bonitate & Malitia ad nos rela-
ta; atque eos etiam considerat affe-
ctus,

Etus, qui sedem habent in *Cerebro*, & qualemcunque spirituum agitationem inferunt. Qui tamen dissensuantus non est, ut propterea rejiciendam putemus vulgarem istam Scholasticorum Enumerationem ac Divisionem: præsertim cum Hamelius & alii Admirationem nominent *Passionem improprietalem*. ✕

[Vid. Hamel. in Philos. Moral. Tractat. III. Disp. II. de Affectibus Animi, Quæst. III. Artic. 2. p. m. 746. ubi & paulo post ibid. Quæst. IV. Artic. I. p. m. 748. fatetur, quod tanta non sit in Admiratione, quanta in cæteris affectibus, animæ commotio, quoniam in nuda & simplici Admiratione res in se ipsis spectentur, non ut ad nos referuntur: hinc nullam in corde, nullam in sanguine agitationem, nec ullam fere in ipso corporis habitu fieri mutationem. Agemus tamen infra nihilominus quoque de *Admiratione*: neque multum hic immorabimur speculationibus istis, *Quid & Quot* sint Affectus, quomodo item *dividendi*? sed monstrabimus potius, quemadmodum eos moderari, usque recte uti debeamus.]

Sint-

Suntne Affectus in se & sua natura vitiosi?

Non sunt in se vitiosi, adeoque nec extirpandi, sed concinne temperandi, rectaeque rationi subjiciendi.

Quomodo id probabis?

1. Novimus nos Christiani, quod Servator noster, omnis perfectionis exemplar, non fuerit expers affectuum: contristavit enim eum mors Lazari, Joh. XI; lætatus est ob successum prædicati Evangelii, Luc. X; misertus turbæ inedia pressæ, Matth. XV.

2. Deo ipsi adscribuntur affectus nonnulli, ut Amor; Ira, Odium &c. Et ab eodem nobis affectus quidam præcipiuntur, ut Amor erga parentes, conjuges, miseratio erga afflictos &c.

3. Sunt cotes & instrumenta multarum Virtutum; nostræque sanitati fovē-

fovendæ conducunt: idem enim in homine microcosmo præstare videntur, quod venti majore in mundo; sicut enim hi aërem expurgant, ita illi sanguinem quasi ventilant, ne stagnans putrescat.

[De Utilitate Affectuum humanorum vid. H. Mori Enchirid. Eth. Lib. I. Cap. VI. & Philareti Eth. Cap. VI. §. 3. p. 79. & seqq.]

*Cur ergo Stoici docent, illos, ut morbos animi, non temperandos, sed eradican-
dandos esse?*

Tota lis hæc inter Peripateticos & Stoicos latet in verbis, non in re ipsa. Nam si Peripatetici vocem $\piάθος$, sic acciperent, ut Stoici, (nimirum pro Perturbatione rectæ rationi contraria) omnino etiam τὰ $\piάθη$ per se mala & extirpanda judicarent. Ac vixissim, quando Stoici τῶν παθῶν nomine nihil aliud intelligerent quam peripatetici, (nimirum motus animi
indif-

Indifferentes) eos nec per se malos, nec eradicandos esse monerent.

[Stoicis (1) *πάθος* five Perturbatio est commotio quædam vehementior, a recta ratione averſa; quæſis certe in virum bonum ac ſapientem cadere non debet. (2) Distingvunt inter *πάθος* & *Εὐπείθεια*. Per illud intelligunt morbidam animi perturbationem, ſive, ut dixi, commotionem animi rectæ rationi contrariam; per *Εὐπείθειαν* vero, commotionem animi placidam, conſtantem, rectæque rationi congruentem. Itaque dicunt, in Sapientem non cadere Libidinem, ſed Voluntatem; non Lætitiam, ſed Gaudium; non Metum, ſed Cautionem &c. (3.) Distingvunt inter *παῖς* (Propaſſionem) & *Εὐνομίαν* (ipſam Paſſionem.) Illam dicunt Involuntariam, ideo neque bonam neque malam eſſe, & in Sapientem quocunque cadere: hanc Voluntariam, eamque (ſi rectæ rationi adverſetur), malam, ac ſapiente viro indignam. Vid. Gell. Lib. XIX. Cap. I. Denique ſicut mercatores iniquum quandoque poſtulant, ut æquum obtineant; ita Stoici excidium affectuum imperarunt, ut moderamen impetrarent. Vid. Senec. Lib. VII. de Benefic. c. 11. & 13. Add. Horneji Philoſ. Mor. Lib. II. cap. 6. n. 8.

Quæ-

Quenam sunt Regulae Generaliores, quibus niti possumus in recto Affectuum sive Passionum usu?

Duae: (1) Ut affectus nostri ferantur ad Finem debitum; (h. e. eum, ad quem a natura destinantur) & ad Objecta recta & licita; (h. e. ea, quae appetere Lex jubet aut permittit,) quae ὁρθοπάθεια vocari solet. (2) Ut affectus nostri Objecto & Fini sint proportionati (ut ita dicam) & commensurati, i. e. ut summo affectu summa & optima, mediocri mediocria, minimo minima prosequamur; nec unquam in tantum commoveamur, ut affectus alicujus violentia lucem rationis intercipiat. Quae μεγαλοπάθεια appellatur.

Qua-

Quenam Remedia Generalia regendis affectibus conducunt?

1. Perpendamus, quod rectum affectuum usum a nobis exigit non tantum Ratio, sed & revelatum Dei mandatum, ac propterea lege ad eum nos obligemur. Cicero: *Ratio praesit, appetitus obtemperet! 1. Offic. Sub te erit appetitus tuus, & tu dominaberis illi!* Genes. IV, 7.

2. Consideranda Voluptas liquidiſſima, ex prudenti affectuum moderamine resurgens; & cogitandum, quod illi e contrario perpetuis agitentur Furiis, qui suis passionibus succumbunt. Conf. Senec. Lib. III. de Ira c. 6.

3. Preces ad Deum fundendae. *Nemo enim continens esse potest, nisi Deus det.* Sap. IIX, 21. Pie Epictetus apud Arrianum, *Dei memento*, inquit; *hunc adiutorem advocato & commilitonem; ut solent nauta, qui*
in

in tempestatibus invocant Castorem & Pollucem. Quæ vero periculosior est tempestas, quam fluctuantium passionum? Lib. II. cap. 18.

4. Compertæ integritatis moderator vitæ ac moribus tuis præficiendus, qui vel objecta noxia tibi surripiat, vel passionibus tuas ipso in æstu refrænet. Vid. Jo. Bonæ Manuduct. ad Cælum Cap. II.

5. Imo & ipsi præscindamus occasiones, nobisque objecta subtrahamus, quæ turbare nos possunt. Inle Philosophi quidam pecunias abiecerunt, oculos sibi effoderunt, aures era obturarunt &c. (Quamquam & hic observandum illud: *Ne quid niis!*)

6. Principiis obsta! Et quamprimum vel minimos senseris motus rationis imperio insurgentes, fræna illi injice! Vid. Senec. I. de Ira c. 7. & II. c. 10.

7. Denique accurate indagemus illos affectus, in quos Temperamentum nostrum, præ aliis nos inclinat: hos proinde, veluti capita papaverum, cum Tarquinio demetamus; sic reliqui minorum gentium affectus facilius, imo ultro, sedabuntur.

Quid est Amor?

Amor est affectus, quo propendimus in Bonum nobiscum jungendum. Objectum ejus sunt Bona & Pulcra, quæ Græci simul vocant τὰ καλὰ, vel τὰ Φιλητὰ, *Amabilia*.

[Amor (1) vel est *Concupiscentia*, quo Bonum appeto mihi; vel *Benevolentia*, quo Bonum appeto alteri. Ille fertur in Bonum, ut eo ipse fruar; hic in Bonum cum altero communicandum. (2) Vel est *Honestus* ac *Laudabilis*, quo amamus, quæ oportet vel licet amare, & prout amare decet. Talis est Amor Dei, Parentum, Conjugis, Virtutis &c. vel *Turpis* & *Vituperabilis*, ut cæcus divitiarum aut honorum amor, ac præsertim Venerius ille inordinatus atque illicitus.

Quæ.

*vanam Regulæ hic notanda,
& quæ Remedia inordinato Amo-
ri præscribenda?*

1. Quamprimum tibi placere
vid cœpit, non statim ac temere id
persequendum aut amandum judi-
cas, licet Bonum tibi videatur ac Pul-
crum; sed probe dispicias, annon la-
eat angvis in herba? 2. Persvadeas
tibi, nihil amandum esse, nisi quod
cum dignitate & honestate
conjunctum sit: Turpe contra exi-
mes, turpiter amare, aut personæ
rei indignæ amorem tuum con-
secrare; vel etiam rem corruptioni
vel amissioni obnoxiam tam arcte
amplecti, ut ea amissa animus se col-
lere nequeat. Speciatim adver-
sus Amorem Venereum, eumque il-
licitum, sequentia observentur Re-
media: (1) Fuga omnis occasionis,
Aversio oculorum, aurium, cogi-
tionum ab Objectis talis amoris
æstim

æstum irritantibus. (2) Fuga otii: *Otia si tollas, periere Cupidinis arcus* &c. (3) Frugalitas in Cibo ac Potu. Sine Cerere enim ac Libero friget Venus. (4) Consideratio maiorum, quæ amorem stultum ac perversum comitari ac sequi solent. Vid. Plauti Mercator Act. I. Sc. I. vers. 18. seqq. (5) Loci mutatio; quæ ut corpori, sic animo ægrotanti sæpe est salubris. *Quantum oculis, animo tam procul ibit amor.* (6) Consilium Hieronymi: *Tria esse Amoris Remedia: Preces, Jejunium, Laborem,*

Exempla.

Ad exempla quod attinet, Amoris inordinati affectum vicit (a) *Joseph*, ab uxore Potipharis abstinens, Genes. c. 39. (b) *Alexander*, cætera gentium magis quam affectuum dormitor. Etenim cum Darii filias eximie pulcritudinis captivas haberet,

moni-

monitus etiam, invifere eas recuſa-
 it, dicens: Sibi non committendum,
 ut cum viros vicisset, a mulieribus
 inceretur. (c) *Scipio Africanus*, qui
 captivas etiam puellas præcipuæ pul-
 critudinis barbaris reſtituit, ac ne in
 conſpectum quidem ſuum paſſus eſt
 adduci, ne quid de virginitatis inte-
 ritate delibaſſe ſaltim oculis videre-
 ir. Flor. Lib. II. c. 6. n. 40.

vid eſt Gaudium ſive Lætitia?

Lætitia eſt affectus, quo ex præſen-
 ti boni fruitione anima ſuavi volu-
 nate perfunditur. Objectum eſt
 bonum præſens. Gaudemus qui-
 am Boni etiam præteriti memoria,
 et futuri conceptione: quod utrum-
 que tamen animo occurrit tanquam
 præſens.

Lætitia (1.) alia eſt *Mentis*, quæ ſubſcitur menti;
 qualis eſt illa ex Virtutum exercitio & don-
 junctione cum Deo reſultans: alia *Senſuum*,
 ut quæ ex Viſu, Guſtu, Taſtu &c. percipi-
 tur. Illa hac multo eſt præſtantior. (2.) Alia
 C eſt

est *Honestæ & Moderatæ*, quæ probatur Deo, & rectæ rationi est congrua. Alia *Turpis & Immoderatæ*, eaqve inimica Deo, rectæqve rationi contraria.]

Regula & Remedia.

Seneca Epist. 23 : *Hoc ante omnia fac : Disce gaudere !* h. e. Gaudium verum a falso discernere; atq; cavere, ne gaudium tuum intempestive, aut ex causis non idoneis, sese exferat, puta, ob aliena mala &c. & ne ad ineptias, vanitatem, & quæ turpia aut indecora sunt, propellat. (2) Temperantiam in Cibo, Potu & Venere adhibe; ac prava eaqve ad nimiam & frequentem lætitiā prona consortia fuge ! (3) Tecum perpende, quantam voluptates terrenæ, atque hinc inordinata & immoderata læticia, homini perniciem afferant, ratione animæ & corporis. *Impia sub dulci melle venena latent.* (4) Ob oculos tibi pone brevitatem & vanitatem

item omnium gaudiorum terreno-
rum : & quam perpetuæ sint in orbe
ices Lætitiae ac Tristitiæ. *Nulla est
cæca voluptas, sollicitumque ali-
quid latet intervenit.* Ovid. VII.
Metam. (5) Mortis meditatio.

Exempla.

Ultimum ecce hoc remedium ad-
hibuit *Ptolemaeus Philadelphus*, Ægy-
pti Rex, qui medias inter epulas
mortui cranium semper afferri, & a
ministris hanc sibi vocem acclamari
fuit : *Inspice Rex, & cogita, te talem
si quando futurum !* Cæterum affe-
um hunc adductioribus habenis
imperavit *Philippus Macedo*. Ei
im nunciatum esset, uno die mul-
ieres simul felicissime gestas esse ;
am eodem tempore curru quadri-
go vicerat in Olympicis, & Parme-
o Tarnenses prælio fuderat, & O-
lympias ipsi filium enixa erat) porre-

Etis in coelum manibus exclamavit:
 O fortuna, prout tantisqve benefi-
 ciis levi quopiam malo me affice!
 Exempla eorum, qui prænimio gau-
 dio exhalarunt animam, vid. ap. Gell.
 N.A. Lib. III. c. 15. ut *Policrata*, *Phi-*
lipidis, *Diagora Rhodii*; it. apud
 Plin. Lib. VII. c. 53. sub init. Valer.
 Max. Lib. IX. c. 12. n. 2. 3. x

Quid est Spes?

Spes est affectus, quo bonum futu-
 rum, idqve possibile, nobis pollice-
 mur & expectamus. Objectum e-
 jus proinde est (1) Bonum: Malum
 enim non speramus, sed metuimus.
 (2) Futurum. Bonum enim jam
 præsens non amplius speratur. (3)
 Possibile: Impossibilia quippe non
 speramus, sed desperamus.

[Spes (1) est vel *Bona*, quæ veris bonis, vel *Vi-*
tiosa, quæ malis aut falso creditis bonis inni-
 titur. (2) Spes est vel *Certa*, quæ a certis
 bonis, vel *Incerta & Vana*, quæ a dubiis va-
 nisqve rebus pendet.]

Regu-

Regula & Remedia.

(1) Caute agas, nec multum Spei credas; *Fallitur augurio spes bona saepe suo.* (2) Futura sperantibus, sæpe præsentia dilabuntur; secundum illud Plauti: *Certa amittimus, dum incerta petimus.* Pertinet huc fabula de Canè Æsopico, ad flumen currente, & frustum carnis ferente. (3) Ita spem tempera, ne animus per eum ægrescat, ac ne, dum vana, incerta, aut supra vires posita complectatur, gratis se fatiget. Cic. in Cat. Maj. *Quid stultius, quam incerta habere rocertis, falsa proveri?* (4) Exertis crede, & intuere multos, quorum spes decollavit; e. g. Alexandri, Iamani, Sejani &c. (5.) Divum Hieronymum sequere, Serm. IX. super Psalm. 91. scribentem: *Abjiciamus omnino spes miseras, vanas, inuiles, seductorias! & huic uni (in eum collocandæ) tam solida, tam*

perfecta, tam beate inhareamus!

(6) Patientiæ studeas; secundum illud: Ferendum & Sperandum. Cic. *Speremus, quæ volumus, sed quod acciderit, feramus.*

Exempla.

Exempla eorum, qui Spem bonam certamque in Deo collocarunt, sunt *Job*, cap. XIX. 25. seqq. *David* Psalm. XXV. 2. LVI. 4. 5. 12. CXXX. 5. seqq. aliisque locis quamplurimis. Cæterum spem nimiam & immoderatam frænavit *Epictetus*, sæpius, teste *Stobæo*, hoc usus simili: Ut crura, sic spem quoque, non amplius extendere convenit, quam fieri commode possit. Item *Plato* & *Aristoteles*, Spem vigilantis somnium appellantes.

Quid est Desiderium vel Cupiditas?

Est affectus, quo Bonum, quod nobis

nobis deest, appetimus; & malum, quo premimur, remotum cupimus. Objectum ejus est Bonum, idque absens, sive præteritum sive futurum; nec non Malum a nobis removen- dum. Inde Scaliger describit Deside- rium per Inclinationem voluntatis ad habenda bona, quibus caremus; aut ad excutienda mala, quibus pre- mimur. x

- [1. Desiderium a Spe sic differt: (a) Deside- rium proprie est Boni alicujus appetitio sive cupiditas; Spes autem læta expectatio. (b) Desiderium versatur circa Bonum ab- sens, præteritum vel futurum; Spes tantum circa futurum. (c) Spes conjuncta est cum lætitiâ; Desiderium plerumque junctum est cum tristitiâ, anxietate animi & impatientia. (d) Desiderium intentius fertur, & sagittæ instar vibratur in bonum possidendum; Spes patienter illud expectat.]

- [2. Desiderium aliud est *Naturale*, quod in Bo- num naturæ utile tendit; e.g. desiderium ali- menti, somni, quietis &c. Aliud *Non-natu- rale*, quod tendit ad bonum a ratione depen- dens; ut desiderium scientiæ, honorum &c. Tam Naturale, quam Non-naturale, vel est *Bonum* & recta ratione definitum, ut deside-

rium Dei S. Boni nostri, item Virtutum bonarumque artium &c. nec non desiderium cibi modici, aut necessariae medicinae: vel *Malum* & inane, a neglecto rationis iudicio falsaque opinione prognatum; ut desiderium immeritorum honorum, divitiarum, Veneris immoderatum. Talia Petrus vocat *Carnalia desideria*, quae militant adversus animam. [1. Epist. II. 11.]

Regula & Remedia.

(1) Desideria tua ad rationem revoca; & ad naturam vive, quae paucis est contenta, multisque desideriis ad vivendum non habet opus. Hinc Seneca Epist. 119: *Nihil monuisse te malim, quam hoc, quod nemo moneatur satis: ut omnia naturalibus desideriis metiaris, quibus autem gratis satisfiat aut parvo. Tantum miscere vitia desideriis noli!* (2.) Vitiis vero, quae misceri desideriis solent, medeatur Lex divina: *Non concupisces domum proximi tui* &c. Exod. XX. 17. (3.) Bonum, quod desideras, attente circumspice, an verum sit Bonum,

ionum, an apparens tantum; utrum nocere magis, quam prodesse possit? *Multa impetum animi movent, quæ et tunc petentium malo.* Senec. *Epist.* 118. (4.) Considera Effectus effectus hujus inordinati molestos ac perniciosos; quodque is, secundum latonem, malum sit inexplebile. 5.) Τῇ ἀνταρξείᾳ seu Sufficienciæ stude. Cic. *Paradox.* VI: *Contentum his rebus esse, maxima sunt certissimeque divitia.* Add. 1. *Timoth.* VI. (6) Res extra te positas, tanquam nihil ad te spectantes, sperne, noctemque meditare! *Sic enim nihil unquam humile cogitabis, nec in se cupies quicquam.* Epictet. *Enchirid.* c. 20. *Finem omnium rerum spe-
a, & supervacua dimittes!* Senec. *Epist.* 119.

Exempla.

Cupiditati ac Desideriis fibulas imposuerunt (a) *Agur*, nec divitias
C 5 nec

nec paupertatem a Deo precatus; sed ut victui tantum tribuerentur necessaria. Proverb. XXX. v. 7. 8. 9. (b) *Paulus*, ad Philipp. IV. 11. 12. & 1. Timoth. VI. 6. 7. 8. (c) *Socrates*, qui cum in pompa triumphali magna vis auri & argenti ferretur, Quam multa non desidero! exclamavit; teste Cic. V. Tusc. Quæst. (d) *Epicurus*, cujus frequens dictum erat: Si ad naturam vires, nunquam eris pauper; si ad opinionem, nunquam eris dives. Exiguum natura desiderat; opinio inensum. Item: Panem & aquam natura desiderat. Nemo ad hac pauper est, intra qua desiderium suum clausit: cum ipso Jove de felicitate contendat! apud Senecam Epist. 16. & 25. (e) Ipse etiam *Seneca*, cujus Epistola 119. digna imprimis est, quæ legatur.

Quid

Quid est Audacia siue Confidentia?

Est affectus, quo malum arduum aggredimur, ut Bonum speratum consequamur. Objectum itaque est malum, idemque arduum & superandum, eoque superato Bonum obtinendum.

[Audacia (ut est affectus) alia est *Laudo*, alia *Vituperio* digna. Illa rationi rectæ est congrua, quando ad malum ingens, quod Bono obtinendo obstare videtur, depellendum, animi corporisque vires, ac Dei cum primis hominumque auxilia, spem firmam afferunt. Huc pertinet illud: Audentes Deus ipse iuvat. Hac vero ratione caret ac consilio; si quis nempe maiora viribus suis aggredi, ac necessariis destitutus prædiis rem conficere tentat.

Regula & Remedia.

(1) Moram & consilium adhibe, antequam rem arduam aggrediaris; secundum illud Statii: *Mesire, quod audes!* (2) Nosce te ipsum, viresque tuas accurate pensita, & moderatam

ratam de te concipe opinionem. Conf. Senec. de Tranqvill. animi Cap. 4. & 5. (3) Ne leviter nimis de obstante malo, aut adversariorum viribus existimes! *Leo aliquando minimarum avium pabulum fuit &c.* Curt. Lib. VII. c. 8. n. 15. (4) Sobrietati stude: quæ nos reddit moderatiores & circumspectiores: Ebrietas contra in prælia trudit inermes. (5) Juvabunt hic Doctrina, Usus & Experientia; nam sicut indocti & inexercitati plerumque sunt audaculi; ita docti & experti cautiores ac prudentiores. (6) Cogita, quam stolidus ac nocivus sit affectus, Audacia immoderata. Id quod testantur Phaëthon & Icarus; item Pyslli & Celtae adversus Austrum ac fluctus marinos præliati, sed arenis undisque obruti.

Exem.

Exempla.

Moderatus est affectui huic (a) *Fabius ille Maximus*, qui primus fulmineum lento cunctamine Pænum compressit ; ut canit Claudianus ; plus consilio quam fortunæ confisus, atque ostendens, bono Imperatori hand magni momenti fortunam esse ; mentem rationemque dominari. Liv. XXII. c. 18. & 25. (b) *Suetonius Paulinus*, Tacito dictus Cunctator natura, cui cauta potius consilia cum ratione, quam prospera ex casu placerent. II. Histor. c. 25. (c) *Archidamus*, qui filio suo cum Atheniensibus temere congressuro dixit : *Aut viribus adde, aut animis adime!* Plutarch. in Apophth. Lacon. Laudabilis præterea Confidentiae Exempla in Sacris sunt *Gedeon, David, Judas Maccabeus* hujusque fratres, qui non tam suis viribus, quam Dei auxilio confisi, summa patrarunt facinora.

— Quid est Ira?

Est affectus, quo contemptum aut injuriam nobis nostrisve illatam vindicare nitimur. Objectum ejus est Malum, seu Verum seu Apparens, puniendum, & contemptus nostri nostrorumque vindicandus.

[Bene monet Bœclerus in Libell. Memor. Erb. Optabilius esse plane eliminare Iram, eamque Virtuti non bene congruentem, saltem non necessariam esse. Neque enim ad propulsandam injuriam, neque ad punienda delicta, ira opus est; imò quo longius abest ira, eo melius ista omnia conficiuntur. Conf. Senec. l. de Ira c. 14. 15. & 16. Quamquam communiter doceatur, esse Iram quandoque *Justam*, & Irasci licere, quando Religio, bonæ Leges, Patria, Parentes & Propinqui immerito offenduntur ac violantur. Szpius tamen Ira hominis est *Vitiosa ac stolidæ*, ut cum irascimur Deo, Magistratui, Parentibus, Præceptoribus, aliisque immerentibus, imò & brutis rebusque inanimatis &c. aut quando ex causis rebusque levissimis exacerbamur.

Regulæ & Remedia.

(1) Iræ, ut violentissimo affectui, omni studio reluctandum; quæ & ipsam

psam fortitudinem ac justitiam, qui-
bus inservire vulgò putatur, sæpe oc-
cæcat & præcipitat.

*Ira furor brevis est; animum rege, qui
nisi paret,*

*imperat: hunc frenis, hunc tu com-
pesce catena.*

Hor. Lib. I. Ep. 2. (2) Remove proinde
Causas *Internas*, (quæ in nobis sunt)
unde Ira oriri solet; quarum aliæ sunt
Morales, ut Philantia, Zelotypia, Su-
perbia, Curiositas &c. aliæ *Naturales*,
ut ebrietas, nimia lassitudo aut defa-
tigatio, fames, sitis &c. Vid. Senec. III.
de Ira c. 6. 9. 10. (3) Remove ac fuge
Causas *Irae Externas*, quæ sunt om-
nia, quæ contemptum aliquem nostri
ac nostrorum præ se ferunt, nosque
extrinsecus irritare possunt. Hic at-
tendamus, quam incitamenta illa
plerumque frivola sint ac levia, &
nobis sæpe, si ad mentem sanio-
rem redierimus, videantur ridicula. Conf.
Senec.

Senec. Lib. III. de Ira c. 30. init. c. 10. versus fin. item c. 11. & 12. (4) Animo tuo firmiter constitue, Iræ nihil unquam loci te velle dare, quæcunque tandem molesta accidunt. Senec. III. de Ira c. 37 : *Presumo animo, multa tibi esse patienda &c.* (5) Conversare cum hominibus placidis & mansuetis; ac fuge homines contentiosos & agrestes. Vid. Senec. Lib. III. de Ira c. 8. & Lib. II. c. 22. (6) Assidue meditare funestissima mala Animi, Corporis & Fortunæ, quæ ab Ira solent provenire. Conf. Seneca Lib. I. de Ira c. 2. (7) Cogita, Iracundiam muliebrem, puerile ac stolidum esse vitium. Id. Lib. I. de Ira cult. & Lib. II. c. 19. At contra quam sapiens & gloriosum sit. Non facile irasci, & injurias magno animo contemnere. Senec. Lib. II. de Ira c. 32. (8) In ipso Iræ æstu moram & dilationem adhibe, antequam ad judican-

andum, loquendum, castigandum
 ccedas. Idem Lib III. de Ira c. 12.
 9) Speculum consule. Ita Socra-
 tes & Plato discipulos suos monue-
 runt, ut iratos se in speculo contue-
 rentur, & cogitarent, qualis esset a-
 nimus, cujus externa imago tam foe-
 da est? (10) Amico alicui danda
 est potestas, ut libere nos corripiat,
 cum irascimur, nec iræ nostræ assen-
 tiatur: ad instar Socratis apud Senec.
 III. de Ira c. 13. Add. Plutarch. libell.
 de Cohibenda Ira.

Exempla.

Iræ affectum fortiter debellavit (a)
David, maledicta & lapides Simei
 miti excipiens animo, 2.Sam. XVI.
 10. (b) *Plato*; qvi, cum a servo suo
 graviter esset offensus, veritus, ne
 modum vindictæ excederet, Speu-
 sippo amico castigationis arbitri-
 um commisit; deforme sibi futu-
 rum existimans, qvj servum emen-
 daturus esset, iracundiæ servitium
 subi-

ret. Valer. Max. Lib. IV. c. 1. Conf. Senec. III. de Ira c. 12. (c) *Tarentinus Archytas*; de quo vid. Valer. Max. ibid. (d) *Socrates*, cum calce petitus a juvene quodam feroce, ad ultionem ab amicis instigaretur, Quid, ait, an si me asinus calce petiisset, jussuri eratis, ut calcem ei contra impingam? Eundem perhibent colapho percussum, nihil amplius dixisse, quam Molestum esse, quod nescirent homines, quando cum galea prodire deberent. Senec. III. de Ira c. 11.

Quid est Odium?

Est affectus, quo quis averfatur malum, quod inimicum sibi aut noxium esse judicat. Inde a nonnullis vocatur *Aversatio*. Objectum ejus est Malum, idque præsens vel absens, Verum vel Apparens, nobis minus conveniens.

[Odium pertinacius est quam Ira, unde multi *Ira inveterata* dicitur; etiam occultius, adeoque vitatu difficilius. Estque aliud Bo-

num five *Laudabile*, nempe malorum, maxime moralium, & si sit moderatum: ita Deus ipse odit omnes operantes iniquitatem. Aliud *Malum* five *Vituperabile*, si oderimus ea, quæ Bona sunt, minimeque averfanda.

Regula & Remedia.

- (1) Odio, affectui, tam habenti, quam illis, in quos fertur, admodum pernicioso, quantum potes, obnitere! Et si quis omnino dignus videatur, quem averferis, cogita, Vitia nos odisse debere, non homines. (2) Præscriptum sequere Legis Naturæ, quæ vult, *ut homo homini, quicumque sit, ob eam ipsam causfam, quod is homo sit, consultum velit.* Cic. III. Offic.
- (3) Audi etiam mandatum Christi Matth. V. 44. 45: *Diligite inimicos vestros &c. & Pauli, Rom. XII. 14: Benedicite iis, qui vos insectantur.*
- (4) Causfas Odii tui diligenter considera, utpote circa quas sæpe fallitur opinio nostra. Nunc enim odio prosequimur res manifestò sacras & hono-

honorabiles, ut sunt Pietas, Veritas &c. hinc illud : *Veritas odium parit* : nunc Causa plane est incognita, secundum istud Martialis: *Non amo te, Sabidi, nec possum dicere quare ?* Interdum Causæ sunt Avaritia, Invidia, *Φιλαιτα*, Superbia &c. quæ omnes pro virili removendæ. (5) Tecum perpende, quam odium sæpius sit turpe ac diabolicum ; (diabolus enim odit Deum ac homines) quamque gravia tum possessoribus suis, tum aliis, pariat damna. Inde enim oriuntur contumeliæ, injuriæ, cædes &c. & quicquid boni gignit Amor, id Odium destruit. (6) Memento mortalitatis tuæ ; adeoque mortales cum simus, odia immortalia ne geramus. Conf. Plutarch, libell. de Invidia & Odio.

Exempla.

Laudari hic debent (1) *Joseph* erga fratres suos inimicos benignus.
Genes.

ef. XLV. 5- (2) *Christus* & *Stenus*, pro persecutoribus & carnis suis orantes. (3) *Pythagorei*, si quando inimicitia vel odio ad se invicem exarserant, ante focum, dextris mutuo datis, gratiam redintegrarunt; teste Plutar-

(4) *Agatho* gloriari solitus, se quam cepisse somnum, nisi prius adversus alios, & aliorum adversus se, odia & similitates sopiisset. *M. Aemilius Lepidus* Consul & Rex Maximus, qui graves & diuturnas inimicitias cum *Fulvio Flaccum* auctoritatis viro, exercue-

Quamprimum vero uterque si Censores sunt renunciati, odia ampo deposuerunt, existimant non oportere eos privatis odiis lere, qui publice summa juncti t potestate. Vid. Valer. Max. Lib. II. Exempl. I.

Quid

Quid est Tristitia?

Tristitia est affectus, quo animus super malo, vel revera vel per imaginationem præsente, dolore afficitur. Objectum itaque est Malum præsens, sive id revera sit præsens, sive per imaginationem. Possunt enim Mala etiam præterita (ut si peracti sceleris nobis sumus conscii) tristitia nos afficere. Unde nonnulli Tristitiam definiunt per motum animi, spiritum cordis opprimentem, ob malum præsens & præteritum.

[Affectus hic est vel *Laudabilis*, quando secundum rationem & moderate tristamur, e. g. ob peccata in Deum hominesque commissa; aut cum moderate lugemus infortunia mortisque nostrorum; eatenus enim inter Humanitatis officia numeratur. Vel est *Vituperabilis*, quando tristamur sine ratione & immoderate, multo cum fletu, ejulatu ac dolore animi nimis diuturno.]

Regula & Remedia.

- I. Contemplare damna gravissima,

, quæ affectus hic immoderatus
re solet tum Animo tum Corpo-
utrumque enim velut carie qua-
n exedit, morbos inducit, mor-
que accelerat. Vid. Sirac. XXXIIX.
& seqq. nec non c. XXX. 22. seqq.
Studeas magnitudini animi, &
ic in adversos casus (quibus vita
est obnoxia) præpares atque ob-
ies. Tela enim prævisa minus
ent. Aut si tibi tuisve malum
dit, cogitandum, id propterea
enisse, ut materiam haberes exer-
tæ patientiæ, constantiæ &c.
Mente volvas tecum, Malum
ens non esse tantum, aut tanti, ut
affligaris; nec minus aut le-
, sed majus & acerbius futurum
noestitiam ac impatientiam tu-
(4) Revocandus est animus a
ideratione præsentis mali, & ad-
ndus ad rerum altissimarum
itationem, ad studia, aut alia mu-
neris

neris negotia. Vid. Plin. Epist. 19. Lib. IIX. n. 1. (5) Alloquia & consolationes amicorum faciliſ admitte! (6) Lege ſcripta moralia Triftitiæ mendentia, q̄valia ſunt Senecæ Libri de Conſolatione ad Helviam; ad Polybium, ad Marciam, de Tranquillitate animi, Epiftola 99; item Franc. Petrarchæ Liber II. de Remediis utriusq; fortunæ; idq; genus alia. (7) Ex Remediis Phyſicis adhibeantur Somnus & Balnea, Potus vini generoſi; vid. Prov. XXXI. 6. Fuga item ſolitudinis, Muſica, Tempus; *Ajunt enim, diem adimere agritudinem hominibus.* Terent.

Exempla.

Mœrorem in poteſtate ſua habuerunt (1) *David*, defunctum puſionem ſuum parum lugens, 2. Sam. XII. 20. ſeqq. inq̄ve aliis calamitatibus & perſecutionibus ſe precibus ac cithara ſua conſolans. (2) *Anaxa-*

ras, qui audita filii morte, Nihil, in-
vit, mihi inexpectatum aut novum
uncias; ego enim illum ex me na-
m sciebam esse mortalem! Add.
Senophon apud Valerium Max. Lib.
V. c. X. Extern. n. 2. (3) *Demosthe-
nes*, qui domesticas fortunas, lacry-
mas ac lamentationes, feminis reli-
quit, & quæ censuit in publicum uti-
lia, hæc egit; teste Plutarcho. (4) *Ju-
lius Agricola*, de quo Tacitus gener
scribit: *Domestico vulnere ictus fili-
um amisit. Quem casum neque ut
plerique fortium virorum ambitiose,
neque per lamenta rursus ac mæro-
rem muliebriter tulit: & in luctu
bellum inter remedia erat.* Vit. c.
28. (5) *Germani veteres*, apud quos
feminis lugere honestum erat, viris
meminisse; teste eod. Tacito in Germ.

G. 27. X

D

Quid

Quid est Metus?

Est affectus, quo homo de Malo futuro anxie est sollicitus, & ab expectatione ejus affligitur. Objectum est Malum futurum, quod vel certo vel probabiliter nobis imminet.

[Metus est vel *Naturalis*, qui est ejus mali expectatione, quod naturæ videtur noxium: ut metus contagiosis, cruciarum, mortis &c. vel *Non-naturalis*, qui nos affligit ob malum, quod tale esse ratio aut Leges judicant. Hic Non naturalis est vel *Honestus* ac necessarius, quando metuimus, quæ Lex divina & recta ratio metuenda dicunt; qualia sunt flagitia, infamia, ira Dei, infernus &c. vel *Turpis*, quo metuimus illa, quæ secundum legem Dei & rectam rationem non sunt metuenda; ut si quis metu exilii vel mortis fidem veram abneget; aut femineo stolidoque timore umbram suam aug. muscas prætervolitantes metuat. Hic sane *degeneres animus timor arguit.*]

Regula & Remedia.

(1.) Metuenda declina! Si vero non potes, fac animo forti magnoque sis! Vid. Senec. Epist. 98. (2) Remove

ove Causas affectum hunc in te fa-
 : concitantes : quales sunt (a) Prava
 poris constitutio, maxime ex Me-
 cholia, multo phlegmate & atra
 ; atq; hic consulantur Medici. (b)
 itudo & Tenebrę; (c) Præjudicia &
 iniones de rebus, quasi hæ vel illæ
 malæ ; quales tamen in se non
 t. Vid. Epictet. Enchirid. c. 10.
 Studeas bonæ conscientię. Cic.
 Milone ; *Magna vis est consci-*
ia, & magna in utramque par-
is ut neque timeant ; qui nihil
miserint &c. (4) Ne angaris &
 cieris ante tempus ; etsi futurum
 nino fit, quod times malum. Se-
 a : *Nihil est nec miserius nec stul-*
, quam prætimere : quæ ista de-
tia est, malum suum antecedere ?
 t 98. Add. Epist. 24. (5) Co-
 levi momento maxima quæque
 utari : atque inde salutem sapi-
 minere, unde ruina timebatur.

Cogita: forſan malum hoc non veniet; aut non tam grave erit; aut ſi certo venturum noveris, bene ſpera de eventu, aliorumque virorum fortium exempla & fata intuerere! (6) Malâ impendentia aſſidue contemplare: ita crebra meditatione ſenſim aſſueſces rebus terribilibus. *Mortem ut nunquam timeas, ſemper cogita!* Senec. Ep. 30. (7) Tecum perpende, quàm menti corporique inimicus hic ſit affectus, ac pæne inutilis. Nam cautelam, quæ ex illo provenire putatur, etiam citra eum prudentia & circumſpectio minus trepida, minus anxia, producere poteſt. (8) Speciatim adverſus Metum Malorum Publicorum, quæ ſunt Bellum, Peſtis, Tyrannis &c. remedia ſuppeditabit aureolus Lipſii libellus de Conſtantia, imprimis Lib. I. c. 13. & ſeqq. ac Lib. II. c. 6. & ſeqq.

Exem-

Exempla.

Exemplo hic esse possunt (1) *David*, Psalm. III. 7. Psalm. XXIII. 4. & alibi. (2) *Antigonus Secundus*, Demetrii filius, Syriæ Rex; is navali prælio cum Ptolemæi Legatis congressurus, dicente gubernatore, Multo plures numero esse hostium naves; **Me** vero, inquit, ipsum præsentem quam multis comparas? Plut. in Apophth. (3) *Julius Caesar*, qui trepido gubernatori, cum nocte concubia, ardente ventis mari, speculatorio navigio veheretur, *Quid times?* inquit, *Caesarem vehis!* fortunæ scil. obsequentis beneficio e tot jam periculis eluctatum. Flor. Lib. IV. c. 2. n. 37. (4) *Joh. Fridericus* Saxoniae Elector; qui postquam à Carolo V. Imp. victus & captivus, cum Ernesto Brunsvicensi, Torgam velut in triumphum duceretur, ac brevi post denunciata sibi more solenni mortis sententiam au-

direct, vultu nihil motus, nec animo
turbatus, Ernestum ad ludendum se-
cum latrunculis invitavit; hac ipsa se-
curitate generosum mortis contem-
tum præ se ferens. Vid. Thuan. Lib.
IV. Histor. ad Ann. 1547. Qua ani-
mi magnitudine imitatus est forte
Julium illum Canum, cujus admi-
rabilem in ipsa morte fortitudinem
graviter enarrat Seneca Lib. de Tran-
quill. c. 14. x

Quid est Fuga?

Est affectus, quo malum immine-
re visum intente declinamus ac evi-
tamus. Objectum est Malum nobis
inminens, vel imminere visum, id-
que a nobis quovis modo averten-
dum & declinandum.

[Fuga alia est *Naturalis*, qua declinamus ma-
lum naturæ nostræ noxium: ita fugimus ser-
pentes, pestem &c. alia *Non-naturalis*, ea-
que vel *Honestæ*, cum fugimus malum, quod
ratio recta fugiendum judicat, ut peccata,
diabolum, prava sodalitia; vel *Turpis*, qua
fugimus id, quod secundum rectam ratio-
nem

dem non est fugiendum, sed opinioni tantum nostræ malum & noxium videtur; sic impii fugiunt piorum consortia, templa, crucem & calamitates, quæ a Deo tamen nobis in bonum nostrum & salutem sæpe immittuntur.]

Regulæ & Remedia.

(1) Ne nimium fidas opinioni tuæ, nec facile assentire visis. Epict. Enchirid. c. 10. (2) Malum, quod tibi imminere putas, probe considera, utrum revera sit malum, an apparens tantum; & annon bonum tibi potius sit allaturum, adeoque patienter ferendum? v. g. morbi, crux, paupertas quæ sæpe probationes sunt fidei & constantiæ nostræ. (3) Stude Fortitudini & Magnanimitati. *Mollities est, fugere laboriosa*; ait Aristoteles 3. Nic. 7. Et Seneca: *Nemo fuga & ignavia immortalis est factus.* (4) Recordare moniti illius Terentiani Phorm. Act. V. Sc. 2: *Ita fugias, ne præter casam!*

i.e. sic malum quodpiam fugias, ne in aliud majus incautus devolvaris. Donatus sic explicat: Fugiendo ne prætereas casam tuam, quæ tibi sit tutissimum receptaculum.

Exempla.

Fugæ impetum effugit (1) *Socrates*; de quo Jo. Bona in *Manud. ad Cœlum* ita scribit: *Qua nocent, docent. Mors, exilium, paupertas, ignominia, aegritudo & cætera ejusdem generis, quæ in tua potestate non sunt, nec mala sunt, nec pertinent ad te. His itaque non fugam, non abominationem opponere debes, sed concepta de illis opinionis neglectum. Hæc omnia Socrates larvas apposite nuntiabat &c. C. 14. (2) M. Atilius Regulus, qui cum Bello Punico I a Carthaginiensibus captus, & Romam de captivis commutandis missus esset, tantum abfuit, ut parata sibi tormenta*

fuge-

fugerit, ut ad supplicium potius redire maluerit, quam fidem hosti datam fallere. Cic. I. & III. Offic. (3) Turpem e bello fugam notavit *Lacana* quædam *mulier*, quæ filios e prælio fugientes domumque venientes graviter objurgavit, dicens: Quo ibitis, ignava & fugitiva mancipia? Et ostenso ventre, *Num huc*, inquit, *denovo redire vultis, unde emersistis?* Plutarch. in Apophth. Lacon. *Fuga* vero *Laudabilis* exempla præbent *Joseph*, adulteram fugiens; & *Vlysses* hujusque socii, Sirenas & Cîrcen fugientes ac declinantes. *

Quid est Desperatio?

Est affectus, quo æger animus a spe & expectatione boni alicujus recedit, quod obtentu nobis videtur impossibile. Objectum est bonum obtentu impossibile visum. Bonum vero speratum, cum obtineri non potest. Malum putatur.

[Desperatio alia respicit Bona *Spiritualia*, e.g. Deignatiam, remissionem peccatorum, salutem æternam. Ejusmodi desperatio semper est impia, & perfectum diaboli gaudium. Alia spectans Bona *Temporalia*; & hæc, si respicit Bona, quæ obtineri nullo modo possunt, non est culpanda; si vero Bona desperat, quæ esse & non esse, quæque obtineri queant, tunc sæpe est improbanda. Turpiter desperatur, quod fieri potest; ait Quintilianus.]

Regule & Remedia.

(1) Adversus Desperationem impiam & vituperabilem, curationem pete non a *βρόχῳ* sed *λόγῳ*, non a *laqueo*, sed recta *ratione*. Hæc vero suadet, ut conceptam opinionem de Boni alicujus impossibilitate ab intellectu nostro removeamus, ejusque consequendi possibilitatem ipsi ostendamus; & varia consideremus *Exempla*, ubi in rebus æque difficultibus, ex voto tamen eventus responderit. (2) Considera perniciosissimos Desperationis effectus; est enim hæc

hæc animi corporisque homicida
 (3) Dei omnipotentia confide. *Bon-
 sis animo:* ait Euripides, *Multa Deo
 facilia sunt, etiam quæ desperant ho-
 mines:* apud Stobæum Serm. 109
 (4) Contemplare fortunæ volubili-
 tatem, quamque facile adversa in fa-
 cundam commutari soleat. *Nemo
 desperet meliora lapsus!* (5) Despe-
 rationi de Bonis Spiritualibus salu-
 berrimum præbebit remedium Mi-
 sericordiæ & Clementiæ divinæ ma-
 gnitudo, & divinarum in SS. Literis
 promissionum veritas, quæ peccato-
 ribus, etiam maximis, modo serio
 poenitentibus, spem certæ ostendunt
 veniæ.

Exempla.

In Sacris multa occurrunt Exem-
 pla eorum, qui firmissime credide-
 runt, quæ apud homines sunt impos-
 sibilia, esse Deo possible. Sic Abra-

ham filium unicum mactaturus , non desperavit de hoc ipso e morte , vel alio e lapidibus fuscitando ; *David* non desperavit de prosternendo *Goliatho* ; *Judith* de *Holoferne* obtruncando. Add. Epist. ad Ebr. XI. v. 32. 33. 34. In profanis historiis clarent *Epaminondas* Thebanorum dux , qui quatuor hominum millibus stipatus , *Lacedæmoniorum* exercitum viginti millibus constantem profligavit ; & *Miltiades* Atheniensis , qui cum 10 millibus , sexcenta Persarum millia fudit fugavitque. Seneca : Singula vicere jam multi ; ignem *Mucius* , crucem *Regulus* , venenum *Socrates* , exilium *Rutilus*. Nos quoque aliquid ipsi faciamus animose : simus inter exempla. Quare despicimus ? Quare despondemus ? Quicquid fieri potuit , potest. Ep. 98. Stultæ ac impiæ desperationis exempla sunt *Cain* , *Achitophel* , *Judas* , *Caro* aliique. Haec.

Haftenus de Paſſionibus, quæ in corde proprie ſedem habent, non quæ in ſolo *cerebro*; qualem unicam agnoſcit Cartefius, nempe *Admiratio- nem*.

Quid eſt Admiratio?

Eſt ſubitanea commotio animæ, quæ fertur in attentam conſiderationem objectorum, quæ nova & inſolita videntur. Objectum itaque eſt Res nova & rara, cujus idea cerebro altius impreſſa animum commovet, & acriorem efficit attentionem.

[*Admiratio eſt vel Laudabilis*, quando ad veritatis indagandæ amorem nos accendit, aut in rem fertur admiratione dignam; uti e. g. Regina Sabæ mirabatur Salomonis ſapientiam. Vel *Vituperabilis*, eaque nimis frequens, quæ ad res quasvis, nec adeo novas & inuſitatas, hæret, inque ſtuporem nonnunquam degenerat.]

Regula & Remedia.

(1) Nota, affectum hunc nimis frequentem, ab omnibus pæne Phi-

loſophis veteribus vilem fuiſſe habitum, ut imperiti abjectiqve animi indicium; imo ut beatitudinis noſtræ hoſtem, unde dolor, cupiditas, metus & alii, quibus cruciantur homines, impetus proveniant. Quare Horatius Lib. I. Epist. 6. ait:

Nil admirari, prope res eſt una, Numici,

ſolaque, quæ poſſit facere & ſervare beatum.

Et Ariſtoteles Virum ſuum Magnanimum non vult eſſe *ῥαυδας* h. e. talem, qui facile admiretur. IV. Nic. 3. (2) Fuge Curioſitatem, illum animi morbum, quo aſſidue ſolicitamur ad cognitionem rerum novarum, ſæpe inutile ac min⁹ neceſſarium. (3) Tollitur Admiratio circumſpectiore rerum attentione, ſimilium rerum frequente conſideratione, & denique cauſarum iſarum perceptione. Ideo (4) excolatur ſtudium

GENERALIOR.

um bonarum artium & Philosophia
illi enim, qui maxime philosopha-
tur, minime mirantur, quoniam
causas rerum feliciter rimantur.
Hinc Democritus & Epicurus Philo-
sophiæ fructum dixerunt *Αθανασια*
αἰ. (5) Juvabit quoque Usus ac Ex-
perientia, & sagax rerum futurarum
provisio. Ita Æneas apud Virg.
VI. Æneid.

— — — *Non ulla laborum,*
O Virgo, novam tibi facies inopinata
surgit:
Omnia præcepi, atque animo meo
cum ante peregi.

Exempla.

Affectu hoc superiores evaserunt
(a) *Pythagoras*, qui Hoc se lucrari
Philosophia retulisse dixit, nihil
admiretur; apud Plutarch. de Au-
scult. (b) *Agésilæus*, Rex Spartæ
norum, qui, quorum stupore

teneri videbat, ea simulabat nec nosse; teste eod. Plutarch. in Apophth.

(c) *M. Antoninus*, seu Maximo Philosopho, præceptore suo, didicisse gloriatus, quod nihil admiretur, nihil obstupescat. (d) Stoici, qui *Sapientem* suum dixerunt nihil admiraturum ex iis, quæ vulgo inopinata & admirabilia videntur; apud Laërt, in Vit. Zenonis.

SECTIO II.

ARETOLOGIA SPECIALIOR,

*Quot numerantur in Ethicis
Virtutes?*

Secundum datam supra Virtutis definitionem, dicere possem, unicam tantum esse Virtutem. Unicum enim est studium se suasque
actio-

actiones ad divinam voluntatem componendi. At vero studium hoc, quatenus per varias actiones (sive Officia) variis Naturæ Legibus & Objectis applicatas sese exerit, variis quoque nominibus insigniri solet.

[Sic jam olim Zeno, Aristo Chius, & Menedemus Eretrienſis, uti refert Plutarchus in Comment. de Virtute Morali, unam tantum constituerunt Virtutem, *Prudentiam*: quæ vero varias sortiatur appellationes, prout diversis applicatur objectis, variasque producat actiones. Nempe, dum moderatur voluptatibus corporis, vocatur *Temperantia*; dum dominatur iræ, *Mansuetudo*; dum suum cuique tribuit, *Justitia* &c. Quibus hodieque adſtipulantur nonnulli utentes similitudine ducti ab *Oceano*, qui tantis & tamque diversa sortitur nomina, pro litorum, quæ alluit, diversitate; v. g. Oceanus Occidentalis hæc appellatur Gallicus, ibi Britannicus, Hibernicus, Germanicus &c. Nec absurdam opinionem illam judicat ipse Goliſius in Epic. doct. Mor. Aristot. pag. 82.]

*Quot Virtutes enumerant
Stoici?*

Stoici, quos Cicero in Officiis sequitur,

quatur, ut & Augustinus, Ambrosius ac Scholastici, quatuor numerant primarias: Prudentiam, Justitiam, Fortitudinem, Temperantiam.

[Quæ Virgutes jam ab Ambrosii ævo dicuntur *Cardinales*, quod, uti fores cardinibus, ita illis omnis Virtutum summa vertatur, vitæque honestas fulciatur. Platonici divisionis hujus hanc afferunt rationem, quod Prudentia perficiat Intellectum, Justitia Voluntatem, Temperantia moderetur Appetitui Concupiscibili, Fortitudo Irascibili.]

Quot Virtutes Morales enumerat Aristoteles?

Vndecim: quæ unâ cum Objectis & oppositis Vitiis ex sequente designatione patebunt:

<i>Nomina Virtutum.</i>	<i>Objecta.</i>	<i>Opposita Vicia.</i>
1. Fortitudo.	Ea, quæ Metum & Fiduciam afferunt.	Audacia & Timiditas.
		2. Tem-

2. Tempe- Voluptates & Intem-
rantia. Dolores Gu- perantia
stus & Ta- & Stupi-
ctus. ditas.

3. Liberali- Pecuniæ mo- Prodigal-
tas. dicæ. litas. &
Mlibera-
litas.

4. Magnifi- Pecuniæ ac Luxu-
centia. sumtus ma- & Sor-
gni. dities.

5. Magnani- Honores ma- Super-
mitas. gni. bia &
Psilla-
nimitas.

6. Modestia. Honores modici. Ambitio
& ΑΦΙ-
λοτιμία.

7. Man-

7. Manifestudo.	Ira.	Iracundia & Lentitudo.
8. Humanitas.	Sermones & Actiones in Conversatioribus decori.	Adulatio & Morositas.
9. Veracitas.	Verba & alia Signa, quibus sensa animi nostri aliis aperimus.	Jactantia & Diffimulatio.
10. Urbanitas.	Joci ac Ludi.	Scurrilitas & Rusticitas.
11. Justitia.	Ea, quæ legibus præcipiuntur: ac speciatim Res distribuendæ & commutandæ.	Injustitia.

Qui

Qui vero Numerus Vndenarius nulli certo innititur fundamento; estque mutilus, dum Virtutum reginam Pietatem, præstantissimasque alias, omittit. Ut taceam, quod *Liberaltas & Magnificentia*, nec non *Magnanimitas & Modestia*, peculiares hic constituentur Virtutes; cum non specie, sed gradu tantum differant, secundum magis & minus.

Qua ratione commodiore Virtutes dividuntur ac recensentur?

Quemadmodum Officia Hominis a Juris Naturæ Doctoribus dispeſcuntur in ea, quæ Deo, quæ Nobis & quæ Hominibus aliis debentur: ita Virtutes partim Deum, partim Nos ipsos, partim Homines alios respiciunt.

[Cic. 1. Tusc. Quæst. Philosophia, inquit, nos primum ad Deorum cultum, deinde ad Jus hominum; quod situm est in generis humani societate, tum ad modestiam magnitudinemque animi

animi erudit Vid. Nobiliss Schilterus in Manuduct. Philo. Mor. ad Jurisprud. pag. 33. & 41. Ita Paulus ad Tit. II. 12, Summam Virtutis complectens, jubet, ut *en deō-
wen x̄ dīciai: x̄ iurōs p̄s* (temperanter & iuste & pie) vivamus hoc in seculo.]

Quæ ergo Juris Naturalis præcepta in studio Virtutis præcipue sunt observanda?

Hæc tria: *Vive erga Deum pie; erga seipsum temperanter; erga proximum iuste ac socialiter!* Ad primum revocantur Virtutes *Pietati* inclusæ: ad secundum Virtutes sub *Temperantia* comprehensæ; ad tertium Virtutes, quæ ad *Iustitiam* referri solent.

[Hæc Virtutum divisio accommodatissima videtur Legis Naturæ fundamento; quod est *Cognitio, cultus amorque Dei, Sui ipsius, & Proximi.* Vid. Compend. Jurisprud. Univerf. ex Sam Pufendorffii Opere de J. N. & G. concinnatum & editum Francofurti 1694. pag. 58. 59. Veli ut alii, fundamentum illud expricare mallant: *Diligere Deum, diligere Proximum æque ac Seipsum.*]

Quid

Quid est Pietas?

Est Virtus, qua Deum rite cognoscimus & colimus. *Objectum* ejus est DEVS rite cognoscendus & colendus.

[Quare a Lipſio Lib. 1. Polit. c. 2. Pietatis duo velut rami conſtituantur: *rectus de Deo ſenſus*, & *rectus in Deum cultus*. Atque adeo primum illud J. N. præceptum: *Vibe erga Deum pi.* in hæc duo reſolvitur: *Recte de Deo ſenti!* & *Deum rite cole!*]

Quæ de Cognitione Dei, ſive recte de Deo ſenſu notanda?

Intelligitur hæc Cognitione Dei naturalis; quæ *γινώσκον τὸ θεῖον* paganis etiam manifeſtum eſſe, Paulus docet ad Rom. I. 19. 20. Adeoque cuius homini recta ratione prædico hæc de Deo ſentienda ſunt & credenda: (1) Deum revera exiſtere: (2.) Eſſe eum univerſi huius conditorem, conſervatorem & regnatorem; (3) Eſſe eum Æternum, Viventem, Optimum,

num, Omnipotentem, Omniscium, Justum &c. nec ullum attributum cadere in Deum, quod imperfectionem aliquam involvat.

[De hac Naturali Dei Cognitione vid. Pufendorfius Lib. I. de Offic. H. & C. cap. 4. H. Grøtius Lib. I. de Verit. Relig. Christ. Phil. Mornæus de Eadem Cap. 1. & seqq. ac varii Naturalis Theologiæ Scriptores. Sciendum enim, quod Cognitionis hæc Essentiæ & Attributorum divinarum, tanquam principium & fundamentum Cultus divini, ex Theologia Naturali h. l. præsupponatur.]

Quid de Cultu Dei tenendum?

Cultus Dei alius est *Internus*, qui consistit in ejus Amore, Timore, Veneratione, Spe item ac Fiducia in illum collocanda : alius *Internus & Externus simul*, qui exhibetur (1) Voce, ut Invocatione, Laudatione, Gratiarum actione ; (2) Ritibus ac Ceremoniis legitimis : (3) ipsa Vita, Deum videlicet, quantum nobis possi-

possibile imitando, & Obsequio eadem, ut Conditori ac Domino nostro, semper præstando.

[Hunc Dei Cultum collective sumtum, una voce nonnulli vocant *Religionem*. Cic. V. in Verr. *Omnes, inquit, Religionem moventur, & Deos patrios, quos a majoribus acceperunt, colendos sibi diligenter & retinendos arbitrantur.*]

Quodnam ergo est Viri Pii Officium?

Viri Pii officium in eo consistit, ut Deum rite cognoscat, h. e. recte de Dei existentia & attributis sentiat; illumque super omnia amet, timeat, veneretur; in eum spem ac fiduciam suam collocet, inque voluntate ejus reverenter acquiescat; præterea ut Eundem prece, laudatione, gratiarum actione, ritibusque ac ceremoniis legitimis celebret, ac vita, quantum possibile, imitetur.

[Ita de Deo sentiendum, ita eundem colendum esse, sapientiores quoque Gentiles ex lumine
E Naturæ

Naturæ didicerunt, ac docuerunt. Vid. Theatrum Virtutum ab Aristotele omiffarum Cap. I. §. IV. V. & feqq. In qua tamē Naturali Dei Cognitione & Cultu nos Chriftiani non acquiefcimus, fed ad Revelatam quoque progredimur, quæ confiftit in notitia unius Effentiæ divinæ, in qua diftinctæ funt tres Perfonæ: atque in Notitia Voluntatis Dei patefactæ per doctrinam Legis & Evangelii. De utraque hac Dei Cognitione pie fcribit Tertullianus l. adverfus Marcionem: *Nos definimus DEVM primò naturâ cognoscendum, de hinc doctrinâ recognoscendum: natura ex operibus, doctrina ex prædicationibus.* Et de Refurrect. Carnis idem: *Præmiſit tibi Naturam magiſtram, ſubmiſſurus & Prophetiam; quò facilius credas Prophetia, diſcipulus Natura.]*

Quæ Vitia opponuntur Pietati?

Pietati generatim opponitur *Impietas*, vitiorum maximum; per quod homo alienus eſt a vera Dei Cognitione & Cultu eidem rite præſtando. Speciatim huc pertinent *Atheiſmus, Polytheiſmus, Idololatria, Superſtitioſitas &c.*

An vero Pietas (quatenus sumitur pro Virtute, qua Deum rite cognoscimus & colimus) inter Virtutes in Ethica Philosophica recte numeratur?

Omnino : (1) Quia omnes homines non tantum Jure Naturæ sunt obligati ad colendum Deum ; sed & omnes , modo sint sanæ mentis , communi sensu fatentur , Deum colendum esse. De quo principio practico, sicut & aliis , jure suo agit Philosophus Practicus. (2) Quia plerique Philosophorum gentilium (ut Plato, Cicero aliique) Pietatem non solum in numerum Virtutum receperunt , sed & eam primo posuere loco. (3) Quia Virtus hæc non tantum futuræ vitæ, sed & præsentis beatitatem promovet ; 1. Tim. IV. 8. & in societate humana ac civili usus atque effectus habet longe maximos.

[Cic. 1. de Nat. Deor. *Pietate sublata, fides etiam & societas generis humani tollatur necesse est.* Numa Pompilius res duas magno-
pere pertinere ad felicitatem Reip. existima-
vit, *Pietatem & Justitiam.* Quid? quod
ipse Aristoteles VII. Polit. 8, *Cultum divi-
num ex eorum numero esse docet, sine qui-
bus Civitas consistere non potest.*]

Exempla.

Pietatis exempla e Sacris sunt *He-
noch, David, Josaphat, Simeon*, Luc.
II. 25. *Cornelius*, Act. X. 2. aliique.
Ex ordine Gentilium *Socrates, Nu-
ma Pompilius, Seneca &c.* Ex Impe-
ratoribus Christianis *Constantinus*
11., Theodosius I. & II.; quorum po-
sterior aulam suam instituit veluti
Scholam, in qua ad pietatem se suos-
que exercuit, observans ordine
distributa tempora lectionum, hym-
norum, jejuniorum &c. Vid. *Socra-
tes Lib. VII. Histor. Eccles. c. 22. &
Niceph. Lib. XIV. c. 3.*

[Hæc breviter de *Pietate*: in qua omnes illæ
Virtutes, quæ Deum respiciunt, (ut Dilectio
Dei, Timor Dei, Celebratio Nominis divi-
ni

ni &c.) tanquam Partes potentiales, comprehenduntur.]

Quo præcepto continentur Officia Hominis erga Seipsum?

Hoc: *Vive erga te ipsum temperanter!* Nimirum ex præscripto Legis Naturalis Homo erga seipsum ita se gerere debet, ut rebus, quibus ad sui conservationem indiget, h. e. bonis corporis ac fortunæ, ordinate moderateque utatur; inque rebus secundis voluptatem, in adversis dolorem temperet. Circa Bona Corporis & Fortunæ versatur Temperantia; circa adversa Fortitudo.

Quo in significato sumitur hic: Temperantia?

Latiore in significato, Veteribus haud ignoto; pro Virtute, quæ temperat voluptates, dolores & cupiditates nostras, occupata vel circa Res naturales, vel circa Fortunæ Bona.

Quatenus occupatur circa *Res Naturales*, sub se comprehendit Frugalitatem, Castitatem, Sedulitatem, & huic junctam Vigilantiam. Quatenus occupatur in Fortunæ bonis, ea complectitur ratione Opum & Pecuniarum, *Αυτάρκεια* (Sufficienciam) & Parsimoniam; ratione Honorum, Modestiam.

Quid est Frugalitas?

Frugalitas est temperantia in Cibo ac Potu; sive, Virtus in sumendo Cibo ac Potu modum præscribens. Frugalitas in sumendo cibo, vocatur Abstinencia; in sumendo potu, Sobrietas. *Objectum* ejus sunt Esculenta & Potulenta: indeque afficientes palatum & gulam nostram voluptates.

Quodnam est Officium Viri Frugalis?

In sumendo cibo ac potu, habeat ratio-

rationem(1) *Quantitatis*, ut tantum capiat, quantum stomachus commodè concoquere, corporique alendo, & functionibus animi rectè subeundis, permitti potest: (2) *Qualitatis*, ne esculenta ac potulenta summat noxia, nimis pretiosa, aut turpium voluptatum flammæ excitantia: (3) *Finis*, qui est valetudinis ac vitæ conservatio: (4.) *Temporis, Locis & Modi*. Conf. Siracid. XXXI. v. 12. & seqq.

[Utatur etiam *Jejunio* sano; h. e. abstineat quandoque a cibo & potu præter solitum; sicque corpus coërceat, ut rationi facilius pareat, & ad exercitia Pietatis animus reddatur alacrior.]

Quæ Vitia Virtuti huic opponuntur?

Frugalitati opponitur *Intemperantia in Cibo ac Potu*. Quæ in cibo per excessum peccat, vocatur *Voracitas*; quæ in potu, *Bibacitas*; cu-

*I*us pedisequa est Ebrietas. *Nimia*
a cibo ac potu *Abstinentia* rarius re-
peritur. *

* Deprehenditur in avaris quibus-
dam & sanctitatem simulantibus ;
de quibus vid. Es. LIIX. 5. & Co-
loss. II. 23. Referri huc etiam pos-
sunt, qui *ὑποκατρεψέει* seu *inedia* vi-
tæ suæ filum abruperunt ; ut *Attius*
apud Corn. Nep. Vit. c. ult. *Cornelius Rufus* & *Silius Italicus*, apud
Plin. jun. Lib. I. Ep. 12. & Lib. III.
Ep. 7.

Exempla Frugalitatis.

Daniel cum sociis suis, Dan. I. v. 8.
& seqq. *Hanna*, Luc. II. 37. *Socra-*
tes, qui per omnem ætatem vixit fru-
galissime : dicere solitus, Alios vive-
re, ut edant, se vero edere, ut vivat.
Xenocratis caseolus, & *Platonis* coe-
nulæ, de cibo frugali, sed salu-
taribus colloquiis condito, pro-
verbiis circumferuntur. De Ro-
muli

muli abſtinentia vid. Gellius Lib. XI. c. 14. *Julius Caſar* vini parciffimus fuit; de qvo verbum eſt Catonis: Vnum ex omnibus Caſarem ad evertendam Remp. ſobrium acceſſiſſe. *Carolus M.* in cibo potuqve temperans; ebrietatem in qvocunqve homine, nedum in ſe ac ſuis, plurimum abominabatur; teſte Eginhar- to in Vit. *Ferdinandus I.* Imperator, vino nunqvam ſuperatus; de qvo vid. Theatr. Chriſt. Matthiæ Cap. II. in Vit. domeſtica, pag. 1083.

Qvid eſt Caſtitas?

Eſt temperantia circa Venerem; ſive Virtus, qvæ Veneris appetitum & uſum moderatur. *Objectum* ejus; ſunt res, qvæ Venerem excitare poſſunt; necnon ipſe Veneris uſus.

[Caſtitas; dum vitat ſermones & geſtus ardorem Venerem provocantes, appellatur *Pudicitia*; dum ab ipſo Veneris actu ſe continet, dicitur *Continentia*.]

E 5

Quod!

Quod est Officium hominis Casti?

Ratione *Pudicitia* cohibeat oculos, aures, linguam, manus, aliaque membra sua, ne quidquam videat, audiat, loquatur aut agat, quod vel in se, vel in aliis illiciti amoris desiderium incendere possit. Ratione *Continentia*, non solum ab omni illicito Veneris usu se contineat, sed & licita in conjugio Venere parce ac verecunde utatur.

Quæ Vitia opponuntur Castitati?

Generatim ei opponitur Libido: Pudicitiae Impudicitia; Continentiae Incontinentia. *Libido* est in animo potissimum: *Impudicitia* cernitur in verbis & gestibus obscenis: *Incontinentia* circa ipsos actus Veneris illicitos versatur, v. g. scortationem, adulterium &c *Nimia Veneris conversatio* rarius invenitur*

[* Refe-

[* Referunt huc *Origenem*, qui ad vitandam Venerem, seipsum castrasse dicitur. Et *Diogenem Cynicum*, qui, cum aliquando feminam de arbore pensilem vidisset, dixisse fertur : *Utinam omnes arbores tales ferrent fructus!*]

Exempla Castitatis.

Joseph ab uxore Potipharis se continens, Genes. c. XXXIX. *Isob*, cap. XXXI. 1. *Susanna* Jojakimi uxor. *Alexander* a Darii conjuge & filiabus pulcherrimis abstinens. *Germani veteres*, qui soli barbarorum singulis uxoribus contenti, & quorum casta & severa erant matrimonia. Tacit. Germ. c. 18. 19. Add. *Lipsius* Lib. II. Monit & Exempl. Polit. Cap. 17. ubi & *Cyrus*, & *Scipio Africanus*, & *Maximilianus I. Imp.* aliiq; hac a Virtute laudantur.

Quid est Sedulitas?

Est laboris & quietis moderatrix: five Virtus, per quam operas ac labores personæ ac officio nostro convenientes alacriter suscipimus & constanter perficimus. *Objectum* ejus; sunt labores & opera vocationi nostræ propria & necessaria: eaque, veluti decet, suscipienda, continuanda, perficienda.

Quod est Officium hominis Seduli?

In laborando habeat cum primis: rationem. (1) *Objecti*: ut operetur manibus, quod bonum est; 1. Tim. VI. 18. h. e. laboribus honestis, Deo, gratis, sibi que & proximo utilibus & convenientibus, se exerceat. (2) *Finis*: labores, ut se suosque honeste alere, aliisque benefacere possit. (3) *Temporis & Modi*. Non tractet opera manuum, tempore cultui divino

aut

aut quieti destinato : & si fatigatus fuerit, corpus pariter & animum recreet ; secundum Poëtæ monitum :

Interpone tuis interdum gaudia curis,

ut possis animo quemvis perferre laborem !

Major post otia virtus !

Quæ Vitia opponuntur Sedulitati ?

(1) *Desidia* seu *Otiositas*, vitium in laborando deficiens, & ea, quæ nostri sunt officii, negligens. (2) *Diligentia nimia & morosa*, vitium in laborando modum excedens : & majores, quam opus est, labores in re quapiam ponens. Ubi notetur illud Scipionis apud Cic. II. de Oratore : *Non amo nimium diligentes !*

Quid est Vigilantia ?

Soror Sedulitatis. Vigilantia, est So-

nni & Vigilæ moderatrix. Homi-
nis itaq; Vigilantis officium est, non
plus temporis somno impendere,
quam ad recreandas vires diurno la-
bore prostratas requiritur; nec pro
sua tantum, sed & aliorum salute ala-
criter excubare.

[Decet proinde Virtus hæc imprimis (1)
Principes aliosque *Magistratus*, qui vocantur
ac esse debent *Vigiles* & *Custodes* salutis pu-
blicæ. (2) *Pastores* & *Inspectores Ecclesia-
rum*, qui hinc dici solent *Vigilantissimi*. (3)
Patres & *matresfamilias*. (4) *Studiosos*
bonarum artium, qui norint, Aurore Mus-
icam.]

Quodnam Vitium ei opponitur?

Somnolentia, non involuntaria
illa seu morboſa corporis affectio, de
qua conſuli debent Medici; ſed vo-
luntaria ac vituperabilis, qua quis ul-
tra modum naturæ convenientem
ſomno indulget; nec ſuis nec alio-
rum commodis invigilat.

Exem-

Exempla Sedulitatis & Vigilantia?

Jacob Patriarcha, Genes. XXXI. 7. 6. & 40. *Paulus*, 2. Thessal. III. 8. & 2. Cor. VI. 5. *Demosthenes*, cui⁹ entymemata lucernam olebant: quique plus olei (lucubrando) quam vini consumsit. *Cleanthis* etiam & *Aristophanis* lucernæ hodieque celebrantur ab eruditis. *Vespasianus*, qui, cum dysenteria laboraret, reprehensus a medicis, quod nihilominus imperatoria munera obiret, Imperatorem, ait, stantem oportet mori. Add. *Valer. Max. Lib. IIX. Cap. 7*; quod agit de Studio & Industria *Catonum* Majoris & Uticensis, *Pythagoræ*, *Chrysippi* & aliorum.

Quid est Αὐτάρχεια sive Sufficiencia?

Αὐτάρχεια (Germ. die Vergnüglichkeit) est Virtus divitiarum appetitum

titum & studium moderans; ac faciens, ut bonis præsentibus contenti acqyiescamus. *Objectum* ejus sunt Opes ac Divitiæ, quatenus in his appetendis ac possidendis, modus est tenendus.

[Virtutem hanc commendat Apostolus, scribens 1. Tim. VI. v. 6. 7. 8. ἡ ἐπιπορεύς μὲν ἡ ἐν ἑαυτῇ παρὰ αὐτοῦ ἐστὶν : ἔστι magnus quæstus Pietas cum Sufficiencia &c. Ac Cic. de Senectute : Contentum rebus suis esse, maxima sunt certissimaque divitiæ.]

Quod est Officium Hominis rebus suis Contenti?

Vt contentus sit bonis Dei benignitate sibi concessis, nec cæco divitiarum amore abreptus animum ad parandas illicitis modis opes appellat. Itaque non appetit bona aliena & ad se non pertinentia, non inhonesta; sed ea tantum, quæ ad vitam suam suorumque sine molestia ac dedecore transigendam sunt necessaria.

Quæ

Quæ Vitia hîc sunt fugienda?

(1.) *Avaritia* (Φιλοχρηματία) vitium, quo homo nimis est appetens divitiarum, easque corradendi insatiabili trahitur cupiditate. (2.) *Pecunia ac divitiarum contemptus*, (Ἀφιλοχρηματία) vitium, quo homo de necessariis vitæ bonis & opibus iuste acqvirendis curam nullam suscipit. Parit vitium hoc filias duas admodum deformes: Ignaviam in officio, & foedam Paupertatem.

[*Avaritia* hîc sumitur, quatenus refertur ad nos, & non ad alium; hoc enim posteriore modo sumpta opponitur Liberalitati, & rectius dicitur Illiberalitas Ἀνιδουσία, quæ nihil aut parum aliis dat commodatque de bonis suis.]

Exempla ἑ Αὐταρχίας.

Omnia huc referri possunt eorum supra commemoratorum, qui affectui Desiderii & Cupiditatis modum posuerunt; ut (a) *Agur*, Proverb.

verb. XXX. v. 7. 8. 9. (b) *Paulus*, ad Philipp. IV. 11. 12. Quibus addatur (c) *Samuel*, cujus insignis exstat oratio ad universum Israël's populum 1. Sam. XII. v. 2. 3. seqq. (d) *Corycius* ille senex apud Virgilium Lib. IV. Georgic. qui cum pauca ruris jugera, nec illa quidem segeti adeo opportuna, possideret, tamen

*Regum aequabat opes animis, seraque revertens
nocte domum, dapibus mensas onerabat inemptis.*

(e) *Erasmus* Lib. XXII. Epist. 5. scribens: *Utinam sic liceat sumtus moderari, ut morienti nec proprium as, nec alienum super sit: praterquam quod huic ubicunque reponendo corpusculo sit opus.*

Quid est Parsimonia?

Est Virtus, quæ conservandarum opumstrarum studium moderatur.

tur. *Objectum* ejus sunt *Opes* nostræ, ac *sumtus*, cum primis *Oeconomici*, (in victum, amictum, supellectilem, ædificiorum structuram &c. impendendi) quatenus in his erogandis, in opibus vero conservandis, modus est tenendus.

[Virtus hæc Senecæ vocatur *scientia vitandæ sumptus supervacuos*; aut *ars re familiari moderate utendæ*. Lib. II. de Benef. c. 34.]

Quod est Officium hominis Parci?

Ut res & facultates suas diligenter custodiat, utiliter collocet, frugaliter vivat, emacitatem & sponsiones temerarias evitet; sumtus, ubi Pietas, Honestas & Necessitas postulant, circumspecte impendat, minus vero necessarios temperet aut intermittat.

[Notetur hic dictum Ciceronis: O Dilimortales! Non intelligunt homines, quam magnum scelerat sit parsimonia. Paradox. ult.]

Quæ Vitia opponuntur Parsimonie?

(1) *Sumptuositas*, sive inepta & supervacanea sumptuum profusio. (2) *Sordida Tenacitas*, h. e. indecora & intempestiva parsimonia iis in rebus, quæ ad Pietatem, Necessitatem & Statum hominis tuendum, pertinent.

[Hæc Theophrasto vocatur *Μεγαλοψυλα* sive *Sordida Parsimonia*, Cap. XI. Character.]

Exempla Parsimonie.

(a) *Servator* jubens, ut discipuli fragmenta panum & piscium colligant, & (b) *Discipuli* mandato huic parentes ac parsimoniam colentes; Joh. VI. 12. 13. (c) *Joseph*, colligens fruges, & levandæ annonæ caritatis causa asservans; Genes. XLI. 33. &c. seqq. (d) *Marcus Cato*, qui, suo exemplo, patrem familiâs vult vendacem, non emacem esse; & cu-

jus;

dictum est apud Senecam: *Emas,*
quod opus est, sed quod necesse
Quod non opus est, asse carum
(e) Ipse Seneca, qui suum Par-
toniæ amorem ac rationem de-
bit graphice de Tranquill. Animi
p. I: *Tenet me summus amor Par-*
tonia, fateor. Placet non in am-
ionem cubile compositum, non ex
cula prolata vestis &c. (f) Pomp.
t. c. 13. scribit: *Neque vero mi-*
s ille vir, bonus paterfamiliâs ha-
us est quam civis: nam cum esset
uniosus, nemo illo minus fuit e-
x, minus edificator.

Quid est Modestia?

Est Virtus appetitum & studium
noris moderans. *Objectum* ejus
t Honores appetendi & fugiendi;
maiores sunt, sive mediocres.

[Aristoteles circa Honores duas versari Virtutes docet, *Magnanimitatem* ac *Modestiam*; illam circa Honores majores, hanc circa mediocres & minores. Sed Gradus Objecti non variant Speciem. Alii *Magnanimitatem* Fortitudinis speciem esse malunt, quam illius Virtutis, quæ appetitum honoris moderatur. Ita Cic. III. Tuscul. *Necessè est, ait, qbi sit fortis, eundem esse magni animi*. Et Cl. Beckmanus in Lin. Moral. Cap. XV. §. IX: *Magnanimitas non solo Honorum, sed generaliori ambitu Virtutum aliarum quoqve metienda est, ac partem Constantia constituit &c.*]

Quod est Officium Viri Modesti?

Vir Modestus (1) Honores ambit moderate, & eo, quo decet, modo; non per vim, dolum, munera, malas artes. &c. Nec Honorem expectit per se, sed ut testimonium virtutis suæ, & quatenus per eum idoneus redditur ad promovendam proximi salutem & gloriam Dei. (2) Declinat dignitates meritis ac virtutibus suis altiores; interdum & honores

es fugit ac recusat, non ut suæ
 um tranquillitati & otio consu-
 sed quod animadvertat, se Deo
 Reip. in iis servire vel penitus, vel
 saltem tempore, non posse.

*De Vitiis opponuntur Mo-
 destiæ?*

1) *Ambitio*, vitium in appeten-
 & consecrandis honoribus mo-
 n excedens; (2) *Nimius hono-*
contemptus, cum honores, qui
 tamen ab aliis digni judicamur,
 imus ac præfracte aspernamur.
 d vitium est satis obvium; hoc
 rum, idque sæpius ab animo ab-
 o aut pervicaci proveniens,

Quia omnes fere naturâ honoris
 & gloriæ sumus cupidi. Referri
 amen huc potest *Ephrem Syrus*,
 ecclesiæ Edessenæ Diaconus, qui ad
 piscopatum electus, primo stulti-
 iam simulavit, dein aufugit; teste
 ozomeno.]

Exem-

Exempla Modestiae.

(a) *Moses*, qui cum populo Dei maluit affligi & exul fieri, quam pro filio Pharaonis haberi, & magnis apud Aegyptios honoribus frui. (b) *Christus* Servator, qui fuit humilis corde, Matth. XI, 29; & cum populus eum Regem eligere vellet, fugit in montem ipse solus. Joh. VI. 15. (c) *Pythagoras*, qui noluit appellari σοφός, quod Sapientiae laudem Deo soli relinquendam esse censeret, sed Φιλόσοφος nominari maluit. (d) *Julius Agricola*; de quo socero suo Tacitus: *Nec Agricola unquam in suam famam gestis exsultavit; ad auctorem & ducem, minister, fortunam referebat: ita virtute in obsequendo, verecundia in predicando, extra invidiam, nec extra gloriam erat.* in Vit. c. 8. (e) *Fridericus* Sapiens, Elector Saxoniae, qui ultro oblatum Imperium recusavit, & *Carolo V* de-

cre-

vic; præterea oblatam sibi ab Hinnis ob id magnam pecuniæ summam constantissime rejecit. Sleib. Lib. I. de Stat. Relig. p. 26.

Quid est Fortitudo?

Est Metus ac Fiduciæ moderatrix; est Virtus, per quam excelsum et arduumque arduis in rebus animi gerimus. *Objectum* ejus sunt quæ metum ac fiduciam tum doctum militiæ, afferre possunt. Est adeo duplex: *Togata*, quæ & *Dolita*, ac *Sagata*, quæ & *Bellica* vocatur. *Togata* a toga, quæ Romæ acis tempore utebantur; (hinc a metonymice pro Pacis insigni) ita a sago, indumento militari, nominatur.

Quid est Fortitudo Togata?

Est Virtus, quæ quis magno animi despiciat vel moderatur ea, quæ

F

me-

Exempla Modestiae.

(a) *Moses*, qui cum populo Dei maluit affligi & exul fieri, quam pro filio Pharaonis haberi, & magnis apud Aegyptios honoribus frui. (b)

Christus Servator, qui fuit humilis corde, Matth. XI, 29; & cum populus eum Regem eligere vellet, fugit in montem ipse solus. Joh. VI. 15. (c)

Pythagoras, qui noluit appellari σοφός, quod Sapientiae laudem Deo soli relinquendam esse censeret, sed φιλόσοφος nominari maluit. (d)

Julius Agricola; de quo Socero suo Tacitus: *Nec Agricola unquam in suam famam gestis exsultavit; ad auctorem & ducem, minister, fortunam referebat: ita virtute in obsequendo, verecundia in pradicando, extra invidiam, nec extra gloriam erat.* in Vit. c. 8. (e) *Fridericus* Sapiens,

Electoꝛ Saxoniae, qui ultro oblatum Imperium recusavit, & Carolo V de-

cre-

crevit; præterea oblatam sibi ab Hispanis ob id magnam pecuniæ summam constantissime rejecit. Sleidan. Lib. I. de Stat. Relig. p. 26.

Quid est Fortitudo?

Est Metus ac Fiduciæ moderatrix; sive, est Virtus, per quam excelsum invictumque arduis in rebus animum gerimus. *Objectum* ejus sunt ea, quæ metum ac fiduciam tum domi, tum militiæ, afferre possunt. Estque adeo duplex: *Togata*, quæ & Domestica, ac *Sagata*, quæ & Bellica appellatur. *Togata* a toga, quæ Romani pacis tempore utebantur; (hinc Toga metonymice pro Pacis insigni) *Sagata* a sago, indumento militari, denominatur.

Quid est Fortitudo Togata?

Est Virtus, quæ quis magno animo despicit vel moderatur ea, quæ

F

me-

metum & fiduciam afferre possunt in adeundis & perferendis laboribus ac periculis extra militiam, honestatis & publicæ utilitatis gratia. *Obiectum* ejus primarium sunt τὰ φοβερά, formidabilia, mala nimirum & pericula, extra bellum intrepide adeunda ac ferenda; secundarium τὰ θαρραλέα, sive ea, quæ fiduciam afferunt; ut Divitiæ, Honores, Potentia &c. Quorum blandimentis non capitur vir fortis, memor illius: *Nemo confidat nimium secundis.*

Quod est Officium Viri in Toga

Fortis?

Aggreditur is toleratque adversa & pericula varia, domi & extra militiam imminencia, aut jam incumbentia, tanto animi robore, ut nullis minis aut poenis ab honesto proposito dimoveri possit. * Adeoque in foro, curia, & alibi, ea, quæ sentit, libere

bere dicit, ac sæpe verbis consiliisque
suis res majores, quam alii armis, ge-
rit. Coeterum & Mala tam Publica
(qualia sunt Bellum, Pests, Fames,
Inundationes &c.) quam Privata (ut
sunt Exilium, Carcer, Paupertas,
Morbi, domesticorum & amicorum
Orbitas,) quando mutare ac impedi-
re non licet, magno fert animo, ac
volens sequitur, quocumque ipsum
divina duxerit providentia. Quin
& Mortem, etiam in pace, pro Rep.
aut asserenda sanguine suo cœlestis
doctrinæ veritate, publice aut in le-
ctulo ** obeundam, fortiter excipit;
non ut rem omnium terribilissi-
mam, sed ut transitum ad vitam me-
liorem. Denique nec nimis æsti-
mat magnas divitias & honores;
multo minus his, idque genus aliis
fortunæ blandimentis, intumescit.
Quadrant proinde in illum verba i-
sta apud Livium: *Is de man vir erit,*

cujus animum nec prospera fortuna suo flatu efferet, nec adversa infringet. Lib XLV. c. 8.

[* Secundum illud Horatii Lib. III. Od. 3: *Justum & tenacem propositi virum, Non civium ardor prava jubentium, Non sultus instantis tyranni, mente quævis solida.* &c.

* * Seneca Epist. 78: *Est Virtuti etiam domi ac in lectulo locus. Non tantum arma & actes dant argumenta alacris animi indomitiq; terroribus. Et in vestimentis virtus apparet.*]

Quæ Vitia opponuntur Fortitudini Togatæ?

(1) *Audacia* sive *Confidentia* ea, quæ quis extra militiam privatim ac publice, plus confidit, quam par est. Cui cognata est *Durities*, quando nonnulli, sive ex belluino quodam stupore, sive obstinatione animi, citra necessitatem & honestatem, summis sed doloribus ac periculis obijciunt. a. (2) *Timiditas* sive *Mollities animi*; quæ quis calamitatibus

ac

ac doloribus, qui ex rectæ rationis distamine ferri debebant ac poterant, succumbit *b*.

[*a* Veluti *Celta* olim, nec ruinas parietum, nec ædium incendia fugientes, marisque fluctibus strictis gladiis occurrentes; apud *Ælian.* Lib. XII. Var. Histor. c. 23.]

b Huc *ἀνδροχρηστῆς* referendi, qui morborum ac ærumnarum tædio & quadam animi mollietate, vitæ suæ filum abrumpunt; graviter adversus Jus Naturale ac Civile delinquentes.]

Quid est Fortitudo Sagata sive Bellica?

Est Virtus, qua quis magno animo despicit vel moderatur ea, quæ metum & fiduciam afferre possunt in adeundis ac sustinendis malis atque periculis bellicis, honestatis ac publicæ utilitatis gratia. *Objectum* ejus sunt Pericula & Mors bellica,

non temere sed circumſpecte ac fortiter obeunda.

*Quod est Officium Viri in Sago
Fortis?*

Livii verbis, *Facere & Pati fortia*; ſive prudenter ac maſcule adire ac perferre mala in bello obvenire ſolita. Adit vero Vir Fortis Pericula bellica non quævis, ſed quæ ſunt honeſta, laudem conciliantia, inque publicum utilia, videlicet ad patriæ, religionis ac libertatis deſenſionem facientia; neque temere, viribus tantum ac copiis ſuis confidens, ſed cum conſilio & ratione ea aggreditur. Non recedit a ſtatione ſua, nec facile capeſſit fugam, niſi hanc plus commodi Reip. afferre cernat, quam mortem. Dein Terribilia quoque conſtanter perfert; eſtque ubi opus, inedia, æſtus, alboris, vigiliarum patiens: ac vulnera etiam, captivita-

tem,

tem, imo ipsam mortem, fert fortiter; dulce ac decorum putans, pro patria mori.

[Ex dictis patet, *Fortitudinem* tum *Togatam* tum *Sagatam* dividi posse in *Propulsantem* ac *Tolerantem*. *Propulsans* versatur circa aggredienda fortiter Mala, sive domestica, sive bellica; *Tolerans* versatur circa eadem mala utraque fortiter sustinenda; estque hæc nihil aliud quam *Patientia*.]

Quæ Vitia opponuntur Fortitudini Sagatæ?

Audacia itidem & *Timiditas*. *Audacia* hic loci est vitium in pericula bellica temere se conjiciens; *Timiditas*, vitium pericula bellica fugiens. Illa *Virtuti* est similior; indeque *Fortitudinis simia* vocari solet.

Exempla Fortitudinis Togatæ & Patientiæ.

(a) *Cicero*, qui *Catilinæ* furoribus non solum mascule se opposuit, sed & propterea a *Clodio* hujusque so-

eiis in exilium pulsus, omnes inde manantes novercantis fortunæ injurias fortiter sustinuit. Hinc Plinio dicitur *primus in Toga triumphum linguaque lauream meritus: in omnibus triumphis lauream adeptus majorem*. Lib. VII. Hist. Nat. c. 30.

(b) *Cato*, qui quater & quadragesies in foro causam dixit adversus iniquas criminationes, & semper absolutus est.

(c) *Socrates, Phocion, Seneca* & alii, qui Mala publica & privata eodem vultu pertulerunt. In primis vero hercicæ Patientiæ Exempla huc pertinent, *Hobi, Davidis, Danielis*, hujusque sociorum in fornacem conjectorum, *Fratrum Maccabæorum*; ipsius *Christi, Apostolorum*, præsertim, *Pauli, Stephani, Laurentii*, aliorumque SS. Martyrum.

Exem-

Exempla Fortitudinis Sagata.

Ex sacris *Josua*, *David*, *Judas Maccabeus*; e civilibus historiis *Alexander M.* de quo vid. *Curtius*; *Jul. Caesar*, de quo consulantur ipsius *Commentarii*, & *Orat. Cic. pro M. Marcello*; *Pompejus*, de quo vid. *Orat. Cic. pro L. Manil.* item *Miltiades*, *Themistocles*, *Epaminondas*, *Hannibal* & alii apud *Corn. Nepotem*. E juniore historia, *Carolus M.* *Otto M.* *Rudolphus I.* *Carolus V.* *Gustavus Adolphus* & *Carolus Gustavus* Reges *Sveciæ*, *Fridericus Wilhelmus* Elector *Brandenb.* aliique plures.

[*Fortitudo Sagata* sive *Bellica* tum Nos ipsos, tum alios homines respicit; imo est *Politica* magis, quam *Ethica* virtus, & ad perniciem clademque hominum ut plurimum comparata. Siqve *Concordia* & *Justitia* ubiqve (inter Christianos saltem) obtinerent, possemus *Virtute* hac omnino supersedere.]

*Quenam Fortitudo videtur
præstantior, Togata an
Sagata?*

Respondeo verbis Poëtæ : *Fortior
est, qui se, quam qui vastissima vincit
mania. Atque istis Tullii : Cedant
arma toga; concedat laurea lingua!*
Conf. Lib. I. Off. c. 22.

*Quo Præcepto continentur Of-
ficia aliis hominibus debita?*

Hoc: *Vive erga alios juste ac so-
cialiter.*

Quid est Justitia?

Est Virtus suum cuique tribuens,
& quod jus exigit, præstans. Hinc
& JCris dicitur constans & perpetua
voluntas suum cuique tribuendi.

Quotuplex est Justitia?
Universalis & Particularis.

Quid

Quid est Justitia Vniversalis?

Est virtutum complexus, suum cuique tribuens, non tantum in distribuendo, commutando, aliisque actionibus stricto jure debitis, sed & in cæteris omnibus officii nostri (erga proximum) partibus, lege saltem Charitatis Humanitatisque debitis.

[Dicitur etiam Obedientiæ omnibus legibus præstita; sive totius Vitæ integritas & innocentia, legibus conformis. Quam qui pro viribus sectatur, vir inter homines (nam coram Deo nemo est innocens) integer, justus & innocens audit.]

Quodnam ejus est Oppositum?

Injustitia Vniversalis, vitiorum complexus, suum cuique, quod ex lege tum Justitiæ tum Charitatis debebatur, denegans.

[Dicitur & Inobedienciæ contra leges; nec pars tantum malitiæ, sed tota malitia.]

Quid est Justitia Particularis?

Est Virtus suum cuique speciatim

in distribuendo & commutando tribuens; sive, quæ Aequalitatem servat in rerum distributione & commutatione stricto jure * debita. *Objectum* ejus sunt bona externa, prout respectu aliorum considerantur; pecuniæ imprimis & res in commercium venientes. Vulgo dividitur in Distributivam & Commutativam.

[* *Stricto* (sive *Perfecto*) jure debetur, quod per vim, (in statu naturali) aut intentata in foro actione, (in statu civili) exigere alter potest, e. g. Rei ablatae restitutionem. *Non stricto* (sive *imperfecto*) jure debentur, quæ alter per vim, aut intentata in foro actione, exigere non potest. e. g. Consilium, Beneficium, & alia humanitatis officia. Hanc distinctionem nonnulli sic efferunt: Deberi alia aliis ex Lege *Justitiæ*, alia ex Lege *Charitatis*.]

Quid est *Justitia Distributiva*?

Quæ in rebus distribuendis suum cuique tribuit, æqualitatem ut plurimum * comparatam servans; e. g. in societate negotiatoria, ubi inæ-

quales.

quales conferuntur pecuniæ, ibi sane in lucro & damno partes, quoque pro rata fieri debent.

[* Dico, *Æqualitatem ut plurimum Comparatam*; nam & æqualia interdum conferunt socii, & tunc *Æqualitas simplex* in distributione erit observanda. Peripatetici & alii huc etiam referunt Præmiorum & Onerum publicorum distributionem. Sed hæc (uti & Poenarum irrogatio) ad *Justitiam Recto-riam Prudentiamque Politicam* pertinet. Nos in *Ethicis Justitiam* consideramus, quatenus decet Virum bonum in se spectatum, extra Magistratus aut. *Judicis dignitatem* constitutum.]

Quid est Justitia Commutativa?

Quæ in Contractibus & rebus commutandis suum cuique tribuit, simplicem æqualitatem servans. Contract⁹ hic intelliguntur *Bilateres*, qui fiunt inter utramque contrahentium partem volentem; ut sunt *Emptio-Venditio, Locatio-Conductio &c.*

Quod est Officium Viri Justi?

Ut omne illud præstet. ac tribuat proximo suo, quod vel imperfecto vel perfecto sive stricto jure ipsi debetur; ac speciatim in rebus tum distribuendis tum commutandis, cæmendis, vendendis, depositis vel mutuo acceptis reddendis, pactis & promissis servandis, ita se gerat, ut neminem ulla ratione defraudet, & alios quoque ab injustitia pro virili revocet; neque res alienas, vel vi vel dolo malo, clam aut aperte, ad se pertrahat, sicque ab omni furto, rapina, contumelia & damno aliis dando, abstineat, & injuriam potius patiatur, quam alteri inferat.

Quodnam est Oppositum Justitiæ Particularis?

Injustitia Particularis, vitium in distribuendis & commutandis rebus æqualitatem violans:

Exem.

Exempla Justitiae Universalis.

Huc pertinent ii, qui in Sacris dicuntur *Iusti*, & mandata Dei custodientes, ut *Abraham*, *Josua*, *David*; in primis *Zacharias* & *Elisabeth*, Luc. I. 6. E civilibus historiis *Socrates*, qui privatim ac publice erga cunctos ex legum praescripto se gessit, teste *Xenophonte*. *Aristides*, vocatus *Iustus*, quia nihil in vita ejus reprehendi poterat; testibus *Plutarcho* & *Corn. Nepote* in *Vit. Phocion*, qui ex integritate vitae cognomen *Boni* accepit. *Prisci Romani*, de quibus *Sallustius* in *Catil. c. 9*: *Ius bonumque apud eos non legibus magis quam natura valebat.*

Exempla Justitiae Particularis?

Iterum *Abraham* agens cum *Ephrone*, & quaerens conjugii suae mortuae sepulturam, *Genes. XXIII.*

13. 16. *Jacob*, justitiam ac fidem furam profitens, & de Labani soceri injustitia conquerens; Genes. XXXI. 6. 7. item v. 37. 38. & seqq. *Joseph* Ægyptiis fame pressis frumenta primum justo argenti pretio, dein legitima armentorum & agrorum permutatione vendens, Genes. XLVII. 14. & seqq. *Tobias*, II. 21. *Hermes* Ægyptius, qui nunquam non justum pretium pro merce solvit, ac sæpe plus dedit, quam postulatum erat, si venditor visus est bonitatem mercis non satis expendisse. 2. *Scævola*, qui, cum postulasset, ut sibi fundus, cujus emtor erat, semel indicaretur, idque venditor fecisset, dixit, se pluris æstimare; addiditque centum milia. Cic. III. Offic. c. 15.

Quid est Veracitas?

Est Virtus, qua, quod animo sentimus, ore, gestu factisque profite-
mur.

mur. *Objectum* ejus est Verum, de se, aliisque personis & rebus, tum in communi conversatione, tum in foro ac judicio, in servandis promissis, contractibus, perhibendis testimoniis ac juramentis, ore, gestu & factis exprimendum.

[Quoniam Vera dicimus nunc in conversatione quotidiana, nunc in foro & judicio, testimoniis dandis &c; hinc *Veracitas* a nonnullis dividitur in *Homileticam* & *Justitiam*. Vid. præter alios Henr. Uffelmanous Lib. de Jure, quo Homo homini in sermone obligatur, Cap. IV. n. 7. De *Homiletica* potissimum in Opere Nicomachio egit Aristoteles, qui eidem, præter *Jactantiam*, opponit *Dissimulationem*; cum tamen *Dissimulatio* sæpe prudentiam, laudemque involvat. Notum est Symbolum Friderici Enobarbi & Sigismundi Imperatorum: *Nescit regnare, qui nescit dissimulare*. Atque ipse Aristoteles inter characteres Viri sui Magnanimi numerat, quod debeat esse *Dissimulator*.]

Quod est Officium Viri Veraci?

Vir verax in sermonibus vel voce
vel

vel scripto prolatis omnem jactantiam, vanitatem & mendacia, quam maxime detestatur; atque hæc ipsa neque excogitat & spargit, neque ab aliis excogitata & prolata latius diffeminat: ex adverso autem res, quæ dicendæ sunt, & quas salva conscientia ac prudentia dicere potest ac tenetur, privatim & publice, præsertim in judicio, prout sunt, vel sicut gestas illas novit, coram iis, qui verum ex ipso intelligendi jus habent, fideliter enunciat; præterea in juramentis, testimoniis perhibendis, servandis promissis, contractibus & pactis conventis, veritati ac fidei summo opere studet, gloriæ divinæ illustrandæ ac justitiæ promovendæ causâ.

Quodnam Vitium hic fugiendum?

Mentiendi libido; quæ vel ex vana
na

na jactantia, vel dolo malo & destinata animi malitia, coram aliis, qui jus habent verum ex nobis cognoscendi, diversa ab animi nostri sententia notitiaque proferre solemus, eo fine, ut ipsis noceamus atque illudamus. *Actus* vitii hujus sunt *Mendacia* injuriosa ac perniciofa, * v. g. fidei in contractibus violatio, calumnia, falsa testimonia, perjuria &c.

[* Atque adeo hic discrimen inter *Mendacium* *Perniciosum* seu proprie dictum, & *Falsilogium inculpatum*, probe notandum: ad quod posterius *Mendacia Jocosæ & Officiosa*, a Scholasticis sic dicta, referri solent. Vid. H. Groz. de J. B. & P. Lib. III. cap. I. §. XI. & seqq. Pufendorf. de J. N. & G. Lib. IV. cap. I. §. 8. & 9. B. Dürr. Instit. Eth. Part. III. Sect. II. Cap. IX. & Problem. LXXIII.]

Exempla Veracitatis.

Ipsè *Christus*, Via, Veritas & Vita, Joh. XIV 6. & coram Filato testans veritatem, Joh. XIX, 37. *David* Psalm.

Psalm. CXIX. 163. Antiqui *Persæ*, qui in mendacio ter deprehenso silentium perpetuum imponebant, & ab omnibus Politicis ac honestis negotiis talem repudiabant. *Achilles*, qui, perhibente Homero, ut inferni porras detestatus est mendacium. *Xenocrates*, de quo Diog. Laërtius, Lib. IV. *Tanta*, inquit, illius verbi fides habebatur, ut, cum iniurati nullius testimonium admitteretur, huic soli remiserint Athenienses iusjurandum. *Epaminondas* & *Atticus*; quorum ille ne joco quidem falsum loquebatur; hic mendacium neque dixit, neque audire potuit, eo nomine vel maxime ab amicis cultus. *Romani veteres*, qui falsum dicentes testimonium e saxo Tarpejo ejiciebant. Vid. Gellius Lib. XX. cap. I.

[Sub Veracitate etiam communiter comprehenduntur *Taciturnitas* & *Urbanitas*. *Urbanitas* vero circa ludos & jocos versans, an cum cæteris virtutibus paria faciat, non pauci ex ipsis etiam Philosophis & Theologis dubi-

dubitant. B. Gerhardus in Schola Pietatis illam præterit; & Ambrosius Lib. I. Offic. cap. 23, istam ab Ecclesia vult remotam. Atque ea certe non cuivis homini, nec nisi tempore ratiore, convenit. Nos infra, acturi de *Decore*, quædam de illa profectus.]

Quid est Taciturnitas?

Est Virtus, quæ frenat linguam, ac docet tacere id, quod tacendum est. *Objectum* ejus est sermo opportune premendus, ac intra rectæ rationis limites cohibendus.

Quod est Officium Viri Taciturni?

Tacere, cum est tacendum. Adeoque arcana sibi concredita, atque alia id genus silenda, quorum nempe occultatio non adversatur gloriæ divinæ, justitiæ, proximique salutis, item illa, quæ rixas & lites parere, quæ contemptum & infamiam sibi & aliis conciliare possent, quæque im-
pia

pia, blasphema & indecora sunt, quorum denique nondum certam satis consecutus est notitiam, prudente premit silentio: nec effutit temere, quicquid in buccam venit; sed necessaria tantum, utilia ac tempestiva loquitur; h.e. quæ personis, loco ac tempori sunt accommodata; & semper, quantum rei quidem & auditorum fert ratio, sermonis brevitati studet.

[A nonnullis triplex commendatur Silentium:

(1) *Modestia*, quando tacemus, cum loqui non convenit vel ob ætatem, vel sexum, vel ob reverentiam erga eos, qui loquuntur.

(2) *Prudentia*, quando tacemus, invidiæ, inimicitiz, aut alterius periculi declinandi causa. (3) *Necessitatis*, quando arcana

sericemus, & sermonem inhibemus propter gloriam Dei, bonum publicum & datam silentii fidem.]

Quæ Vitia opponuntur Taciturnitati?

(1) *Garrulitas*, vitium, quo quis secreta effutit, aut inutilia & intempesti-

peſtivaloqvitur. (2) *Nimium* & *intempeſtivum Silentium*, qvo tace-
mus, cum honeſte, utiliter ac decore
loqvi poſſimus ac debeamus.

Exempla Taciturnitatis.

David, Pſalm. XXXIX, l. 2. 10. *Abigail*, 1. Sam. XXV. 36. *Judith*, lu-
um celans conſilium, donec caput
Holofernis abſciſſum Bethuliam re-
portafſet; Lib. Judith. IIX. 33. *Sofia*
ille Terentianus, in qvo herus ſem-
per intellexit ſitas fidem & taciturni-
tatem; Andr. Act. I. Sc. I. *Areopagi-
ta*, a qvibus ortum adagium: *Areo-
pagita taciturnior*; qvod arcana illi
diligentiſſime continerent. *Papy-
rius* prætextatus, qvi qvam argute
matrem ſecreſa Senatus expiſcan-
tem deluſerit, legi poteſt apud Gelli-
um Lib. I. N. A. c. 23. *Carolus V.* qvi
arcana ſua conſilia tam ſancta celavit
fide, ut nec vultu nec ore unquam
prodi-

prodiderit. Quo nomine etiam *Gustavus Adolphus* Rex Sveciæ, hodiernus Gallorum Rex *Ludovicus XIV*, aliique commendandi.

Quid est Gratitude?

Est Virtus, quæ præstita nobis beneficia agnoscimus, prædicamus, ac pro virili rependimus. *Objectum* ejus sunt accepta Beneficia, & Signa voluntatis ac facti, quibus beneficiorum memoria declaratur.

[Referri potest, certo respectu, Virtus hæc ad Veracitatem & Justitiam. Per illam agnoscimus beneficia, eaque nullo modo dissimulamus; per hanc id, quod accepimus, compensare nitimur.]

Quod est Officium hominis Grati?

Homo gratus benefacta sibi ab aliis hominibus, speciatim Parentibus, Dominis, Patronis & Amicis, benevole exhibita, grato agnoscit animo,

mo, eaque iusto loco, tempore, modoque debito prædicat; nec verbis tantum & sincero affectu pro illis gratias Evergetis suis agit habetque, sed & opere & facto, si adsit facultas, eadem rependere, gratiamque omni officio ac studio referre annititur: si vero referendi facultas desit, Deum rogat, ut beneficia sibi præstita benefactoribus tum in hac tum in futura vita cumulate compenset.

*Quodnam Vitium opponitur
Gratitudini?*

Ingratitudo Gr. Αχαρισία, quando accepta beneficia non agnoscimus, nec prædicamus, nec referimus. Est vitium hoc turpissimum, nec homini ingrato tantum, sed & aliis miseris, quam maxime nocens.

[*Nimia Gratitude* vel non datur facile; vel si datur, non est adeo vituperanda: dum Cicero nos in referenda gratia imitari vult agros fertiles, plus multo ferentes, quam aceros.

runt; & Hesiodus majore mensura, si modo possis, reddere jubet.]

Exempla Gratitude.

Tobias senior ac junior, gratum testati animum erga fidum in itinere comitem; Tob. XII. 1. 2. seqq. *Paulus* gratus erga Philippenses, Philipp. IV. 15. & seqq. erga Onesiphorum hujusque familiam, 2. Timoth. I. 16. seqq. *Alexander M.* erga Præceptorem Aristotelem, dum non tantum regie illum remuneravit, collatis ipsi in solam Animalium historiam talentis octoginta, sed & plus Philosopho huic, quam patri Philippo, se debere professus est. *Diogenes*, qui, cum pecuniam ab amico Carisio acceptam refundere non posset, bene ipsi precatus est his verbis: *Dii, qui pia fœta vident, dent tibi longe meliora & præstantiora, quam fuerunt, quæ in me collata sunt!* Exemplo-
rum

rum nubem eorum, qui grati fuerunt in Patriam, Parentes & alios, exhibebit Valerius Max. Lib. V. cap. 2. 4. & 6.

[Nunc sequuntur Virtutes, docentes præstare ea, quæ aliis ex lege *Charitatis* debentur.]

Quid est Liberalitas?

Est Virtus, qua opes atque operas nostras cum aliis benigne, ut oportet, communicamus. *Objectum* ejus sunt non tantum Pecuniæ, sed res omnes, quarum pretium numo æstimari solet; quo etiam referenda sunt Bona Animi cum aliis benigne communicanda, ut Consilium, Informatio &c.

Quod est Officium Viri Liberalis?

Cum, secundum Poëtam, res sit ingeniosa dare, multasque habeat cautiones, Vir liberalis diligentem

gerit curam observandarum circumstantiarum, *Persona*, tum accipientis tum dantis; item *Quantitatis*, *Qualitatis*, *Temporis*, *Loci & Finis*. Dat proinde dignis, ac præcipue domesticis fidei, quandoq; etiam extraneis ac indignis, ut hominibus & egenis; dat, quantum indigentia accipientis efflagitat, & ratio facultatum suarum permittit; dat cum judicio animoque hilari; dat citò ac in tempore; non ad ostentationem laudemque propriam, aut lucrum, sed ad illustrandam Dei gloriam, & promovendam proximi salutem.

Quæ Vitia Liberalitati opponuntur?

(1) *Prodigientia* seu *Prodigalitas*, vitium, quo pecunias & beneficia nostra projicimus magis quam damus, nullo habito selectu aut ratione circumstantiarum modo dictarum.

rum. (2) *Illiberalitas*, Gr. Ἀνελευθερία, vitium proprie consistens in nihil aut parum dando, seu commo- dando aliis de bonis nostris.

Gradus eminens Liberalitatis vo- catur *Magnificencia*, virtus in ma- gnis sumptibus & largitionibus occu- pata, sed nisi magnæ ejusmodi largi- tiones fiant in res honestas & utiles, v.g. in veræ religionis & bonarum artium incrementa, in pauperum subsidium & similia vituperium po- tius quam laudem merentur.

Exempla Liberalitatis.

Hiob, de se testans, quod pater fue- rit pauperum; cap. XXI X. 16. *Cornelius*, centurio religiosus, multas- que plebi eleemosynas erogans, Act. X. 2. *Ptolemaus Philadelphus*, & *Ptolemaus* filius, Reges Ægyptio- rum, quorum ille summa cum vo- luptate amicos suos ditavit; hic vero

adeo beneficus fuit in omnes, ut *Evergeta* inde sit cognominatus. *Cimon* Atheniensis, de quo vid. Corni Nepos. cap. IV. n. 1. 2. *Gillias* Agrigentinus, de quo consulatur *Valerius Max.* Lib. IV. cap. 8; ubi plura Exempla huc pertinentia reperiuntur. *Magnificentie* laudem sibi acquisiverunt *Salomo*, qui templum exstruxit magnificentissimum; *Augustus*, qui Romam accepit lateritiam, marmoream reliquit. *Constantinus*, *Carolus*, *Otto*, cognomen *Magni* promeriti, non minus sacrarum impensarum, quam bellieorum facinorum splendore.

Quid est Hospitalitas?

Est Virtus in hospitibus excipendis, tractandis & dimittendis, modum ac decorum observans. *Obiectum* ejus sunt Hospites rite excipendi, tractandi ac dimittendi.

Quod

Quod est Officium Viri Hospitalis

Vir hospitalis, peregrinos & hospites, notos ac ignotos, maxime tamen cognatos & fidei suæ consortes, pia benevolentia omnibusque hospitalibus officiis complectitur; eos nimirum reverenter & hilariter in aedes suas recipiendo, ratione cibi, potus, aliarumque commoditatum, comiter ac liberaliter, prout facultates suæ ferunt, tractando, denique, quando velint, amice & benigne eos dimittendo.

Hospitis vero, sive ejus, qui hospitio excipitur, officia sunt: (1) Venire in tempore; (2) Esse moderatum, non garrulum, non curiosum. (3) Boni consulere, quæ exhibita fuerint. (4) Fugere voracitatem, ebrietatem, aliosque mores rusticos & ineptos. (5) Mature discedere. Etenim post tres septidies vilescit piscis & hospes.

Quenam sunt Hospitalitatis Opposita?

Πολυξενία & Αξενία. Illa est vitium in recipiendis & tractandis hospitibus modum excedens; quando nimio Hospitalitatis studio limites excedimus Honestatis, Frugalitatis, & Prudentiæ. * Hac (Inhospitalitas), est, quando advenæ hospitio prohibentur; vel admissi male tractantur, aut trucidantur. **

* Vid. Siracid. XI. 31. & Quæst. Berneggeri CXXV. in Germ. Tacit.

** Ita peccarunt Sodomitæ, Genes. XIX. 4. & seqq. Ægyptii, Sap. XIX. 12. 13. Taurici, qui hospites Dianæ immolarunt.

Exempla Hospitalitatis.

Abraham, Genes. XVIII. & seqq. *Martha & Maria*, Luc. X. 38. *Lydia*, Act. XVI. 15. *Christiani veteres*, quorum multi voverunt domum suam

suam esse hospitalem omnibus sanctis advenientibus ; quæ sunt verba Augustini in Psalm. 75. Prisci Germani, majores nostri; de quibus Tacitus in Germ. c. 21: Convictibus & hospitibus non alia gens fusius indulget. Quemcunque mortaliū arceret recto, nefas habetur &c. Add. Jul. Cæsar Lib. V. 1. de B. G. c. 23. Cydon Corinthius, adeo fuit hospitalis, ut proverbio locum fecerit: Semper aliquis in Cydonis domo. De Cimonis Atheniensis hospitalitate vid. Cic. 1 Off. c. 18. & Corn. Nep. in Vit. c. 4.

Quid est Humanitas?

Est Virtus, per quam homo in compellendo & audiendo facilem & affabilem se præbet, cumque aliis placide & sine offensione conversatur. Objectum ejus sunt Dicta & Facta, quibus in conversatione aliis placere ac displicere possumus.

*Quod est Officium Viri Hu-
mani?*

Vir humanus erga notos & igno-
ros, in congressibus, colloquiis & a-
liis vitæ actionibus, suavem, amabi-
lem & accessum facilem se præbet, vul-
tum non austerum, sed serenum ac
permixta gravitate comem exhibet;
libenter alios salutat, & cuilibet pro
sua ætate, statu, dignitate, decentem
tribuit honorem & amorem; mori-
bus agrestibus nemini est molestus,
nec voce contentiosa pertinaciter
sua defendit, sed aliis, ubi honeste li-
cet, cedit facile: si vero videat eorum,
quibuscum conversatur, dicta aut fa-
cta in DEVM vel bonos mores pec-
care, comiter illos monet, imò repre-
hendit; sic tamen ut reprehensionis
asperitatem, verborum lenitate e-
molliat.

Qua

Quæ Vitia Virtuti huic opponuntur?

(1) *Assentatio*, vitium, quo præter modum ac rationem honestatis, in omnibus dictis & factis nostris placere studemus iis, quibuscum versamur: quod qui faciunt spe offæ aut lucelli, dicuntur *κόλακες*, parafiti, gnathones. (2) *Inhumanitas* five *Morofitas*, cum aditu difficiles, vultu tetrici, voce contentiofi. nihil penfi habemus, ut in converfando fimus jucundi.

Exempla Humanitatis.

Salvator nofter *Φιλάνθρωπος*, *Pfal.* XLV. 3. *Ef.* XLII. 2. feqq. *Jonathan*, qui a Davide amabilis & decorus valde in vita fua dicitur, 2. *Sam.* I. 23. *Titus Vefpafianus*, qui neminem a vultu fuo tristem difcedere paffus, & ob fummam humanitatem, *Amer* ac

delicia generis humani appellatus est. Atticus, de quo Corn. Nepos in Vit. Ejus comitas, inquit, non sine severitate erat, neque gravitas sine facilitate: ut difficile esset intellectu, utrum eum amici magis veneratione, quam amarent. cap. 15. De Agricola socero suo Tacitus: Nec illi, quod est rarissimum, aut facilitas auctoritatem, aut severitas amorem diminuit. Vit. cap. 9. Quo etiam elogio maectat Bilibaldum Pirckheimerum Ritterhusius in Virap. 15.

Quid est Mansuetudo?

Est Virtus, quæ iram moderatur. *Objectum* ejus Ira, & omnia, quæ iram excitare solent, ut Injuriae, damna, offensiones, contentus nostri nostrorumque &c.

Quodnam est Officium Viri Mansueti?

Iram convenienter & adductiore freno

freno moderari, ne peccet, & in furorem ultionemve illicitam erumpat. Vir itaque mansuetus non irascitur Deo, non magistratui, parentibus, doctoribus, suum facientibus officiū & vitia reprehendentib⁹; sed illorum præcepta patienter capessit: nec irascitur temere ac leves ob causas, nec justo diutius, & ut solem patiatur occidere super iram suam; nec tam improbis hominibus ipsis, quam horum vitiis, ita ut illos potius dextre informet, placideque corripiat. Denique iram aut indignationem, juste licet conceptam, facile remittit ac deponit, præsertim si alterum delicti poeniteat, & culpam is deprecetur.

Quodnam Vitium Mansuetudini opponitur?

Iracundia, cum iræ plus, quam par est, indulgemus; unde odia, injuriæ, homicidia, & malorum lerna.

[In defectu Mansuetudinis ab Aristotele etiam opponitur *Aegritudo, Ira Vacuitas*. Sed an hæc vitium sit, dubitant cordatiores. Quo enim longius ira abest ab actionibus & consiliis nostris, eo melius ista conficiuntur. *Impedit ira animum, ne possis cernere verum*. Add. Senec Lib. I. de Ira cult. Ac Cicerō optat, ut, qui Reip. præsumt, legum similes sint, quæ ad puniendum non ira, sed æquitate ducuntur. I. Offic. c. 25. versus fin.]

Exempla Mansuetudinis.

Moses, qui vir mitissimus prædicatur super omnes homines in terra; Num XII. 3. *David*, maledicta & lapides Simeï miti excipiens animo, 2. Sam. XVI. 10. *Christus*, qui mansuet⁹ & humilis corde dicitur Matth. XI. 29. *Cyrus* & *Agessilaus*, quorum tanta mansuetudo & clementia prædicatur a Xenophonte & aliis, ut in summo imperio non modo nihil sævum & crudele fecerint, sed etiam ne verbum quidem asperius protulerint. *Pericles*, qui cum lychno domum deduci eum iussit, a quo per totum

totum diem in foro convitiis proficissus erat. *Socratis* etiam & *Phocionis* mansuetudo in vulgus nota. E Cæsaribus heic laudandi *Augustus*, *M. Antoninus* Philosophus ; ex Austriacis plerique omnes, imprimis divi *Ferdinandi* tres, & *Leopoldus* noster augustissimus.

Quid est Misericordia?

Est Virtus, qua fortunam aliorum adversam lugemus, eamque benevolentia & ope nostra, quantum possumus, relevamus. *Objectum* ejus sunt Mala aliorum graviora & fortuna adversa, eaque benevolentia nostra ac ope vel arcenda vel sublevanda.

Quod est Officium Viri Misericordis?

Vir misericors hominum miserrorum ac pauperum h. e. in afflictione,

one, morbo, exilio, errore gravi aut egestate constitutorum, conditione & calamitate facile commovetur, eorum sortem adversam luet, eandemque consilio & auxilio suo arce-
re vel sublevare saltem annisitur; adeoque pia consolatione & opera afflicto erigit, oppressorum causam tuetur; iis, quibus jure nocere posset, parcit; aegrotis, mutilis, senio confectis, exulibus, aliisque miseris & egenis, pro virili facultatibus suis, vestibus aut medicamentis succurrit, errantes in viam reducit: vel, si hæc ipsa fortassis efficere non potest, apud alios pro illis intercedit, & iis, quocumque modo potest, opitulatur.

[Numeratur *Misericordia*: a quibusdam inter *Affectus*: Sed nobis hic non est tam affectus, quam miserationis effectus, & habitus educatione & usu confirmatus, quo ad præscriptum rectæ rationis, præstamus id, quod *Misericordia* præstare jubet. Cicero pro Ligario: *Nulla de Virtutibus admirabilior nec gratior Misericordia. Homines enim ad Deos, nulli: & propius accedunt, quam salu-*

sim. hominibus dando. Nihil habet Fortuna magis, quam ut possis, nihil habet Natura melius, quam ut velis servare.]

Quæ sunt Opposita?

(1) *Immisericordia*, vitium, quo alienis malis non tristamur, neque commovemur adjuvandum; quod fit, cum quis vel non parcat, ubi parcendum esset, sed acerbius in alterum consulit; vel, cum alterum afflictum videt, ei non succurrit. (2) *Nimia Mollities*, quando miseremur ac parcimus, ubi non est opus. *

[* Id. quod sæpe tam publice quam private est noxium. Notum illud Catois: *Ista vobis mansuetudo & misericordia, si illi arma ceperint, in miserrimam vertet* ! Sallust. Bell. Catil. c. 52.

Exempla Misericordiæ.

Christus, ac *DEVS* ejusdem *Pater*.
Luc. VI. 36. Marc. IX. 2. Pharaonis filia, misera *Mosis* pusionis. *Exod. II. 6. seqq. Samaritanus* ille *Luc. X. 33. seqq.*

seqq. *Dido*, cujus effatum est apud Virgilium I. *Aeneid.* *Non ignara mali misero succurrere disco.* *Cyrus*, Croesi jam rogo impositi suamque infelicitatem deplorantis, misertus. *Aristoteles*, qui cum reprehenderetur, quod homini nequam eleemosynam dedisset; respondit: Non mores, sed hominem miseratus sum.

Quid est Amicitia?

Est Virtus* consistens in reciproca & efficaci hominum duorum vel paucorum benevolentia, ex mutuo consensu ac virtutis similitudine** orta & confirmata, ad honesta quævis officia rectius ac facilius obeunda, consilia item & auxilia in rebus secundis & adversis fideliter præstanda. *Objectum* sunt viri boni, iiqve pauci, ac horum bona & comoda promptis officiis, consiliis & auxiliis, mutuo procuranda.

[* Hec.

[* Henr Morus in Enchir. Ethico Lib. II. c. 8. §. 14. scribit : *Vera Amicitia nihil sanctius est, nihil divinius, quæ & ipsa Virtus est, (non minusquam Humanitas vel Hospitalitas) solosque inter eos reperitur, quæ reliquis virtutibus sunt præditi. Et B. Gerhardus in Scholæ Pietatis Lib. IV. c. 17. eam inter Virtutes ex Charitate profluentes numerat.*

* * Intelligimus itaque hic Amicitiam Veram & Honestam, quæ est inter viros bonos ac virtute similes,]

Quod est Officium Viri Amici ?

Amicus verus non impiorum congressus, non prava sectatur sodalitia, sed paucorum bonorum, quorum mores ac fidem prudenter prius exploraverat, familiaritate delectatur, eamque blanda voluntatis consensione, perseverante amoris fervore, dulci morum suavitate, in regendis secretis taciturnitate, fide, candore, ac prompta officiorum vicissitudine, alit, conservat ; amico-
rum

rum dicta & facta meliorem in partem interpretatur, lætis in rebus cum his lætatur, in adversis tristatur; in his illos non deserit, sed omni opera ac studio juvat, peccantes corrigit, nec amicitiae vinculum dissolvit, nisi alter a Virtute ad insanabilem improbitatem desciverit.

Quæ sunt Amicitie Opposita?

Αδελφία, Inimicitia; & Πολυφιλία, qua laborasse dicitur Scipio Africanus, qui non facile a foro discessit, quam amicum sibi comparasset. Notandum hic istud sapientum monitum: *Nec sis multorum, nec sis nullus amicus!*

Exempla Vera Amicitie?

Jonathan & David; Gregorius Nazianzenus & Basilus; Pylades & Orestes; Alexander & Hephestion; Aeneas & Achates apud Virgilium; Damon

Damon & Pythias, Scipio & Lælius, Cicero & Pomponius Atticus. Vid. Cic. Epistolæ ad Attic. & Lib. III. Offic. c. 10. Idem passim in Lælio seu Lib. de Amicitia; Valerius Max. Lib. IV. c. 7. aliique.

Amicitiaæ sive filia sive adjunctum est *Concordia*, per quam homo tranquille & concorditer cum aliis vivere promptus est. Huic inprimis dent operam *Conjuges*, qui uti sunt una caro, ita sint anima una; item *Fratres ac Sorores; Cognati & Affines; Vicini, Amici, Collegæ; Imperantes* etiam ac *parentes*, ipsique *Cives* inter se: est enim *Concordia* maximum civitatis ornamentum atque præsidium. Opponitur *Concordiaæ Discordia*, ac turpis etiam inter malos *Concordia*, qualis e. g. est inter latrones.

[Hactenus de Virtutum Natura & Officiis :
nunc, quia Virtutis laus omnis in actione
consistit, dispiciendum, quomodo actiones
vitæ dirigi, suisque temporibus dispensari o-
porteat. Quod ipsum *Prudentia* negotium
est. Vnde hæc *Virtutum moderatrix*, & a
Cic. Lib. V. de Fin. *Ars* bita appellatur.]

Quid est Prudentia?

Est Virtutum quasi anima & re-
atrix, quæ bona a malis, utilia a no-
xiis discernit, expetenda & fugienda
præscribit, totamque vitam modera-
tur. Vel, secundum nonnullos, bre-
vius: Est habitus agendi ea, quæ ho-
mini bona sunt ac salutaria. *Obje-
ctum* ejus sunt τὰ πρᾶκτὰ, h. e. om-
nia ea, quæ homini ad bene & cir-
cumspecte agendum & vivendum
sunt necessaria.

Quod est Officium Prudentiæ?

Officium Prudentiæ in eo consi-
stet, ut quis possit sibi & aliis bene ac
utiliter in rebus agendis prospicere
atque

atque consulere. Hoc ut rite præster Vir Prudens, debet (1) Univerſalia Vitæ recte instituendæ præcepta, atque adeo verum vitæ finem, noſſe. (2) Vero fine cognito & conſtituto, media recta, ad illum conſeqvendum utilia, reperire ac dirigere. (3) In agendo, circumſtantiis Perſonæ, Objecti, Finis, Modi, Temporis & Loci, ſe accommodare. (4) Inter duo plurave bona aut mala delectum recte instituere. (5) Præterita recordari, præſentia ordinare, futura prævidere. (6) Conſilia ſalutaria invenire, inventa regere, atque, ubi opus, celeriter exequi.

Quæ ſunt Media ad comparandam Prudentiam neceſſaria?

(1) Naturalis ingenii & judiciû perſpicacia ac ſolertia, quæ ea, quæ ad ſcopum propoſitum pertinent, acute

acute cernuntur, & celeriter investigantur. (2) Doctrina, imprimis Studium Ethices, Politices & Historiarum. (3) Peregrinatio & Conversatio cum Viris Prudentibus. (4) Assidua in rebus agendis Exercitatio & Experientia; quæ maximum ad comparandam Prudentiam robur habet.

Quomodo dividi solet Prudentia?

In Privatam & Communem.

Quanam dicitur Prudentia Privata?

Qua quis sibi suisque commodis recte prospicit.

Hæc ad Ethicem proprie pertinet, ac sequentes præscribit regulas: (1) Certum deligere vitæ genus; (2) In eo vitæ genere actiones omnes ad Virtutis normam, ex præscripto legum, componere. (3) Nil temere aggre-

aggredi ; nec subire onus, cui non sis ferendo. (4) Res earumque pretia probe perpendere. (5) Tempus & occasionem captare, (6) Non temere credere, nec cuivis fidere. (7) Alienis negotiis haud facile se immiscere. (8) Cautè, ubi opus, simulare ac dissimulare &c.

Quænam dicitur Prudentia Communis?

Quæ consulimus & prospicimus, quæ sunt bona & utilia aliis.

Dividitur hæc in *Oeconomicam*, quæ quævis familiæ, & *Politicam*, quæ quævis Reipubl. totique civitati circumspècte consulit & prodest. *Politica* species tres constituuntur: (1) *Legislatoria*, quæ leges condit, formamque gubernandi præscribit. (2) *Consultatrix* sive *Senatoria*, quæ de futuris Reip. negotiis deliberat. (3) *Judiciaria*, quæ de præteritis judicat,

H & jus

& jus dicit. His addi potest Prudentia, *Militaris*; de qua, & reliquis tribus, agitur in Politica & Jurisprudencia.

Quæ sunt Opposita Prudentiæ?

Privative opponitur *Imprudentia*, qua res aggredimur sine ulla deliberatione, nullisque consideratis circumstantiis. Contrarie opponitur *Calliditas* seu *Versutia*, qua sub specie iusti rectique alios fallimus.

[Noteur hic, quod nemo sit vere prudens, nisi idem sit vir bonus; qui vero bonus non est, & habitu tamen bene agendi prædictus videtur, *Astutus* potius & *Callidus* dicendus, quam *Prudens*.]

Exempla Prudentiæ.

Joseph, Pharaoni consulens de futura annonæ ubertate & caritate; Genes. XLI. *Jethro*, Moysis socer, videns difficile hujus regimen, consilio ipsum juvans ac fradens, ut viros proba-

probatae fidei ac pietatis eligat, & ad
hos partem gubernationis devolvat;
Exod XVIII. *Themistocles*, qui cele-
riter, quæ opus erant, reperiebat; ne-
que minus in rebus gerendis quam
excogitandis promptus. **Corn. Nep.**
Vir. c. I. *Cato major*, prudentia Oc-
conomica, circa educationem libe-
rorum & rei familiaris curam, excel-
lens. *Moses* Israëlitarum, *Solon* A-
theniensium, *Lycurgus* Lacedæmo-
niorum legislatores. *Salomo* pru-
denter judicans ex amoris affectu, de
genuina pusionis dissecandi matre.
I. Regum III; ac cæteroquin etiam
sapientissime imperans. E rebus pu-
blicis integris, hodieque florentibus,
Prudentiæ laudem merito sibi vindi-
cat *Serenissima Resp. Veneta*, hujus-
que æmula illustris *Noribergensis*;
cujus insigne quondam ornamen-
tum, *Antonius Tucherus*, a *Friderico*
III. Imp. urbem ingressus, & effusam

populi multitudinem mirante, interrogatus, Quo ingenio & arte tanta multitudo sine tumultu & seditione regi & contineri possit? responde *Placidis verbis, & gravibus sententis.*

[Ad Αρετολογίαν, & doctrinam de Prudentia, pertinet quoque, coronidis loco, doctrina de Decoro.]

Quid est Decorum?

Decorum est externi totius corporis habitus, motus, vestitus, sermonis etiam & gestuum in conversatione, ad munditiam & decentem elegantiam conformatio, pro diverso hominum statu, tempore ac loco, varians.

[*Decorum* Gr. dicitur τὸ πρίπον, ἀπὸ τῆς πρίπειν *decere*; & hoc a πρίσιπον, *observare*, cum cura prosequi. Doctrina hæc in plerisque Ethicis omittitur, sed male. Fusiùs illam pertractat Cicero Lib. I. Offic. versus fin. Theophrastus in Characteribus Ethicis, Jo. Casa in Galateo, Erasmus in libello de Civilitate morum, aliique. Fr. Bag.

de Verulamio Serm. fidel. LIX, *In libro exhibi,* ait, *Conversatio ejusque regimen (ut cumque in exterioribus occupetur) non summm, at certe eximium locum invenit.*]

Quomodo differt Decorum ab Honesto?

Respondet Cicero, * id dictu difficile esse, & facilius intelligi, quam explanari posse. Decorum enim ea vis est, ut ab Honesto non queat separari. Nam quod decet, honestum est; & quod honestum est, decet.

[* Lib. I. Offic. c. 17. Edit. Grav. Ibidemque addit: *Ut venustas & pulchritudo corporis facere non potest a valetudine: sic decorum totum quidem est cum virtute confusum, sed mente & cogitatione distinguitur.*]

Explica mihi tamen, quantum fieri potest, Differentiam Honesti & Decorum?

(1) Differt Decorum ab Honesto, ut necessarium consequens, non tam tempore, quam nostro concipiendi

piendi modo. (2.) Quæ Honestatis sunt, magis videntur recondita; quæ Decoris, in omnium oculos ac sensum incurrunt. (3.) Honestum ipsam essentiam hominis rationalem ac socialem afficit; Decorum tantum ad illius bene esse facit, quatenus singularem homini in vita civili addit commendationem. Adeoque (4.) quæ ad Honestatem spectant, homini necessario sunt observanda, nisi pro malo ac scelerato haberi velit; Decorum arbitrium fere est, ne ejus intermissione viri mali nota cuidam inuri solet; sed hominis tantum incivilis ac morosi. (5.) Quid Honestum sit, apodicticis rationibus ostendi potest; Decorum fere non nisi opinione hominum nititur.

Quæ

*Quas ergo regulas præscribit
Decorum, ratione Corporis, hu-
jusque Compositionis &
Motus?*

Corpus æquo libramine sit ere-
ctum. *Caput* valde ac sæpe nimis
non est qvatiendum, ne videaris ri-
gidi Catonis instar omnia improba-
re. Impexo esse capite, rusticanum
est.

Vultus tuus sit tranquillus, mun-
dus, serenus. *Frons* non torva &
in rugas contracta; sed exporrecta,
mentem sibi bene consciam & inge-
nium liberale præ se ferens.

Oculi sint placidi ac verecundi;
non vagi ac volubiles, quod est ho-
minum lascivorum; non limi, quod
suspiciosorum & insidias moventi-
um; non immodice diducti, quod
est stolidorum; non torvi, qui sunt
signum truculentiae. *Spercilia* non
H 4 sine

sint nimis hirsuta, nec in altum sublata, qvalia spirant arrogantiam.

Nares non sint diductæ, aut clarespirantes; non stillantes ac sordidæ, sed purgentur sedulo, non tamen veste aut digito, sed strophio. *Crispare nasum*, irrisorum est & sannionum.

Genæ pictæ sunt verecundia & colore nativo, non fucis aut cerussa. Inflare *buccas*, fastus indicium est; easdem dimittere, hominis animum despondentis.

Os non foeteat; nec hiet, quod est morionum; sed leniter osculanti-
bus se invicem labris conjunctum sit. Mordere *labra*, iratorum est; porrecta *lingua* alterum deridere, scur-
rile. Careant rubigine *dentes*; o-
raqve suscepta mane laventur aqua.
Ovid.

Cervix non sit erecta nimis & rigida, neque tamen in terram depressa;

pressa; neve in dextrum aut laevum vergat latus: hypocriticum enim est, nisi colloquium aut aliud simile id postulet.

Humeri pari libramine sunt temperandi, non contrahendi, non demittendi; neque brachia in tergum retorqvenda, cum id sapiat dominum.

Manus puræ sunt ac diligenter lotæ; *ungues* secti ac purgati.

Membra, quæ natura ipsa contexit atque abdidit, honeste sunt velanda, non dispicienda, aut incivili-ter tangenda; quod Judæi stricte solent observare.

Genibus non divaricatis, sed modice diductis, sed eas, neque *pedibus* formam crucis repræsentantes. Dextro pede in femur sinistrum injecto sedere, Regum veterum mos erat, sed hodie improbatus. Ludere *pedibus* in sella, puerile.

H 5

Eun-

*Eundo non nimis festines ; nec
 ramen lente nimis, ac, ut proverbium
 habet, Junonium ingrediaris. **
*Non attrahendi pedes , nec summis
 eorum digitis incedendum.*

[* Cic. l. Offic. cap. 36 : *Cabendum est, ne aut
 tarditatibus utamur in gressu mollioribus,
 ut pompaeum ferculis similes esse videamur :
 aut in festinationibus suscipiamus nimias ce-
 leritates ; quæ cum sunt , anhelitus mo-
 betur , vultus mutantur , ora torquentur :
 ex quibus magna significatio fit , non adesse
 constantiam.*

Quæ de Cultu ac Vestitu hic notanda ?

Quoniam certus modus hic præ-
 scribi non potest, eò quod non om-
 nium par est fortuna vel dignitas,
 magna etiam nationum diversitas
 ac temporum vicissitudo ; ea pro-
 pter generatim monendum, ut De-
 cori studiosus decentem amet *ve-*
stimentorum elegantiam, ita, ut neq;
 supra dignitatem & facultatem sint
 splen-

splendida, neque etiam sordida, attrita, lutulenta. In Cultu præterea corporis, morem civium & popularium suorum quisque imitetur, nisi velit se publicis omnium moribus opponere; quod seni quidem magis, quam juvenibus ignosci solet. Denique & Luctus, Festivitatum & Tempestatis, (æstivæ puta vel hybernæ) rationem habeat.

Quæ de Sermone observanda?

Sermo sit lenis ac sedatus, non clamoriferus, qualis est agricolarum, nec adeo pressus, ut ad aures ejus, cui loqueris, haud perveniat. Non sit præceps ac mentem præcurrens, sed articulatus & explanatus. Absint juramenta minus necessaria, blasphemiarum, mendacia, aniles, impiorum atque obscenarum nugæ. Narrantes aliquid ne interpellemus, donec sermonem absolverint; nec verba loquentibus commodemus.

*Quæ de Urbanitate ac Jocis hic
speciatim notanda?*

Joci sunt rari, nec nisi tempore læto ac facili Minerva prolati; nec sint obscœni aut maledici, sed ingeniosi ac liberales, hoc est, libero homine digni. Idem monent, qui duplicem ajunt esse salem, *Mercurii* & *Momi*: illum vocant facetias elegantes & argutas; hunc vero jocos mordaces, molestos ac turpes. Adhæc cum superioribus jocandum est caute, cum inferioribus parce, cum æqualibus libere, modeste tamen, ne insultare iis videamur.

Quæ de Gestibus addenda?

Gestus sint sermoni ac personæ accommodati; quæ in parte oculi & manus præcipuum sultinent officium. Verum hæc, uti cætera omnia, citra odiosam affectationem. *Oscitatione*, quantum licet, abstinendum.

Im-

Improbatur quoque *cachinnus* effusus, nec non *Sardonius*. Viri senio vel religione venerandi, aut honore alioqui digni, reverenter salutandi. Feminis etiam honestis ac nobilibus honor deferendus, ac prærogativa præ viris concedenda.

[Plura ejusmodi præcepta vid. in Erasmi libello de Civil. Mor. Christiani Weisii Ethica Germ. Cap. ult. de Decoro; & Dissert. mea de Civilitate morum, in Theatr. Virt. ab Aristotele omiff. p. 104. & seqq.]

Decoro quid opponitur?

Indecorum * seu Morum Incivilitas, per quam homo in externo corporis habitu, motu, sermone & gestu ineleganter se gerit, & jam commemoratis in rebus decorum negligit.

[* Characterem ejus sæviter depingit Theophrastus in Charact. Eth. Cap. XII. & XX. Incivilitatis rei sunt *Cato*, qui in publicum sæpe sine calceis prodibat. Vid. Horat. Lib. I. Epist. 12. v. 12, & seqq. *Patrocles*, qui se per vitam omnem non l. visse dicitur.]

Exempla eorum, qui Decoro & Civilitati studuerunt.

Jonathan, qui a Davide prædicatur decorus valde in vita sua, & amabilis super amorem mulierum, 2. Sam. I. 23. 26. *Aristippus*, cui Plato dixit: Tibi uni & chlamydem & pannum ferre datum est! Ac Horatius de eodem: *Omnis Aristippum dequit color, & status, & res.* Lib. I. Epist. 17. *Alcibiades*, de quo Corn. Nepos, Idem, inquit, cum tempus pasceret, laboriosus, patiens, liberatus, splendidus, non minus in victu quam vita, effabilis, blandus, temporibus callidissime inserviens; cap. I. De hodierna Civilitatis schola Gallia, ejusque incolis politioribus. Barclajus in Icone Animorum scribit: Nullis mortalibus indoles ad speciem virilis elegantia magis facta. Oris intrepidi habitus motusque, & gestus, qui totum corpus decent &c. cap. III. Ac de Poliarcho

*Archon suo idem scribit in Argenide:
Eminet oris decor, & anæna gratia
genius; cuius virtute omnes ipsius
motus, omnes nutus placent. Lib. I.*

[Erasmus de Civil. Mor. puer. p. m. s. : Non in-
fior, hanc esse crassissimam Philosophiæ par-
tem: sed ea, ut sunt hodie mortalium judi-
cia, plurimum conducit & ad conciliandam
benevolentiam, & ad præclaras illas animi
dotes oculis hominum commendandas. Et b.
Jac. Thomæus in Not. ad Philos. Pract.
Tab. XIII. p. 17 : *Homileticæ Virtutes* (Hu-
manitas imprimis & Urbanitas) comparatio-
ne *Iustitiæ*, & similium virtutum majoris mo-
menti, sunt exiles, quia vitia his contraria,
modo non conjuncta sunt cum vitio graviore
subsellio, non reddunt hominem statim politi-
ce malum seu improbum, pœnaque civili ob-
noxium. Nam neque leges civiles solent de
Virtutibus homileticis præcipere; sed hoc mu-
nus est alterius doctrinæ, quæ dat præcepta
de Civilitate morum. Hæc præcepta si quis
violat, non improbus statim aut nequam vo-
catur, sed incivilis, aut barbaro vocabulo
Grobianus.]

PARS POSTERIOR

de

EVDÆMONO-
LOGIA

sive

PRÆMIIS VIRTUTIS,

in quibus consistit Hominis
Felicitas.

A *Retologiam*, hoc est, Doctrinam de Virtutibus seu Recta Vita, excipit *Evdæmonologia*, hoc est, Doctrina de *Virtutum Præmiis*, quæ constituunt Beatam hominis Vicam seu Felicitatem.

*Quanam verior est Sententia
de hominis Summo Bono ac
Felicitate?*

Omnes Philosophi cordatiores in eo consentiunt, quod *Summum* hominis *Bonum* debeat esse homini proprium & ab eodem impetrabile ;
per

sive DE PRÆM. VIRTUTIS. 185

per se, nec propter aliud, expetendum; constans & immutabile; sibi aliisque sufficiens; optimum, perfectissimum, jucundissimum &c. Quæ sane conditiones in nullum aliud Bonum cadunt, quam in solum DEVM; utpote qui est ipsum Bonum, *ἀνταρὰ θὸν*, Bonum summum ac perfectissimum, sempiternum, per ac propter se appetendum, sibi aliisque sufficiens, & quod indigentiam nostram prorsus explere, nostrumque appetitum plene ac plane satiare potest.

[Non igitur Summum hominis Bonum querendum est in *Voluptate Corporis, Ditiis, Honoribus* &c. utpote bonis fragilibus, inconstantibus, imperfectis, sibi & aliis minime sufficientibus. Nec in *Virtute*; nam præstantius omni Virtute Bonum DEVS est; fatente ipso Aristotele 2. M. M. c. 5. Dein *Virtus* non expetitur propter se, sed propter aliud; nempe propter Vitam Beatam consequendam. Id quod recte observat Lactantius Lib. III. Instit. cap. 12. scribens: *Stoici negant, sine Virtute effici quæquam Beatum posse. Ergo Virtutis præmium*
Bea-

Beata Vita est, si Virius (ut recte dictum) beatam vitam facit, Non est igitur, ut ajunt, propter se ipsam Virtus expetenda, sed propter Vitam Beatam, quæ Virtutem necessario sequitur. Ipse Cicero V. Tusc. Quæst. diserte docet, quod Vita beata Virtute conficiatur: & Arrianus ad Epietum cap. IV, quod Virtutis finis & effectus sit Felicitas. Conf. quæ supra dicta sunt de Causa Finali Virtutum.

Quod Summum hominis Bonum collocandum sit in DEO, docent quoque Phil. Mornæus de Verit. Relig. Christ. cap. 19, El. Schedius de Diis Germ. Syngamm. L. c. 2. Vinc. Placcius in Comment. ad Verulam. Lib. VII. de Augm. Scient. Mor. p. 136. & seqq. Heerebord Colleg. Eth. Disp. III. & IV. Hamelius Philos. Mor. Tract. I. Disp. I. & 2. aliiqve.]

Quænam est differentia inter Summum Bonum ac Felicitatem hominis?

Summum Bonum est res, quæ nos beat, totqve ac tantas habet perfectiones, ut sui perceptione & communionem plenam & perennem afferat satietatem; nempe DEVS, Beatitudinis

dinis nostræ Causâ. Ipsa vero *Beatitudo* seu *Felicitas* nostra in Boni illius summi perceptione ac fruitio-
ne consistit, quæ vocatur Amicitia
& conjunctio cum Deo. *

[* *Sebast. Foxius* in *Compendio Ethices* ex *Platone*, *Aristotele*, aliisque concinnato, scribit: *Plato duplex Summum Bonum agno-
vit: unum Primum, quod sit sedes & ob-
jectum nostra Felicitatis i. e. DEVM. Alter-
um non ex se, sed ex illius Communionis Bo-
num, h. e. nostram Felicitatem. Atque il-
lud quidem summo honore dignum, Supre-
mum ac Verum Bonum appellat; hoc autem
Nostrum primi Boni participatione Bonum
esse; ideoque divinum ac pulcherrimum quid-
dam appellat. Lib. I. c. 5. B. Augustinus Lib.
IX. de C. D. cap. 9: Ipsum Verum ac Summum
Bonum Plato dicit DEVM; unde vult Phi-
losophum esse amatorem Dei; ut, quoniam
Philosophia ad Beatam vitam tendit, fruens
Deo sit beatus, qui Deum amaverit. Et
Cap. præced. 8: Cedant Philosophi omnes
Platonici, qui non dixerunt, Beatum esse ho-
minem fruentem corpore, vel fruentem ani-
mo, sed fruentem Deo.]*

*His præmissis, dicas nunc, quæ
sint Virtutis Præmia?*

(1) Amicitia & Conjunctio
cum DEO.

Hanc esse Virtutis præmium, &
S. Scriptura docet, & Ratio confir-
mat. DEVS quondam Abrahamo
dixit: *Ego sum Deus sufficiens; am-
bula coram me, & esto integer: & da-
bo fœdus meum (æternam pacem &
amicitiam) inter te & me.* Genes.
XVII. 2. & Cap. XV: *Ne metuas Ab-
ram; ego clypeus tuus, merces tua
magna valde!* v. 1. Johannes Apo-
stolus, si in luce ambulamus, ait, si-
cut ipse (Deus) est in luce, communio-
nem habemus cum eo mutuam. 1. E-
pist. I. 7. Et Christus apud Johan-
nem, *Vos amici mei eritis*, inquit,
*si feceritis, quacunque ego mando
vobis!* Cap. XV. 14.

Dein Ratio quoque docet inter
Deum

Deum & veræ Virtutis cultorem intercedere communionem & amorem mutuum. Vir Bonus amat Deum *amore Obedientia*, amando legem ac voluntatem Dei. Deus amat virum bonum *amore Benevolentia*, quo illum, ut suum, imagine sua signatum, agnoscit, favorisque & gratiæ suæ beneficiis cumulat & beat, ad laudem gloriosæ suæ bonitatis. Hinc Plato in Philebo. quærit: *Vir justus & probus nonne Deus amicus est?* Et Seneca, *Inter bonos viros ac Deum amicitia est*, ait, *conciliante Virtute.* *Amicitiam dico? imo etiam necessitudo & similitudo.* Lib. de Provid. c. 1. Quid? quod ipse Aristoteles Lib. X. Nic. Cap. IIX. edit. Rachel. n. 53. scribat: *Qui in fungendis vitæ muneribus, gerit se consentaneæ menti, atq; hanc revereatur, & rectissime affectus videtur esse, & cum probabile est, Deo esse amico.*

amicissimum. Accirca finem ejusdem Capitis, Virum sapientem, recte & honeste viventem, vocat *Deo charissimum, & hac ratione omnium beatissimum.* Conf. Ethica Philareti Lib. II. c. 2.

(2) Animi tranquillitas & Gaudium, ex recte factorum conscientia emanans.

Hoc Virtutis præmium a sapientissimis Philosophis vel pro ipsa Beatitudine, vel hujus certe Adjuncto & Consequente, semper est habitum. Aristoteles Lib. VII. Eudem. c. 15: *Qui revera beatus est, jucundissime vivit; neque sine causa hoc homines arbitrantur.* Et Beatitudinem in Rhetoricis definit *Vitam cum securitate jucundissimam.* Poëta de Biante: *Quanam summa Boni? Mens quæ sibi conscia recti.* Seneca de Vit. Beat. *In Virtute fundatum necesse*

cesse est, velit nolit, sequatur hilaritas continua & letitia altum ex alto veniens, ut quæ suis gaudeat, nec majora domesticis cupiat. c. 4. B. Ambrosius II Offic. c. I. *Beatam vitam efficiens Tranquillitas conscientia & Securitas innocentia.*

(3) Vera Sapientia, quæ est rerum divinarum & humanarum, præsertim quæ Finem & Officium hominis spectant, scientia.

Hæc ex perpetuo Virtutis amore & cultu non potest non oriri. Ea-que sicut in animam malevolam non intrat, ita piæ atque ornatae virtutibus animæ lumen est ac decus; etsi nunc majore, nunc minore lucis gradu exsplendescat. Henr. Morus Enchir. Eth. Lib. III. c. 9. p. m. 208, *Sapientia, inquit, perfecta Virtutis genuinus fructus merito est habenda.*

(4) Honor, qui communi Sapientum consensu, dicitur Virtutis præmium.

Sic a Speusippo in Definit. Platonici describitur Honor, quod sit *bonorum largitio propter virtutis officium*; item *æstimatio & dignitas virtute acquisita*. A Cicerone in Bruto ex Aristotelis sententia, Honor quoque vocatur *præmium virtutis, iudicio studioque civium delatum in aliquem*.

[Cum vero in usum venerint geminæ Honoris mentiones: eminentior altera, & a sapientibus adhibita, secundum quam dicitur esse sincerum de Virtute & perfectione alterius testimonium; altera popularis magis, secundum quam accipitur de externis potius signis & indiciis ab interna illa æstimatione ac iudicio proficientibus; priorē quidem motionē acceptus sapius, imò semper, comitatur Virtutem & Felicitatem. Nunquam enim desunt, qui de viris bonis rectum atque honorificum, saltem in conscientia, iudicium ferunt: sicut ipsi etiam illi, qui bellum aliàs Virtuti indixerunt, dum debita venerationis signa viris probis denegant, imò

exterius eos contemnere haud erubescunt, interius tamen benignius de illis sentire coguntur. Hinc fit, ut de facto non alii, quam viri probi, quos Pietas, Justitia, Prudentia, aliaeque Virtutes exornant, prae cæteris ad publica munia eligantur, aut saltem sub titulis hisce colantur ac commendentur.]

(5.) Nobilitas;

Quæ cum sit duplex *Virtutis* & *Generis*, prior inseparabiliter cum Virtute & Felicitate connexa; imo etiam posterioris Nobilitatis fons atque origo est Virtus: etsi hanc illa non semper sequi soleat.

(6) Corporis Sanitas, Temperantiæ cum primis, Mansuetudinis, aliarumque Virtutum filia.

Sicut enim plerumque corpus nostrum debilitatur ebrietate & ingluvie, enervatur indomita libidine, exurit flammis iræ, marcescit odio ac invidia, aliaque sentit innumera morborum genera; ita dum ani-

mus a vitiis istis ac perturbationibus purgatur, suæque sanitati restituitur, ipse simul corporis ut plurimum hinc efflorescit vigor ac sanitas.

(7) Divitiæ, saltem mediocres, sumtusque ad vitam necessarii.

Et si enim Vir bonus per fraudes malasque artes divitias corradere nesciat, indeque paupertatem sæpe sororem habeat; non tamen ad inopiam ita damnatus esse credi debet, quin, modo ipse velit, ditescere etiam possit. Sunt enim honestæ ditescendi rationes, etiam ex Virtutis penu depromtæ; e. g. Diligentia, Fides, Frugalitas &c. ut recte hinc exclamet Cicero: *O Dii immortales, non intelligunt homines, quam magnum vectigal sit parsimonia!* Vid. H. Mori Enchir. Ethic. Lib. III. c. 9. §. 20.

(8) Virorum bonorum cum sui similibus Amicitia.

Sola

Sola enim Virtus veras conciliat Amicitias, & conservat; quæ cum se extulit, (prout egregie hac de re differit apud Ciceronem Lælius) lumenque ostendit suum, & idem aspexit agnovitque in alio, ad id se ad movet, vicissimque accipit illud, quod in altero est; ex quo exardescit *Amor* sive *Amicitia*. Sane Viri boni, quorum est idem velle, idem nolle, & quibus idem omnibus propositum, Deo obedire, hujusque gloriæ amplificandæ servire, non possunt non se invicem agnoscere, amare, si-bique mutuo quam optime velle. Cic. de Amicit. *Nihil est amabilius virtute, nihil quod magis alliciat homines ad diligendum: quippe cum propter virtutem & probitatem eos etiam, quos nunquam vidimus, quodammodo diligamus.*

Quenam Differentia de Præmiis hisce notanda?

Hæc sunt potissima Virtutis Præ-

mia, Felicitatem nostram constitu-
entia; quæ singula tamen non eo-
dem *necessitatis* gradu cum illa co-
hærent. *Amicitia cum Deo & Tran-*
quillitas animi, plane hinc videntur
sejungi ac divelli non posse; neque
fortassis etiam *Vera Sapientia*, ut &
Honor ac *Nobilitas*, certo in significa-
tu sumta. Cætera abesse possunt, &
frequenter etiam absunt: ut *Sanctas*
corporis, grandes *Divitiæ & Amici*.

[Hinc priora illa a Philareto aliisque, Præmia
Virtuti *Essentialia*, posteriora *Accidentalitè*
nuncupantur.]

Exempla eorum, qui Virtutis
Præmia sunt consecuti.

E Judaica gente, Patriarchæ *Ab-*
rahamus, Isaacus, Jacobus, Josephus;
item *Josua, David, Salomo*, &c. quos
DEVS non solum intima sua digna-
tus est amicitia, animiq; tranquillita-
e & generositate, sed & singulari sa-
pientia, honoribus, opibusque, in ad-
mirationem universi terrarum or-
bis, cumula vit, beavitque. E gen-
tibus

tibus live paganis * hic forsitan haud
 prætereundi sunt *Romani*, ad quorum
 imperium constituendum contendi-
 disse *Virtus & Fortuna* videntur; ju-
 dicio Flori in *Histor. Proœm.* & quo-
 rum *Virtutibus mercedem terrenam,*
gloriam excellentissimi imperii Deus
reddidit; fatente Augustino Lib. V.
 de C.D.c. 15. Præ cæteris vero huc re-
 ferendi *Numa, Camillus, Metellus*
Macedonicus, Scipiones, Augustus &
Trajanus; a quibus orta illa Impera-
 toribus acclamandi formula: *Sis feli-*
cior Augusto, melior Trajano! E Chri-
 stianis *Constantinus M.* quem, teste
 laudato Augustino Lib. V. de C.D. c.
 25, *Deus tantis terrenis implevit*
muneribus, quanta optare nullus au-
deret. Cui, si opus foret, jungere
 possemus quamplurimos Imperato-
 res, præcipue Augustissimum no-
 strum LEOPOLDVM, *Pium ac Fe-*
licem, aliosque Principes; & in no-
 stra etiam patria Viros generosos ac
 honoratos, quorum *Virtutis, Felici-*

tatis, Gloriæque splendorem omnis prædicabit ætas, ipsaque æternitas semper intuebitur.

[* Notandum hic, hominem fidelem ac renatum, de arctiore Amicitia & ardentiori amore Dei mutuo certius omnino sibi gratulari posse, quam ethnicos sive paganos: interea tamen & hos, si vitia fugiunt, ac virtutes, impulsu ianatz legis, sectantur, v. g. honorant parentes, temperanter ac iuste vivunt &c. Deo non displicere. Nam *in quavis gente, qui timet Deum, & operatur iustitiam, acceptus est illi*; Actor. X. 35. Conf. Exod. I. 20. 21, de Obstetricibus Ægyptiorum. Dicis: Ethnici versantur extra Ecclesiam, & salvifica fide carent; adeoque Deo nec placere, nec salvari possunt. Resp. Ad posterius (et salvari) quod attinet, sciendum, non hic de remuneratione *æterna*, sed *temporali*, nec de *futura*, sed *huius vite* præmiis sermonem esse. Quid post hanc vitam expectandum sit ethnicis, Theologus iudicat, non Ethicus. Interim placent etiam Deo bona gentilium, his interris pie viventium, opera, ut *auctorinatura*; ethi non placent ut *auctori-gratia*. Vid. Aristologia mea Christiana pag. 6. & 7.]

S. D. G.

PRO

PROLVSIO
ACADEMICA
de
INSVLA FORTV-
NATA AB ARETO-
PHILO QVÆSITA ET
INVENTA,

Vniuersæ Morum Philosophiæ
Summam complectens,
eaque

Sub auspiciū Prælectionum publi-
carum ad Opus Aristotelis Ni-
comachium habendarum
olim recitata.



*Auditores genere & doctrina
nobilissimi florentissimique!*

QUod felix faustumque sit vobis
mihiqve! me nunc iterum reci-
pio hanc in cathedram, & so-
cias vobiscum, DEO juvante, vires
jungo, ad excolendum porro studium
Philosophiæ Moralis; quam Tullius
vitæ ducem, virtutum indagatricem,
vitiorum expultricem vocat; nonne-
mo alius, vitæ nostræ gnomonem, a-
ctionum regulam, affectuum mode-
ratricem, animorum imperatricem:
sine qua non domus ulla aut municipi-
um, civitas aut respublica, gens aut
natio, populus aut regio, mundus ip-
se aut rerum natura stare potest; un-
de leges exortæ, unde vitæ tranqvil-
litas, unde omnis denique humana
Felicitas ac Beatitudo. Scientiæ ve-
ro hujus præcepta non sine fructu
hauriri queunt ex Aristotelico Libro-
rum Nicomachiorum Opere; cujus
dædaleam structuram ut feliciore pe-
de

de ingredi possetis, exhibui vobis sub finem anni præteriti Introductionem; ac nonnulla de Librorum Nicomachiorum Auctore, Inscriptione, Versionibus, Commentatoribus, aliisque, uti par erat, præmissi. Nunc antequam ipsi operi dextre ac perspicue explicando admoveamus manum, dissertatione quadam, florido ac Poëtico propiore dicendi genere conscripta, præludere placet de *Insula Fortunata ab Aretophilo quæsitâ & inventa*. Per *Fortunatam Insulam* intelligo veram his in terris Felicitatem; per *Aretophilum*, Ethices ac Virtutis studiosum. Huic in itinere (præter frequentem *Precum ad Deum* fundendarum usum) tres adjungam comites, *Eugeniam*. *Palladium* & *Herculem*. h. e. bonam Naturæ indolem, Doctrinam & Exercitationem. Tres enim hasce Virtutum Moralium Causas Humanas constituunt Philosophi. Vos, Auditores nobilissimi lectissimique, ut & orationis meæ & itineris Aretophili cursum

res illudunt auribus, in animos haud penetrant rerum argumenta. Vnus Aretophilus Boni illius fruendi magna inflammabatur appetitione. Ergo inter spissam auditorum Lyceo egredientium catervam, circumspicere primum, num quem animadverteret, cui hæssisset a lectione stimulus, & qui paria spiraret desideria; tum vero etiam sciscitari aperte, liberetne Summi illius Boni tam magnifice dilaudati, Insulæque Fortunatæ experi-ri delicias, ejusdemque investigandæ suscipere laborem? Sed incassum. Neminem unum ardor urebat veræ quærendæ Felicitatis. Itaque tacita commotus indignatione repetebat domum, fusisque ardentem ad DEVM precibus (succurrebat enim illi illud Epicteti apud Arrianum, *DE! memento! hunc adiutorem advocato & commilitonem; ut solent nauta, qui in tempestatibus invocant Castorem & Pollucem!*) ad iter hoc se comparans, rem omnem, ac speciatim animi sui decretum, enarrabat Eugeniæ, sorori

suæ a teneris ungviculis conjunctissimæ. Hæc nobile fratris propositum laudare, illum stimulare, impellere, & longe majorem Boni tanto opere prædicati cupiditatem accendere. Bene ac sapienter facis, inquit, frater mi, quod eximiam illam & generosam indolem, quam a majoribus hæreditario traxisti sanguine, vili inertia post fornacem corrumpi non sinas. Cogitas nempe, quantis imaginibus onereris, quot & quanta nomina sustineas!

*Est in juvenis, est in equis patrum
virtus; nec imbellem feroces
progenerant aquila columbam.*

Quin & ipsa tandem mundi mulieris, annonæ. cæterique ad iter apparatus incuriosa, una cum fratre oculis chariore se dat in viam; & qua semita ad ortum Solis procedit, ambo iter aspiciantur. Nondum oculis abscefferant Athenarum turres & jam in urbe rumor increbuit, Aretophilum patrios reliquisse Lares, & nupera Philosophi concione accensum, ad Fortuna.

tunatam Insulam iter suscepisse. Isque ipse nuntius ad Palladii aures mox advolabat; qui, quod Aretophili animo, quæ aliis erant sola aurium delinimenta, calcar addidissent ad quærendam *Eudamovian*, quanta perfundebatur lætitia, tanta simul sollicitabatur cura, Aretophilum fortasse, juvenem adhuc, viæque ignarum, a recto itineris tramite aberraturum. In pedes igitur se conjicere Præceptor fidelissimus, discipulum properanter insequi, eum, veluti pastor, quærere oviculam, statimque postridie invenire. Silvula erat jucundis vestita arboretis, variosque inter calles amœno errore in jura sua surgebat & deprimebatur. Illuc placebat Aretophilo cum Eugenia divertere. primum ut loci formam curiosis lustraret oculis, dein ut fessum quodammodo corpusculum sopore modico inter arborum umbras componeret. Placidum itaque capiebat somnum, ex quo tamen non multo post ab adventante Palladio fuscitabatur; qui, Ecquid agis,

exclamabat, Aretophile? Qvis Deus, aut qvis ventus te huc adegit? Expergefactus juvenis, ac vocis probe gnarus, ô Numen faxit, ut ne procul sit Palladius! ingeminat. Et jam a tergo stantem respiciens, surgit, veneratur, amplectitur, remqve aperit omnem, se nimirum cultissima ipsius doctrina stimulatam, una cum sorore Eugenia Insulam qvære tam graphice nuper descriptam; & cum sint ignari viarum, jamqve incerti, an colles isti sint conscendendi, an progrediendum in vallibus, ipsum divina plane virgula, ac veluti locum tempusqve coëundi condixissent, huc pervenisse. Adhæc rogat, ut lumen de suo accendat lumine, comiter viam monstret; spondetqve, se cum sorore sine ulla secuturum controversia. Approbat Palladius laudabile mentis propositum, & se, qvôd Vlyssi Minerva, futurum promittit; porrigit dextram, addit animum, omniqve sopore ab oculis absterso, Non hî tantum colliculi & saxa sterilia, sed
longe

longe majores exsuperandæ sunt difficultates : esto tamen bono animo ; duce DEO crebrius invocando , meque comite , omnia oppugnabis & expugnabis discrimina ! dixit ; & ut facundia sua , inter eundum scandendumque , uteretur Aretophilus pro vehiculo , porro est sermocinatus : Bonum factum , Aretophile ! quod mature inquiras in scopum illum , ad quem omnes vitæ nostræ actiones debent collineare. Seqveris nempe monitum Poëtæ :

Est aliquid, quo tendis & in quo dirigis arcum ?

An passim seqveris corvos testa- que lutoque

securus quo pes ferat, atque ex tempore vivis ?

Helleborum frustra, cum jam cutis agratum ebibit ;

poscentes videas ; venienti occurrere morbo !

Inditus est omnium mortalium animis boni cujusdam appetitus. - Vaelementa propendent ad centrum, helio-

heliotropium ad Solem , ferrum ad magnetem, magnes ad polum; ita hominum actiones tendunt ad finem; sed non ad unum. Propellitur miles in campum, fert esuriem ac sitim, excubias & pericula, madet cruore & sanguine, ut prædam sortiatur & gloriam ac victoriam. Currit mercator per Adriaticum Tyrrhenumque mare, per tot naufragiis infamem Oceanum; pugnat cum procellis ac tempestatibus, Syrtibus obluetur & Acrocerauniis, ut colligat sibi opes ac divitias. Paucorum conatus est, paucorum cogitatio, qui ad veram pertingere possint Felicitatem. Non diffiteor, arduum esse iter ad Insulam illam Fortunatam, multisque obnoxium difficultatibus. Est enim hæc similis opulentæ isti Scythiæ regioni, sed quam armati custodiunt gryphes; horto Hesperio, sed ad quæ venenatus draco pervigilat; campis Elysiis, sed qui trifauce latratu Cerberi præmuniuntur; tranquillo portui, sed per æstuantes maris tempestates obtinendo;

do; sereno diei, sed ad quem nisi per densam noctis caliginem pervenitur. Te tamen ab illius amore non prohibeant gryphes, nō avertat draco, non absterreat Cerberus, non remorentur tempestates, non confundat caligo: quin tandem occupes hanc regionē, ingrediaris hunc hortum, emetiaris hunc campum, obtineas hunc portum, fruaris hoc die! Mellea hujus & aliorum colloquiorum suavitas edulcabat non tantum collis ascensum, sed & breviorē reddebat spatiosam nec inamœnam illam planitiem. quæ se porro ad horrendum senio nemus extendebat. Hujus ad ingressum heroæ magnitudinis Vir cubabat, seminudus, ac leonina pelle amictus, severa fronte, oculis in cavitates a-beuntibus, callosis manibus, latis humerorum tractibus, verbo, Giganti quam homini similior. Ad cuius aspectum cum Aretophilo albescent labra, Quid hæres attonitus, inquit? Hercules sum, Laboris ac Virtutis frater. Vtrique assuevisti a teneris.

Non

Non egeo verbis mentis tuæ interpretibus ! Ex illorum relatione jam cognovi, quæ animum tuum coquant desideria, quæ itineris suscepti causa sit. Frater ille meus ac soror huc me miserunt, ut tertium me tibi comitem adjungerem: sine quo pertingere eo vix poteris, quo tendis ! Obstupuit tanti Herois affabilitate Aretophilus; cumque multas agere vellet gratias de cura sui causa suscepta, sermonem interruptit Hercules, manumqueprehendens, Abstine, ait, verbis; ac factis meditata prosequere ! Et quia per infestam latronibus silvam transeundum est, clavam hanc accipe, quâ tot confeci monstra. Ego hasta communiam dextram, quâ sæpe Martem, sæpe Palladem, sum comitatus. Armis hic opus; sed & opus meo auxilio !

O silva, funestum theatrum

tot juvenum tragicaque scena

ploranda stragis !

Quenam ergo tantorum malorum hac in silva causa? subjecit Aretophilus;

lus: Qvis hostis tantæ crudelitatis? An mihi paria formidanda sunt discrimina? Præstabit igitur coeptis desistere, quam ea audere, quæ superare non possim! Hæc dicenti pallor ora, tremor artus occupabat; cum blando arrisu Hercules: Ne metue, inquit, Aretophile; per eadem quidem enitendum tibi pericula, sed feliciore successu. Multis malorum suorum causa fuit Juvetus, uti latentium periculorum ignara, ita coercentis freni impatiens. Dum sine duce, sine comitibus aggressi sunt iter hoc, amplexi sunt pro virgine cervam, & incauti perierunt. Tu vero quid times? Eugenia, Palladius & ego tecum! *Venies, videbis, vinctes!*

Hæc dum diceret, præcipitavit repente dies, & sepultus Oceano Phœbus silvæ noctem geminavit. Ac primum fuisset per abeuntes in latibula semitas aberrare, nisi Hercules toties a se tritum callem probe calluisset. Sive metus tamen, sive cautela fuit Aretophili, oculos per ipsas tenebras circum-

circumferebat gnaviter, si quid forte vel sævum occurreret, vel amabile obviaret. Cum eminus conspiceretur lumen de fenestra ignoti ædificiï promicans, interrogabat comites, num hîc forsan ad silvæ marginem jam essent constituti? Multum, inquit Hercules, viæ adhuc superest, donec ad istud perveniatur palatium, in quo habitant crudeles illæ bestiæ, *Hedone & Poneria*, quæ lucû infamant cædibus, totq; dispergunt funera, quæ hic spectares, si faveret dies, naribus tamen mox invitus senties. Indoles illarum est blandiri, jocari, ridere; & quicquid oblectamenti vel oculum fascinat, vel aures occupat, vel palatum inescat, solent objicere, advenasque amplecti, ut strangulent. Subjecit altero ex latere Palladius: Multa ex me audivisti de periculoso *Vlyssis* itinere, de *Circe*, de *Sirenibus*. Hîc, hîc habitat famosa ista *Circe*, cujus poculo fascinati mortales, brutorum stabulis mancipantur; hîc blandien-

tes

tes habitant Sirenes, quæ fallaci svadela peregrinantibus rationis lumen extinguunt, ut ad scopulos non observatos infami tumultentur naufragio. Cave ergo, cave earum captari blandimentis; & crede mihi, mella, quæ propinant, fella sunt, quæ ubi svaviter per ora illapsa fuerint, viscera intimiora crudeliter dilaniant. Illarum arrisio est irrisio, quæ Virtutum actiones & miracula in ludibria vertunt. Illarum joci sunt foci, quibus tandem omnis amasiorum suorum splendor in cinerem exurit. Illarum munera funera sunt, & cumuli tumuli, quibus amatores ipsarum vivetiam sepeliuntur. Quæ ergo ratione, quæ via evadam ego portentorum horum furorem? inquit Aretophilus. Cui Hercules: Hæc, quam a me accepisti, clava,

Erymanthiam vastificam abjecit belluam;

hæc a Tartarea tenebrica abstrahitumplaga

arict-

*tricipitem eduxit hydra genera-
tum canem.*

*Hac interemit tortu multiplicabili
draconem, auriferam obtutu ob-
servantem arborem;*

hæc ista quoque prosterne monstrum.
Tu modo intentum mihi, intentum
Palladio oculum & animum habe!

Vbi sensim palatii imminuerunt for-
ribus, ecce illicò profiliit mille Gany-
medum & Cupidinum accensas faces
manibus ferentium agmine stipata
mulier, habitu comto ac specioso,
quali Helena Paridi suo obviam pro-
cessisse dicitur. Frons illi ampla, ra-
dices capillorum retro flectens, crines
ignibus & novaculis crispatis, tricatis,
quadratis, violisque inflexi, rosisque
innexi; supercilia rasa, & fallaci sti-
bio coarctata: oculi prægrandes &
ludibundi, fulgurantes pupillæ, genæ
pictæ, osculum angustum, cervix alba
& gemarum deliciis ferox, mamillæ
nudæ, & in frontispicio pectoris ad ten-
tandam spectatorum pudicitiam pro-
minentes, vestis versicolor, atque inve-

inverecunde supra furas volitans.
 Hæc amice salutatos hospites per
 mille verborum veneres & sermonis
 blandimenta invitât, velint subire
 tectum, & noctem securam ducere.
 Non detrectarunt diu hospites; quos
 non tam alliciebant invitantis leno-
 cinia, quam designati facinoris ac cæ-
 dis opportunitas. Seqvuntur ergo,
 Ingrediuntur: & ecce ad introitum,
 cantus lyrae, mulierum chori, vina,
 si us, mella, & quicquid calcaverant,
 rosa erat. Jurasset Aretophilus, se
 nunc appulsum ad Insulam Fortuna-
 tam, nisi ex Palladio jam didicisset,
 hoc esse domicilium *Hedones* seu *Vo-
 luptatis*, juratae Virtutis inimicae. In-
 tus abscedebant in semetipsa concla-
 via, & longo ordine alterum altero
 excipiebatur. Ac primum quidem o-
 rat conclave Veneris; in quo Amo-
 res, Deliciae, Lepores, Risus, Joci, cæ-
 teræque Hilaritatis illices. Solio in-
 sidebat Regina Venus, & juxta illam
 cubabant late circum, mollibus le-
 ctulis instrati, Priapus, Subjugus, Vir-
 ginensis,

ginensis, & reliqua obscœna nomina. Disputabat inter hæc Aristippus de Summo Bono, consistente in voluptate corporis; atqve ingeminabat suum Thalassio! Thalassio! In altero conclavi Baccho litabant & Cere-riepulones, Iurcones, Heliogabali & Apicii. Aderat cum Saturitate soror Ebrietas, crine fluxo, rubentis Auroræ vultu, & manu thyrsum quatiebat. Quid multis? Luxus hic Sybariticus, cupediæ Asiaticæ, & catenata Symposiacorum hilaria. Interitio nil nisi aurum, argentum, gemmæ, gazæ Arabum, patrimonia Croesi Crassique, talenta Midæ, Tagi Pactolique arenæ, & mille Persarum, Indorum, Peruanorum, Brasiliensium thesauri. In quarto fulgidæ micabant coronæ, sceptræ, diademata, purpuræ, tiaræ, paludamenta, aliaqve honorum insignia. Et quis omnia enumeret? Ad postremum ubi perventum, ex quo longior conclavium series in alterum regiæ latus aperiebatur, ecce illico occurrit ingredientibus
mulier

mulier alia , etiam reginæ instar, splendide vestito gynæceo , atque ingenti ancillarum, plerarumq; tamen larvatarum, stipata grege. Hæc herox, ut videbatur, staturæ Camilla, & ipsa peruncta stibio , tinctisque superciliis, vultu ad modestiam violenter composito. & comi affatu, sed brevi, hospites ad interiora deducit penetralia. Inter eundum insusurrabat Palladius Aretophilo in aurem, hanc *Poneriam* esse, sive *Malitiam*; comites vero varia esse vitia, sub larvis virtutum incautos fallentia. Nôsti, inquit, Senecæ illud : *Vitia nobis sub Virtutum nomine obrepunt. Temeritas sub titulo Fortitudinis latet , Moderatio vocatur ignavia ; pro cauto timidus accipitur ; in his magno periculo erramus.* Mox conclave pandebatur plus quam regio instructum apparatu ; mensa varias epularum scénas exhibebat , crateres insuper aureos, argenteos, & vasa ex pretiosiore quaque argilla testacea, vitra etiam capacissima , hospitum saluti

K conse-

consecrata. Instat ficta comitate Poneria, ut vel modico cibo ac potu restaurent vires, quo blandior somnus succedat. Excusant hospites priorum noctium vigilias, & stomachi his inassueti nauseam; spondent tamen, si non gravis sit hodie domina, sequentem in diem se hisce fruituros. Læta responso Poneria, quod diurno furore & cædibus patratis lassæ ad somnum jam inclinaret, interea vero tempus nancisceretur in crastinum differendi victimas, alterius in lateris recessibus tumentia plumis strata monstrat, quibus ad mollem soporem invitentur. Ergo quietæ noctis voto salutatos deserit hospites, & ad sua sese recipit conclavia. Mandat interim medicatum parari vinum, quo ad crastinas epulas temulentiam infundat hospitibus, tandemque solita crudelitate conficiat.

Verum Aretophilo somni oblivionem fecerant sollicitudo atque haud dubia instantis periculi argumenta; magis tamen desiderium patranda cædis,
quam

quam instinctu Herculis moliebatur. Ergo brevi consilio rem omnem digerrunt, occasionem explorant, tempus, quo in somnum cadat Poneria, operiuntur. Forte dum aulae submovent a fenestris, in librum incidit Aretophilus, cujus a fronte titulus:

Arsevertendi Regnum Virtutis.

Quem dum legeret, Mira, inquit Palladius, reperiens Aretophile, & quæ qualiaque dogmata sint Poneriæ, vel ex indice intelliges. Legit proinde juvenis funestum indicem, volante tamen oculo, sine ordine, & ut pagellæ venerant in manus: v.g.

Quod Deus cuique sua sit mens, suusque genius.

Eam religionem sequendam esse, in qua laute, quis possit vivere.

Felicitatem mundanam consistere vel in Voluptate corporis, vel in Divitiis, vel in Honoribus, prout cuique libitum fuerit.

Quod ficta virtute aqve feliciter gubernentur regna, quam vera.

K 2

Quod

Quod seu vi seu dolo opprimendus sit, quisquis pro te ad felicitatem nitatur.

Quod otium juventuti sit indulgendum, & exterminanda omnia literarum studia.

Pocula letitia sine discrimine esse licita, etiam amatoria, abortum promoventia & propinquantia venenum.

Lupanaria & prostibula tolerari omnino debere.

Magnam esse laudem fingere vulgum, simulare, dissimulare: & quis fallere nescit ac mentiri, sapientis nomen haud mereri.

In omnibus actionibus semper respiciendum esse commodum privatum.

Hæc & hujus farinæ plura cum legisset Aretophilus, indignatione tandem commotus, noxium impiumque libellum vi, qua potuit, in minuta dilacerat, & non sine intima Palladii voluptate, per fenestram ventis in mare Caspium ferenda folia dispergit, ac mil.

ac mille diris tam nefariæ doctrinæ auctorem infectatur. Hoc dum agit, ecce profunda e fossa, in quam prospicere licebat e fenestra, audit moribundi hominis gemitus & ejulatus. Qvem inclamat Aretophilus: Quid tu? quo vulnere jaces aut infortunio? Is ululante voce: Heu juvenem me infelicem! Fortunatam quæsi vi Insulam; in miseriæ barathrum incidi. Inebriavit me Hedone, hucque præcipitem egit Poneria. Et ecce morior! Non mea unius hæc clâdes est: jacent perempti mille, quos error suus huc pertulit. Ivi sine duce, ducem securus ætatem, quæ ut delectabilium est avida, ita eventuum est improvida. O quivis es ignotus hospes, vel gradum reprime, vel expertos duces assume! Moriens te commoneo; meo periculo sape! dixit & exspiravit. Vbi mox Palladius ad Aretophilum: Hunc habent exitum, qui nos fugiunt duces.

*Molle ostentat iter via lata; sed
ultimameta
precipitat captos, volvitque per
ardua saxa!*

Disce, Aretophile, & duces pati
& seqvi!

Interea vero nox ad gallicinium
pervenerat; & sopor altus regiam
omnem ad silentium composuerat.
Solutus audiebatur ronchorum tractus;
& is, quantum ex cubicalorum com-
page argui poterat, a Regina conclavi
videbatur prodire. Ergo tempus
designato facinori jam adesse rati, de-
obtruncanda Poneria amice conju-
rant; & ad regis conclavis fores nul-
lo custode munitas, duce ronchorum
sono, perveniunt. Attollit summo
silentio pectus Eugenia; spectant-
que per reductas jam fores, *Pone-
riam* ad tenue lychnum libro (*Spe-
culum Vitiorum* erat) incubantem;
quod forte vel inopinantem somnus
oppresserat, antequam vestimenta
poneret; vel, quod credibile magis
arbitrabantur, ut maturius se ad me-
ditatam

ditatam hospitum cædem expediret.
Tum Palladius & Hercules tacite in
aurem Aretophilo:

*Nunc animos, nunc sume pares ad
grandia facta*

*vires! Herculeamque fero capiti
imprime clavam!*

*Casaque Letheis succedat victima
flammis!*

Admoverunt pedem silente passu.
Hinc Palladius consistit minace telo,
inde Hercules appressa ad latus dor-
mientis hasta, ut, si forte expergesce-
ret, repente adacto vulnere opprime-
retur. Aretophilus interim expedi-
tissime clavam librat, tantaque vi Po-
neriæ capiti imprimit, ut dispersum
late cerebrum parietibus adhæserit.
Stitit ronchos aufugiens spiritus, &
corpus, ut erat a sella in mensam in-
clinatum, mansit immotum. Confe-
ctim nemine observante recedunt, &
oppeffulatis foribus ad sua redeunt a-
nimosiores. Hic Aretophilus rubri-
ca inscripsit Julianum istud, VENI,
VIDI, VICI.

K 4 VENI

VENI

ducente & comitante EVGENIA;

VIDI

*circumspecto ac intento in PALLA-
DIVM oculo;*

VICI

*Virtute clavaque HERCVLEA.**Quicumque sequeris,
sine ducibus his iter hoc non ingre-
dere**Hoc monstri genus ex Hydra semi-
ne est;**Quotannis occiditur, & quotannis
repullulat.*

Dum vero de virili hoc facinore Eu-
genia, Palladius & Hercules Areto-
philo gratulantur, visa est Aurora ad
horizontis limbum radiorum suorum
explicare primitias. Ergo monet
Hercules colligere vasa, & iter prose-
qui. Ad palatii posticum iterum
nullus vigil, excubiæ nullæ; pertina-
ce tamen fera mordentes sese valvæ
egressum prohibebant. Fores *Insania*,
cujus curæ concreditus erat posteri-

or

or ædium aditus, molli digito pulsat Aretophilus ; sed quæ in adultum diem sternere affueverat , sonitum non accepit. Pulsat violentius clava ; & momento recedunt valvæ. Evigilaturam credebant ; quæ tamen nihil turbata , utramque in aurem dormiebat. Jacebant circumcirca Furor, Rixæ, Vomitus, Morbi,

& subita Mortes, atque intestata
Senectus.

Perimere & hanc licuisset colluviem, nisi eam tam late toto orbe diffusam cogitassent , ut singulis horis nova inde malorum lerna emanaret. Ergo clavem de mensa accipit Aretophilus, ac majores palatii fores aperit, & cum comitibus abit, excedit.

Nulla mora obstabat amplius, nullum ab his monstris periculum metuendum. Et jam è silvæ marginè per modicam camporum planitiem primo diluculo progredientibus objiciebat se mons horridus & imprimis altus, cujus aditus asper & perangustus, cacumen vero structura magnifica

K s cerne-

cernebatur coronatum Hæc ad
Domicilium Virtutis via est, ait Are-
tophilo Palladius,

*quæ dextrum petit ardua callem,
difficilemque aditum primum spe-
Etantibus offert;
sed requiem præbet sessis in vertice
summo.*

Vnicum hoc discrimen adhuc supe-
randum, & rupes ista, quam vides,
magno animo conscendenda. Nosti
illud:

*Gaudent sudoribus artes,
O sua difficilem reddunt ad limina
cursum.*

Ita pariter Virtutes; quarum laureæ
non veniunt dormientibus, nec pal-
mæ otiosis. Eundum per noctes ad
diem per labores ad quietem, per a-
spæra ad astra. Cumque sole jam
orto monti appropinquarent, In via,
pergit Palladius, Virtuti nulla est via;
atque ea nobilium animorum indo-
les, quo magis arduum est ad gloriæ
eumeniter, eo ardentius ad fastigium
eniti. Jamque inter scandendum

Her-

Hercules porrigebat manum, utque bono esset animo, hortabatur Aretophilum; Palladius vero e pera protraxerat Cebetis Tabulam, atque interim mellitis verborum globulis, sesamo quasi atque papavere sparsis, ejus partem imprimis postremam explicabat. quæ viam pariter asperam ac præruptam ad Salutis domicilium pandit; ubi geminæ tamen sorores, superius in rupe stantes, Tolerantia & Continentia, manus ad ascendentes alacriter extendunt, & una cum Fiducia, Fortitudine, Consolatione & Animositate, expeditam dein viam ad laudatum exoptatumque domicilium ostentant. Dumque inter dulcia hæc sapientis doctrinæ & suadæ lenocinia, masculaque pariter Herculis hortamina & solamina, ad rupis supremam eamque difficillimam aditu partem pertigissent, suaviter ac modulate cecinit Eugenia:

*Labore constat, quicquid amabile
est;*

*Bello triumphis, metaque cursibus,
K o lucra*

lucta corona, portus ira
 Oceani, decimoque fluctu.
 Sudore constat, quicquid amabile
 est.

Intende gressum, qui petis arduam
 Virtutis arcem; intende gressum!

Vt pyriis animata nimbis
 Gravi reclusam torquet anhelitu
 pestem nitrati machina pulveris,
 ruptoque quarens are callem
 fulmineo lacerata sternit

Fatalis ictu mœnia: Pectoris
 sic gloriosi pervius invias
 tentare metas urget ardor,

Caucasæ Rhodopesque firment
 Seu valla cautes, murus aheneo
 seu duplicatus terreat aggere,
 irrumpit audax, perque stratas
 indomitus volitat ruinas.

Sudore constat, quicquid amabile
 est.

Firmate gressus! Surgite, surgi-
 te!

Quicunque non parcat labori,
 grande feret pretium, coronam.

Post.

Postquam hæc jucunde scienterque decantasset Eugenia, jamque culmen montis feliciter superatum esset, parum adhuc viæ, sed æquæ ac planæ, restabat, quæ Aretophilum hujusque comites ad magnificum Virtutis domicilium recta deducebat. Æstum solis solabantur proceræ palmæ ac lauri, quæ scenarum in modum pulcherrimo ordine utrinque surgebant, & fluitante sua cæsarie mites flagellabant Fayonios. Propinquior jam augustæ moli Aretophilus Inscriptio nem, quam superne Tabula ex ære polito ostendebat, cupidis lustravit perlegitque oculis.

DOMICILIVM VIRTVTIS

in monte positum, & hinc orbi expositum

*Huc adeste hospites,
quibus caput integrum est.*

*Non timete vertiginem,
qui Virtutis callem nceditis;
per angusta ad angusta,
per spinas ad rosas,
per saxa & vepres,*

ad palmas laurumque ducit.

*Aureus hic mons est,
animis aurum, non manibus,
eruite!*

Sacra hac aurifames est.

Perlectis hisce, summa reverentia apertam intravit januam Aretophilus, & in atrio, inter plures alias Apellis & Parrhasii picturas, duodecim Herculis labores exquisita arte & industria depictos admiratus est. Hos tibi (Hercules aiebat Aretophilo) Palladius interpretabitur; ego in Fortitudinis conclave me interim recipiam, patronam meam, ea, quam ipsi debeo, fide veneraturus. Quidum paulisper discesserat, Ergo oculos animumque arrige Aretophile inquit Palladius, & e certaminibus Herculis, quorum ille, cum clavam tibi suam in itinere commodasset, mentionem jam iniecerat, addisce, tibi quod ex usu fiet. Nempe enim Hercules perdomuit Leonem Nemeum; nos impetum animi iraque furorem frenis & catenis compescamus.

mus. Hercules dimicavit cum hydra Lernæa; nos cum mendaciis falsisque doctoribus gloriosum certamen subeamus. Hercules aprum superavit Erymanthium; nos stuporem ingenii, tarditatemque & inscitiam exsuperemus. Hercules cervam occidit Cerauniam; nos timiditatem, metum, desidiâ, propulsemus. Hercules aves profligavit Stymphalicas; nos arrogantiam & jactationem fugemus, spesque aureas & inanes abjiciamus. Hercules bellavit cum Amazonibus; nos audaciæ & intemperantiæ bellum indicamus. Hercules Augiæ stabulum repurgavit; nos a vitiis sordibus immundarum voluptatum cœno, & errorum foeditate, mentes animosque nostros perpurgemus. Hercules taurum in luctatione cum Antæo compressit; nos petulantiam, superbiam, perturbationum insolentiam ac tumorem, frangamus, debilem. Hercules equos prostravit Diomedeos; nos cum libidine, lascivia & ferocia, magno animo delucte.

Iuctemur. Hercules in pugna Geryonem vicit tricorpore; nos pugnemus cum triplici monstro, concupiscentia carnis, concupiscentia oculorum, & superbia vitæ. Hercules conflictatus est cum dracone ante hortos Hesperidum; nos cum dracone Stygio, veram beatitatem nobis invidente, fortiter conflictemur. Hercules depugnavit cum Cerbero tricipite; nos cum mala fama, mala conscientia & desperatione decertemus.

*Certandum est; nulli veniunt sine
Marte triumpho,
& nisi certanti nulla corona
datur.*

*Est Deus, est ather pretium certaminis huius;
hæc faciant pugnam premia
tanta levem.*

Quæ cum edisseruisset Palladius, Memoria, inquit Aretophilus, contineo has duodecim Herculis ærumnas, ab Ausonio rotunde descriptas:

*Prima Cleonæ tolerata ærumna
Leonis.*

Pro-

*Proxima Lernaam ferro & face
contudit hydram.*

*Mox Erymantheum vistertia per-
culit aprum.*

*Æripedis quarto tulit aurea cornua
cervi.*

*Symphalidas pepulit volucres di-
scrimine quinto.*

*Thrëiciam sexto spoliavit Ama-
zona balthæo.*

*Septima in Angëis stabulis impensa
laboris.*

*Octava expulso numeratur adorea
tauro.*

*In Diomedeis victoria nona qua-
drigis.*

*Geryone extincto decimam dat I-
beria palmam.*

*Undecimo mala Hesperidum distri-
bit triumpho.*

*Cerberus extremi suprema est meta
laboris.*

Posthæc in Domicilii interiora ubi
penetrassent, deprehendebant ante
fores habitaculorum, quæ Virtutes
incolunt, harum imagines a Zeuxide
scitissime pictas, singularum formam
& ha-

& habitum repræsentantes. Vbi præcæteris omnibus conspiciendam se præbuit *PIETAS*, matrona capite alata, tunica nigra talari induta, dextra crucem, sinistra thuribulum tenens. Succedebant reliquæ ordine Aristotelico : ac primum quidem *FORTITVDO*, heroina querno ferto coronata, militari sago induta, & paludamento in tergum reiecto, hastam dextra elevans, lævoque brachio firma in basi quiescens. Dein *TEMPERANTIA*, virago frondibus pini (arboris casta olim Sacerdotum templa ornantis) redimita, alba veste amicta, vinum aquæ miscens. *LIBERALITAS*, puella hilari fronte, alata dextra catenam auream, sinistra Cornu copiæ tenens. *MAGNIFICENTIA*, ut regina, veste aurea adornata, & imperiali cincta diademate, pecuniam populo large spargens. *MAGNANIMITAS* rictu leonis pro casside tecta, dextra sceptrum, sinistra aquilam præferens, Solis radios irretorto vultu intuentem; ac pede globum terræ

terræ caleans. *MODESTIA*, puella gratiosa, habitu simplici sed honesto, coronas aliquot humi inversas, & plura *κεκμήλια* despiciens; sunt in proximo instrumenta varia, gnomon, circulus, cribrum & rastrum, antiquitus ipsi tributa. *MANSVETUDO*, oleagino ornata sereto, agnum tenellum ulnis fovens. *HUMANITAS*, virgo hilari vultu, veste candida floribus conspersa, sertum myrteum capite, manibus cate lum blandientem mulcens. *VERACITAS*, nuda brachia & lacertos, sed & proxima pars pectoris patet; cæterum velocincta subtilissimo, dextra speculum, sinistra Solem complectitur: capiti columba insidet. *VRBANITAS* veste recta versicolore, linguam sale condicens. *IUSTITIA*, reginæ instar, aureo coronata diademate, velatis candida fascia oculis, dextra nudatum gladium, sinistra bilancem ferens. Ab altero latere curiosiores Aretophili oculos ad sui spectaculum trahabant Virtutes aliæ præstantissimæ,
a Sta-

a Stagirita silentio prætermiffæ : videlicet *FORTITUDO TOGATA*, heroina splendente Romanorum toga induta, quæ leonem a dextris sedentem moderatur freno, sinistra columnam amplectitur. *CLEMENTIA*, benignissimæ principis instar, argenteo amictu adornata, dextra olivæ ramum gerens, læva mulcens Delphinum, cuius viscera felle dicuntur carere; ante pedes jacent gladii, flagella, fasces consulares. *Αὐτάρκεια*, seu *SUFFICIENTIA*, mulier brachiis & pedibus nuda, modica honestaque tunica, manu thymbram sive saturejam gestans, & comitata chamæleonte; quod animal vento aliac vivere, sibi que adeo sufficere, creditur. *TACITURNITAS*, matrona ori indicem apprimens, tecta veste auribus oculisque plena, & annulum gestans signatorium, cui figura Harpocratis insculpta. *SEDVLITAS*, puella lauro coronata, vestē succincta, altera manu calcar sustinens, altera horologium. *CHARITAS*, sive Philanthropia

Pia, virgo ridibundo amabiliqve vultu, toga rubra aureisque interstincta flammulis amicta, stans ad ardentem Vestæ focum, ac pusionem suaviter osculans. *CONCORDIA*, dextra sagittas aliquot albo fune colligatas, læva cornu Amalthææ gerens; caput oleaginea cingit corolla. *HOSPITALITAS*, mulier liberali facie, sero velata ex latis platani foliis contexto, quæ arbor divertentes sub se peregrinatores umbra gratissima recreare solet; manu altera capaciorem scyphum, altera dimidiatam gestat tesseram. *GRATITUDO*, puella fido stipata cane, dextra manu ferens ciconiam, sinistra indicem intendens ad agrum fertilem, qui plus reddit, quam accepit. Ad plura ejusmodi Virtutum, ut *Parsimonia*, *Officiositas*, *Misericordia* &c. simulacra lustranda dum oculos animumqve appellebat Aretophilus, ecce *Pietas*, *Humanitas* & *Hospitalitas* suis egressæ habitaculis, hospitem novum, una cum comitibus, comiter excipiunt,

eos-

eosque simul in elegantem mundamque diætam introducunt, ubi jam congregatæ stabant Virtutes cæteræ, ac redux & Sagatæ Fortitudinis latus stipans Hercules. Processerunt ordine suo omnes, amplexæ Aretophilum; & ex eo quærentes, quo nomine quæve patria esset? An præterea errore vel consilio huc appulisset? Ille ex Græcia se venire respondit, arasque & focos patrios indicavit; adhæc nomen, genus, itineris hujus causas, comites, exantlatos in eo labores ac pericula, adeo meditate distincteque commemoravit, ut, præter suadæ dulcedinem, juvenis hujus ætas, forma, habitus & arcanus luminum vigor, omnibus perplaceret. Mox *Hospitalitas* gratissimorum hospitem pedes lavare, ungere, ac blandis mellicisque verbis eos ad capiendum cibum potumque invitare, quo vires lassitudine fractæ reficerentur. Accubuere post paulo omnes, & Pietas ac Temperantia sedendo latera cinxerunt Aretophili; Fortitudo gemit

na Herculi, Veracitas Palladio, Charitas & Humanitas Eugeniae comites se prae buerunt. Frugi ac nitidus aderat epularum apparatus, in luxum tamen minime diffuens. Non hic cernitur ales Phasiacis petita Colchis, atque Afræ volucres, & ultimis ab oris attractus scarus, inquit Temperantia Aretophilo; qui promte illi respondebat ex Seneca suo: Ecquid opus est tot artibus ventri servientibus? quid mercaturis? quid vastatione silvarum, quid profundi perscrutatione? Passim suppetunt alimenta, quæ rerum natura omnibus locis disposuit. Placet cibus, quem nec parent familiae, nec spectent; non ante multos imperatus dies, nec multorum manibus ministratus, sed parabilis facilisque, nihil habens accersiti pretiosive, nec patrimonio gravis nec corpori, nec crediturus, quæ intraverat. Neque adest quidem, subjungit Pietas, vinum Cæcubum, non Falernum, non Lesbium, nec præsto sunt veteris pocula Mastici; bono tamen esto animo, Aretophile,

viros audias! quibus præceptis imbu-
are! Ita colloquiis suavissimis vespere
extendebatur, & quanquam longis-
simus dies, cito condebatur. So-
luto convivio, post decantatas Divi-
no Numini grates, dum ex hospitibus
quærebat Hospitalitas, an membra
quieti dare vellent? animo secum
volvitur, & clare mox recitavit Areto-
philus ἀρετός, villam πύδα γοργίων:

*Vir bonus & sapiens, qualem vix
repperit unum
millibus e multis hominum consul-
tus Apollo,*

*judex ipse fui, totum se explorat
ad unguem.*

*Nec prius in dulcem decubatur limi-
na somnum,
omnia quam longi reputavit a-
Et ad ei.*

*Qua prætergressus: quid gestum
intempore? quid non?*

*Cur isti f. Et decus absuit aut ratio
illi?*

*Quid mihi præteritum? cur hæc
sententia sedit?*

L

Quid

*Quid volui, quod nolle bonum foret? Vtile honesto
 cur malus antetuli? Sic dicta & facta per omnia
 ingrediens, ortoque a vespere cuncta revolvens,
 offensus pravis, dat palmam & præmia rectis.*

Comprobavit universa Virtutum corona hoc & alia multa egregiæ indolis ac vitæ specimina, quæ ex Aretophili sermonibus & factis luculenter satis animadverterat. Proinde Justitia, loco omnium, debita ipsi spondit præmia, & postridie iter ad Insulam Fortunatam fortunatissimum. Ita post reciproca tranquillæ noctis vota amplexusque mutuos, ministram se præbuit cubitum ituris Officiositas, atque Herculem, Palladium & Aretophilum in nocturnum quoddam duxit cubiculum, ubi lecti tres erant strati, & apparatus reliquus splendide expositus; Eugeniam vero suam in dormitorium secum illa reduxit. Nunquam altiore, nunquam placidiore

ore Aretophilus obdormivit somno, etsi non adeo diuturno. Quemadmodum enim Miltiadis tropæis suscitabatur Themistocles; sic Aretophilus noctis jam gallicinio electo profuit, & ad extremam eamque desideratissimam itineris partem conficiendam se comparavit. Surrexere dein, surgente aurora, Palladius quoque, Hercules & Eugenia; qui, unâ cum Aretophilo, peractis in secretiore Pietatis conclavi, templo simili, matutinis sacris, universum Virtutum chorum ibi pariter congregatum, ante abitum gratiis persolutis venerati sunt, seque favori ejus perennaturo magnopere commendarunt. Mox in medium processerunt *Pietas* & *Iustitia*, his Aretophilum verbis allocutæ:

Ipsa quidem Virtus sibi met pulcher-
rimam merces;

attamen invitam blande vestigat
& ultro

ambit Honor.

Capesse igitur in anu palmam, crines-

Que ferto hoc implica ; (& imposue-
runt capiti illius coronam lauream ;)

*Hac meta sit certaminis ,
hoc præmium laborum !*

Bre is hinc ad Insulam Fortunatam
trajectus est. Hisce insignitus præ-
miis non repudiabere ! Neminem sic
ornatum & coronatum Eudæmonia
excludit.

*I ergo, tua quo virtus vocat, i pede
fausto !*

Hic observantissime Arctophilus in
grates Deabus persolvendas iterum
effulus, recedentium adoravit vesti-
gia. Prosequebatur utraqve sereno
vultu abeuntem ; quem & comites
ejus, *Hospitalitas & Officiositas* ad po-
sticam usque sunt comitatae.

Digressis inde, & ad breve quod re-
stabat, iter peragendum, promptis ac-
cinctisqve hospitibus occurrebat
modica pratorum planities, tandem
in præcipitia desinens ; per quæ, sole
jam exorto, magna pernecitate se de-
mittebant versus æquor, quod adhuc
erat transmittendum. Atque stabat
jam

jam ad litus parata & concinne fabrefacta navis, bene intus compacta, extrinsecus vero eleganter picta, mobili clavo, firmis rudentibus, procero malo, insigni carchesio, splendidibus velis, postremo omnibus armamentis idoneis ad usum, & honestis ad contemplationem. Conscedunt puppim hilares, seque alto committunt; & Eugenia sequens orditur celeusma:

*Amica veri flamina,
chori Favoniorum,
ludi jocantis Æoli,
Jovisque mitioris,
Etesiarum sibila
& blanduli susurri,
tranquillitatis prodromi,
fontes serenitatis,
mulcete fluctus Tethyos,
& Nerei furores
exasperati sternite,
pacem referte ponto;
donec cupitos Insula
teneat carina portus!*

Inter modulamina hæc & prona adspirantium ventorum obsequia, recto

cursu in portum ferebatur navis, ho-
 spitesque Fortunata inferebat Insulæ,
 in qua assidua viget securitas, con-
 stans fulget serenitas, æterna floret
 tranquillitas. Nec enim fulmen eo
 unquam vibratur, nec fulgur mina-
 tur; non nimbus excutitur, non gran-
 do rotatur; nebulae nullae serpunt, ne-
 que venti, nisi cicuratis viribus, tem-
 perataque lenem in auram vehemen-
 tia pertingunt; ut adeo Ver heic loci
 sit perpetuum, indiesque melius ac
 serenius soles enitescant. Mox a dex-
 tra Insulæ parte convalles viscebantur
 & horti, in quibus violarum aurum,
 iliorum argentum, rosarum purpu-
 r, ac mille aliorum florum gemmulae
 suavitatem ac splendorem suum inter se
 certabant, eodemque Semiramidis,
 Adonidis & Hesperidum hortos longe
 exsuperabant. Ac per hos quidem
 viam pandebatur ad ipsam **FELICITA-
 TIS** regiam. Quam simul ac e lon-
 ginqvo oculis attigit Aretophilus,
 comitibus suis Eugeniæ, Herculi &
 Palladio (qui, ut plurimum inservirent
 desi-

desideriis, jam parabant reditum) perhumaniter gratias agit multo maximas; atque Osi, inquit, uno volatu liceret abripi! Et quod volatu non licuit tentavit cursu; ac prope momento temporis in ipsius regiae constitit vestibulo. Cernebantur hic antiqua Virtutis & Felicitatis simulacra, Cyri, Numæ, Scipiones, Camilli, Metelli, Augusti ac plures. Verum imaginibus hisce spectandis non diu immoratus est Aretophilus, sed penetravit interius; ubi longa serie utrumque stipabant latus sanctioris Deoque magis placentis Virtutis ac Felicitatis compendia, Abrahamas, Josephus, Josua, David, Salomo; inde Constantini, Theodosii, Caroli, Conrad, Ottones, & multo plures variarum gentium ac dignitatum. Quos dum oculorum & ingenii acie contemplabatur Aretophilus, en procedit regina *EVDÆMONIA*, (quam venerabili caterva stipabant Conscientiæ Tranquillitas, Amicitia cum Deo, vera Sapientia, Nobilitas, Cor-

poris Animique Serenitas) ac dulces
 post amplexus & oscula , juvenem
 laureatum, dissimulato vel suppresso
 Aretophili nomine. salutat *Eudamo-*
nium; eidemque offert Cornu Copiæ,
 & exoptatissimam perpetuamque ju-
 rat prosperitatem. Cantabant Vir-
 gines sociæ:

Plaudamus! Eudemoni
victor triumphat ausus!
O aura, ponte, litora,
o astra ferte plausus!
Scrutatus est hanc Insulam,
hæc templa Gratiarum,
per montium cacumina
& vortices aquarum.
Delusit artes hostium
ac obstitit furori.
Beata merces arduo
nunc redditur labori.
O aura, ponte, litora,
o astra ferte plausus!
Plaudamus! Eudemoni
Victor triumphat ausus!



JURISPRUDENTIAE
NATURALIS
EPITOME

five

Doctrina brevis

de


OFFICIIS HOMINIS

erga

*Deum, Seipsum & alios
homines,*

in gratiam Auditorum Aca-
demicorum adjecta.





B. C. D.

JVRISPRVDENTIAE
NATVRALIS EPI-
TOME.

CAPVT I

*De Natura & Indole Ju-
risprudentiae Naturalis.*

I. *Jurisprudentia Naturalis* est
Prudentia hominem actiones
suas ad Legem Naturæ componere
docens. Ab aliis etiam vocari solet
Jurisprudentia Vniuersalis; utpote
quæ non unius civitatis legib⁹ absol-
vitur, sed quæ quorumvis hominum
erga se invicem officia reguntur.

L 6

II. Ob-

II. Objectum ejus sunt Actiones (& Omissiones) hominis secundum Naturæ leges formandæ. Quo ipso distinguuntur (1) ab Actionibus hominis *Naturalibus*, quæ ab Intellectu & Voluntate ejus non dependent; quales sunt actiones animæ vegetativæ, primi motus in appetitu &c. (2.) ab Actionibus hominis *Civilibus*, quæ secundum Leges Civiles fieri aut omitti debent; (3.) ab actionibus hominis *Christiani*, quæ secundum Leges divinas Positivas; sive Theologiam Moralem, fieri aut omitti debent.

III. Finis: *Jurisprudentia Naturalis* est, ut homo justus ac felix sit hac in vita. Quo ipso distinguitur (1) a Fine *Jurisprudentia Civilis*; qui est, ut civis justus ac felix sit in civitate: (2.) A Fine *Theologia Moralis*, qui est, ut homo beatitudinem æternam consequatur. Vel secundum
alios

alios, Finitis Jurisprudentiæ Naturalis est duplex : *Proximus*, ut homines Dei amantes normam habeant, ad quam actiones suas componant ; *Ultimus* sive *Remotus*, ut humani generis felicitas tranquillitasque conservetur ac promoveatur.

IV. De vetustis æque ac recentioribus Jurisprudentiæ Naturalis *Scriptoribus* agit V.C. Jo. Eisenhart, Prof. Helmstad. in cap. I. & II. libelli, cui titulus est, Institutionum Juris Naturalis in Moralis Philosophiæ doctrina repræsentatio f. 12. Helmst. 1684. & Cl. Jo. Franc. Buddeus in Historia Juris Naturalis, Halæ Magdeb. f. 8. 1695. De Junioribus vero diligentissime agit Vincencius Placcius in Consilio de Studio Philosophiæ Practicæ §. II X, p. 37. & seqq. E quibus palmam cæteris præripere videntur H. Grotius de J.B. & P. doctissimi que in eum Commentato-

L 7 res,

res, Bœclerus, Zieglerus, Feldenus, Kulpisius in Collegio Grotiano, alii-
que; item Cumberlandus, Pufendor-
fius, Thomafius, Buddeus in Ele-
mentis Philosophiæ Practicæ, ac
plures.

V. *Tractandi* hanc disciplinam
Modus erit optimus, si primò Offi-
cia secundum Principia & Affectio-
nes considerentur; deinde ad sin-
gula descendatur, & ad quamlibet il-
lorum classem Virtutes Morales re-
ducantur.

CAPVT II

De Principiis Actionum Humanarum.

I. **A**ctionum Humanarum Prin-
cipia numerantur duo: *Intel-*
lectus & Voluntas; quas facultates
Creator O. M. homini præ brutis
concessit, ut veluti prælucente in-
telle-

lectu, ac decernente voluntate, actiones suas suscipiat.

II. *Intellectus* est facultas animæ rationalis, quæ objecta, sive res oblatas, comprehendit ac dijudicat. Hinc in quolibet homine maturæ ætatis, mentisque integræ, (etiam post lapsum) tantum superest luminis naturalis, ut adhibita cultura & meditatione debita, saltem generalia Juris naturalis principia, & quæ, ut honesta, facienda, ut turpia, fugienda sint, comprehendere ac discernere possit. Absq; hoc enim si foret, quilibet delictis suis ignorantiam invincibilem obtendere in foro posset.

III. Præcipua Intellectus circa actiones ad Legem componendas operatio est *Conscientia*. Vnde hæc definitur, quod sit judicium intellectus circa actiones morales proprias, quatenus hic cognitione legum est imbutus. Estque vel de *Faciendo*,
vel

vel de *Facto* : illa *Antecedens*, hæc *Consequens*, appellatur.

IV. *Conscientia Consequens* est illud intellectus iudicium, quod factum consequitur, & hominem, prout bene aut male egit, delectat vel contristat; unde is bene vel male sibi conscius dicitur. *Bona* ejusmodi *Conscientia Felicitatis*, *Mala Infelicitatis* humanæ est adjunctum.

V. Hic vero spectatur *Conscientia de Faciendo* seu *Antecedens*, istud intellectus iudicium, quod factum antecedit, dictans quid bonum vel malum, & ideo agendum vel omit-tendum sit. Estque (ut alias species si-leam) *Recta* vel *Erronea*, *Certa* vel *Probabilis*, *Scrupulosa* & *Dubia*.

VI. *Recta Conscientia* est, quæ conformis est legi, ac recte judicat, hoc faciendum vel omittendum. Secundum hanc qui agit, recte agit; contra vero eam qui agit, peccat.

Error

Erronea est difformis, legi ; quando intellectus errore occupatus falso de agendis judicat. Vbi, si error est de re per se mala, peccat tam qui contra, quam qui secundum hanc conscientiam agit. Vbi vero error est de re indifferenti, non peccat, qui secundum eam agit ; peccat vero, qui contra eam agit.

VII. *Certa* Conscientia oritur ex scientia, & judicat ex argumentis evidentibus & apodicticis, hoc esse faciendum aut omittendum. *Probabilis* oritur ex opinione, judicans ex argumentis dialecticis, & auctoritate aliorum. Contra utramque qui agit, peccat. Est tamen peccatum contra conscientiam Probabilem levius, contra Certam, gravius.

IX. *Scrupulosa* est intellectus fluctuatio sive judicium cum anxietate & formidine conjunctum, ne forte id ipsum malum sit, quod bonum ali-

quis

quis existimaverit, & contra. Quando scrupulus probabilibus argumentis nititur, actio erit suspendenda, donec solidis eximatur rationibus: si autem ex levi quadam superstitione oritur, negligendus est, atque animo ejiciendus. *Dubia* est, cum quis dubitat & nescit, utri contradictionis parti adhærendum, & utrum actio licita sit, nec ne? Hac cum conscientia qui agit, peccat.

IX. B. Jac. Thomasio Conscientia Recta similis videbatur Testi vero, Erronea falso, Certa oculato, Probabilis aurito, Scrupulosa varianti, Dubia nescienti.

X. *Ignorantia* est privatio sive absentia cognitionis in intellectu, circa actionem aliquam suscipiendam aut omittendam. (De qua inferius dicentur plura.) *Error* est intellectus non solum cognitione veri destitutus, sed & ejus loco falsa persuasionem imbu-

imbutus. (Nonnullis *hic* vocatur Ignorantia pravae dispositionis ; quemadmodum *illa* Ignorantia negationis.)

XI. *Voluntas* est facultas animae rationalis, hominem velut intrinseco impulsu determinans , ut agat, quod sibi arridet ; omittat, quod sibi non convenire videtur. Habet a Voluntate homo, tum quod *sponte* agat, h.e. ut per principium intrinsecum citra coactionem ad agendum determinetur, & actionis suae ipse auctor sit : tum ut *libere* agat, h.e. ut uno objecto proposito, possit agere vel non agere ; idemque eligere vel respuere ; (quæ *Libertas Contradictionis* seu *Exercitii*) aut pluribus objectis propositis, possit unum eligere, cætera respuere : (quæ *Libertas Specificationis* seu *Contrarietatis* appellatur.)

XII. *Velle* autem quis dicitur non tantum id, quod ipse facit Physice, sed et cuius causa physica est ; sed etiam , cuius causa moralis audit : h. e. quod iubet, suadet, laudat, participat &c. secundum versum in scholis notum :

Jussio, consilium, consensus, palpo, recursus,
participans, mutus, non obstant,
non manifestans.

XIII. Voluntas Objectum non solum est *Bonum*, quod eligit ac prosequitur, (uti vulgo docent) sed & *Malum* , quod respuit & averfatur. Imo veritatur Voluntas non tantum circa Malum averfandum, sed & appetendum & optandum alteri, v. g. hosti. Alias nihil nobis volumus & appetimus, nisi sub ratione Boni.

XIV. Voluntas (s.) alia est *Plena*, quæ locum habet in actionibus meretricis ; alia *Non-Plena* , in actio-

actionibus mixtis: (2.) alia est *Efficax*, quæ non solum vult finem, sed & media; uti studiosus ita vult eruditionem, ut magno etiam studio multisque vigiliis ad eam adspiret; alia *Inefficax* & solius complacencia, quæ vult quidem finem, sed non media; sicut ignavi nonnulli volunt quidem eruditionem ac honores, sed media, nempe vigilias & labores, averfantur.

CAPUT III.

De Norma Actionum Humanarum.

I. **N**orma Actionum Humanarum Directiva est *Lex*. Hinc ab utroque Grotio *Lex* describitur, quod sit regula actionum moralium, obligans ad id, quod rectum est. Pufendorfio *Lex* est decretum (sive
justum

jussum ac præceptum) quo superior sibi subiectum obligat, ut ad istius præscriptum actiones suas componat.

II. Est vero *Obligatio* qualitas moralis passiva, per quam quis præstare vel pati quid tenetur. Injicitur per eandem, quasi vinculum aut frænum quoddam morale nostræ agendi libertati, ut in diversam, quam quo illa ducit, partem tendere recte non possimus.

III. Nemo autem sibi ipsi obligari potest: quia semper obligationem remittere sibi posset. Sunt vero justæ causæ alterum obligandi, non solæ vires malo aliquo affligendi delinquentem, sed & insignia beneficia in aliquem collata: & si quis ultro alteri sese subjecit, inque ipsius directionem sive imperium consensit.

IV. Lex respectu auctoris, dividitur in *Divinam* & *Humanam*: illa a Deo

Deo est; hæc ab homine imperante, per promulgationem, fertur. Lex divina dividitur in *Naturalem* & *Positivam*; illa pro objecto habet actiones cum natura hominis rationali necessario convenientes, aut eidem repugnantes: Positiva, actiones eas, quæ cum natura hominis necessario non conveniunt, nec ei necessario repugnant. De Lege Naturali postea agemus.

V. *Positiva* itaque est Lex Divina hominibus per revelationem publicata, ea, quæ necessariam connexionem cum hominis natura rationali non habent, determinans. Dividitur in *Vniversalem* & *Particularem*. Lex Divina Positiva *Vniversalis* est, quæ publicata fuit omnibus hominibus, vel certe personis totum genus humanum repræsentantibus. *Particularis* est, quæ lata fuit populo Judaico. Illius exempla sunt v. g. Præ-

Præceptum Adamo de arbore vetita datum, item de Polygamia & divortiiis vitandis in primæva Conjugii institutione; nec non præcepta N. T. de Credendis & Agendis, omnes etiam homines obligant; cum Apostoli jussi fuerint, ut prædicarent ea omni creaturæ, sive populis universis. Particularis exempla sunt Leges Ceremoniales & Forenses, ad gentem Ebræorum olim restrictæ, quæ adventu Christi, & extincta rep. Judaica, expirarunt, adteoque neminem hodie obligant.

VI. Leges *Humanae* omnes, præse acceptæ, *Positivæ* sunt; quarum præcipuæ Jus Civile constituunt; quæque ab iis, qui summum in civitate imperium tenent, proficiuntur; obligantes subjectos ad faciendum id, quod imperatur, & omitendum, quod interdicitur, prout utilitas felicitasque Civitatis id exigit.

Hinc

Hinc pro diversitate gentium & civitatum variare solent.

VII. Quemadmodum autem Leges Humanas Positivas, quæ & Civiles appellantur, JCs, ac Leges Divinas Revelatas Theologis interpretandas relinquimus: ita heic loci doctrina de Lege Naturali est pertractanda, ac de Officiis cum natura humana ita congruentibus, ut citra illa, honesta & tranquilla societas humano generi constare nequeat.

IIIX. Et vero *Lex Natura* est Lex Divina, quatenus citra peculiarem revelationem, ex consideratione naturæ præsertim Dei atque Hominis cognosci potest; perspecta videlicet relatione hominis ad Deum Conditorum, & inde collecta hujus intentione, actiones humanas præcipiendi aut prohibendi.

IX. Nonnulli statuunt actualem *Legis hujus inscriptionem* in cordibus

M bus

bus hominum, ob textum Rom. II. 15. Verum per Inscriptionem illam non denotatur notitia Legis Naturalis ab ipsa nativitate actu nobis indita ; sed potentia proxima illam cognoscendi, & eam, quamprimum ætas adest maturior, & debita adhibetur industria, promte ac liquido intelligendi; nec non penitior notitiæ hujus impressio, ac firmior inhaesio. Conf. Jer. XXXI. 33.

X. Quod DEVS sit auctor sive lator Legis Naturæ, & qualem Naturæ legentis tulerit, inde intelligitur, quia Deus hominem creavit, eumque ita formavit, ut præceptorum moralium intelligendorum sit capax, & citra piam, tranquillam ac socialem vitam genus humanum servari nequeat. Vnde porro consequitur, quod Deus, qui vult finem, humani videlicet generis tranquillitatem, voluerit etiam media, sine
qui-

quibus finis ille nequit obtineri. (De cætero Deum Legis Naturæ auctorem esse, affirmat Apostolus Rom. I. 19. II. 14. 15.)

XI. Frustra se torquent, qui unum aliquod, idque omnium primum Juris Naturalis Principium quæerunt, quod cuncta Officiorum genera sub se complectatur. Etenim tres diversi sunt termini, sive tria objecta, ad quos tendunt, & circa quæ occupantur actiones humanæ, nempe *Deus, Homo ipse, & alii Homines*. Unde tria generalissima, & in suo quoque genere prima, resultant principia: *Cole DEVM, Ama teipsum, Ama proximum*: Sive: *Vive erga Deum pie ac reverenter, erga teipsum temperanter, erga alios homines socialiter ac innocenter*. Cui sententiæ propius accedunt, qui fundamentum Juris Naturæ constituent in Amore Dei & Proximi, quem

diligere debemus ut nos ipsos ; siue in Decalogo. E quorum numero est G. Calixtus in Theol. Moral. & Boeclefus in Comment ad Grotium p. 4.

XII. Vbi commodè notandum, pleraque omnia Legis Divinae *Moralis* siue *Decalogi* praecepta esse Juris Naturalis ; præter illud de prava concupiscentia, quam S. Paulus Legge Naturæ vetitam esse, absque revelatione ignorabat. Rom. VII. 7. Ac licet naturaliter nota sint praecepta Decalogi, nihilominus voluit Deus Legem Moralem publice ferre per Moysen in populo suo, ut conspectior esset regula morum edita voce divina ; maxime cum Lex Naturæ jam pene in animis hominum per peccatum esset oblitterata.

XIII. Ex dictis patere opinor, tutissimum fore, *Fundamentum* Legis Naturæ constituere in Cultu atque Amo-

Amore Dei, Nostri, & Proximi, cum quo socialiter Vivendum. Solam vero *Socialitatem* Juri Naturæ tanquam fundamentum substernere, opus est aleæ periculosa plenum; iisque forte permissum, qui, cum veteribus, unam tantum Jurisprudentiæ Naturalis partem tractare satagunt, eam videlicet, quæ Officia Hominis erga alios homines exponit.

XIV. Quodnam inter Leges Naturales & Positivas Divinas intercedat discrimen, jam in præcedente Aphor. IV. capitis hujus dictum est. Hæ versantur circa actus, qui non necessario præcipi aut vetari debent: illæ vero circa actus, qui necessario debuerunt præcipi aut vetari. Vnde Leges Naturales *Dissensionem* non admittunt; ac stante natura rerum, præsertim Dei & Hominis, sunt immutabiles; nisi quod aliquando status, in quo Lex Naturæ

fundatur, mutetur, cumque eo adeo
cesset lex ad eum respiciens. Notæ
quidem sunt objectiones nonnullor-
um, ratione potissimum Dispensa-
tionis, de mandata Isaaci occisione,
de ablatione vasorum Ægyptiaco-
rum &c; sed actus isti a Deo præce-
pti, non fuerunt homicidium aut
furtum, Lege Naturali prohibita;
adeoque confunditur a dissentienti-
bus mutatio Status vel Objecti, cum
mutatione Legis.

XV. Jam igitur, tum hoc loco,
tum ad Caput præcedens, ubi de
Conscientia, & præcipuis ejusdem
Speciebus, egimus, notandum, quod
Norma Actionum nostrarum, no-
stræque Conscientiæ Regulæ sint (1.)
Leges Naturæ, siue Lumen mentis
nostræ; (Luc XII. 57. Rom. II. 14.
15.) (2.) Scriptura sacra, ad quam,
ut normam, Christianis sedulo est
respiciendum. (3.) Leges Positivæ
Impe-

Imperantium, Legibus divinis tam Naturæ quam Scripturæ non repugnantes. (Rom. XIII. 5.) Conferatur hic Robert. Sanders, Tract. de Conscientia, Prælect. IV. §. XII. seqq. ac XX, ubi propriam & adæquatam Conscientiæ & Actionum nostrarum regulam constituit Voluntatem Dei, qualitercūqve hominibus revelatam.

CAPUT IV

De Actionum Humanarum Affectionibus, ratione Principiorum consideratis.

I. **D**ividuntur Actiones Humanæ vel ratione *Principiorum*, unde profisciscuntur; vel ratione *Normæ*, ad quam sunt conformandæ. Ratione Principiorum dispeſcuntur in *Voluntarias* sive *Spontaneas*, *Invitas* & *Mixtas*. Actio *Voluntaria* seu *Spontanea* est, cum quis agit sciens & volens. Requiruntur

ergo duo ad illam: (1.) Notitia omnium, aut saltem præcipuarum, actionis circumstantiarum, quæ vulgato continentur versu: Qvis? Quid? Vbi? &c. (2.) Assentiens Voluntas. Inde illud Germanorum: *Er hats mit Wissen und Willen gethan.*

II. Actio *Invita* est, cum quis agit nolens vel ignorans. Estque adeo duplex: vel enim fit per Vim, & Violenta dicitur; vel per Ignorantiam, & Imprudens appellatur, *Violenta* est, quæ fit a principio externo, contra agentis (vel patientis potius) voluntatem; ut cum Lucretia a Sexto Tarquinio per vim stupratur. Dicitur actio hæc etiam, ratione impellentis propriæque agentis, *Coacta*; ratione patientis, *Invita*.

III. Actio *Imprudens* vocatur, quæ provenit ab agente, circumstantiarum quarundam ignaro. Estque

que vel *Ἐπίλυπος*, quam sequitur dolor ac poenitudo : sic Adrastus, vibrato in aprum jaculo, Crœsi filium frustrato ictu interemit. Quod factum cum Adrastus vehementer doleret, seqve super exanimati cadaver mandandum offerret, a Crœso hoc responsum tulit : *Neque tu hujus mihi cladis auctor es, nisi quatenus id fecisti imprudens; sed Decrum quispiam, quijam mihi ventura significavit.* Alia est *ἀλυπος*, quam non sequitur dolor ac poenitentia : qualis narratur de quodam apud Plutarchum, quod, cum lapidem vibrans, in canem, novercam percussisset, dixerit : *Euge, ne sic quidem male!*

IV. Differunt inter se *Agere per Ignorantiam*, & *Agere Ignorantem*. Priore modo agenti ignorantia princeps actionis causa est; sic Jacob concubuit cum Lea, existimans se cubare cum Rachele. Posteriori

M 5

modo

modo agenti alia est actionis causi
principalis, cum qua tamen Igno-
rantia concurrat: ut si quis profunde
ebrius alterum vulnerat aut obtrun-
cat. Hac cum distinctione conve-
nit ex parte ista, qua Ignorantia divi-
ditur in Efficacem & Comitantem.
Efficax est, absque qua si fuisset, non
suscepta esset actio: e. g. si quis con-
sangvineam in matrimonium du-
cat nescius. *Comitans* est, quæ licet
absuisset, actio tamen suscepta fuisset:
velut si quis hostem interficiat
ignorans, quem & sciens interem-
tum cuperet.

V. Quid sit Ignorantia *Juris & Facti*
ex Compendiis Ethicis innotescit. Est
vero Ignorantia *Juris Voluntaria*,
cum quis legem, cujus addiscendæ
causam & occasionem habuit, igno-
rat. Estque vel *Juris Universalis*,
sive Legis Naturalis aut Moralis, cu-
jus præcepta, saltem generalia, per
sum-

summam suam evidentiam, nullius hominis, ratione sua utentis, notitiam effugiunt. Vel est *Juris Particularis*, Humani & Civilis; cujus tenorem scire tenentur ac possunt, qui in societatem civilem, legum imperio retinendam, coiverunt. Talis est ignorantia Legum Academicarum in studioso. *Ignorantia Facti Voluntaria* est, cum quis factum, hujusve circumstantiam ignorat per negligentiam, cum nosse deberet ac posset. Sic qui lapide per fenestram projecto (cum in locum, ubi & quando præterire solent homines) feriret prætereuntem, factum male excusaret, dicendo, se ignorasse quempiam præteriturum. Vtraque vocatur *Ignorantia Vincibilis* atque *Culpabilis*.

VI. *Contra Ignorantia Juris Involuntaria* est, ubi quis nulla sua culpa Jus, puta Particulare, ignorat. Ita

Suetonius de Caligula Vit. c. 41. scribit, quod Legem quidem proposuerit, sed & minutissimis literis & angustissimo loco, uti ne cui describere liceret. *Ignorantia Facti Involuntaria*,

cum quis factum quaecunque ejusve circumstantiam ignorat, cum scire nec posset nec deberet. Talis fuit in Abimelecho Genes. XX. 5. qui, si cognovisset Saram Abrahami esse uxorem, animum ad ducendam illam neutiquam applicuisset. *Vtraque sæpius vocatur Ignorantia Invincibilis.*

VII. *Actio Mixta* dicitur ejus, qui incumbente graviore necessitate aliquid, ut minus malum, eligit ac suscipit, a quo cæteroquin extra necessitatem constitutus vehementer abhorrebat. Notum est exemplum de jactu mercium in mare, exorta tempestate: aut si Rex belligerans pa. c. m. provinciarum cedat victori; quia

quia metuit, ne totum amittat regnum. Tales actiones Voluntariis sunt similiores; ac *Mixta* dicuntur, quia ex parte Vis, ex parte Voluntas, in iis locum habet.

CAPUT V

*De Actionum humanarum
Affectibus ratione Nor-
mae consideratis.*

I. **A**ctio humana, si ad legem referatur, alia est *Necessaria*, quam lex præcipit aut vetat; alia *Non-necessaria* vel *Licita*, quam lex nec præcipit nec vetat. Hæc vel est *Perfekte Licita*, utpote quæ nullis legibus divinis aut humanis est præcepta aut prohibita; vel *Imperfekte-Licita*, quæ talis est, saltem per leges civiles & humanas, non vero per divinas; aut contra. Sic immoderato potu obrui, hodie multis in locis abit impune. Hæc & *abusive Licita* appellatur. *Illicita* actio est, quæ fit contra legem.

II. Dein Actio alia *Bona* est, quæ cum lege congruit; alia *Mala*, quæ a lege discrepat. Sed ut Actio vere *Bona* sit, necessarium est, ut omni ex parte, sive secundum omnes circumstantias, & ex Proæresi, cum lege conveniat: ut *Mala* sit, sufficit, si ex una tantum parte deficiat. Hoc est, quod alii dicunt: *Bona* actio debet esse materialiter & formaliter *Bona*; *Mala* actio, etsi materialiter *Bona*, formaliter tamen *Mala* esse potest; ac vice versa: ut si quis concumbat cum uxore, putans esse ancillam; aut si quis corium furetur ad donandos pauperibus calceos,

III. Caterum uti Actio, ita *Omissio* alia *Bona* est, qua omittitur actio mala, occasione perpetrandi oblata, ex studio obediendi legi. Sic Joseph ab aliena abstinuit uxore. *Omissio Mala* est, qua omittitur actus lege præceptus, quem per occasionem
aut

aut facultatem præstare possis ; ut cum parentibus aut magistratui honor debitus non exhibetur.

IV. Præterea Actio alia est Justa, alia Injusta. *Justa* est, quæ ex proæresi applicatur ad personam, cui illa debetur. Differt a Bona in eo, quod hæc solum cum lege congruat ; Justa insuper respectum involvat ad eos, in quos actio exercetur. *Injusta* actio est, quæ ex proæresi prave applicatur ad personam, cui diversa debebatur ; aut quando denegatur alicui, quod ipsi debebatur. Sive secundum Pufendorfium : Injusta actio, vel infert, quod inferre non debebat ; vel aufert, quod auferre non debebat ; vel denegat, quod tribuere debebat. Hic distingvatur inter *Justitiam Actionum*, quæ est recta earum applicatio ad personam, cui illa debetur ; & inter *Justitiam Personarum*, quæ, secundum Vipianum, est con-

constans & perpetua voluntas jus suum cuique tribuendi.

V. *Justitia communiter* dividitur in *Vniuersalem* & *Particularem*.

Vniuersalis est exercitium cuiuscunque officii erga alios, tum ejus, quod jure imperfecto, tum illius, quod jure perfecto alteri debebatur.

Jure Imperfecto quid debetur, quod quidem alter postulare potest, sed non per vim naturalem, aut per actionem civilem exigere. e.g. Consilium, Beneficium &c. *Jure Perfecto* quid debetur, quod per vim in statu naturali, aut intentata in foro actione in statu civili, exigere potest; ut Restitutio rei ablatae.

VI. *Justitia Particularis* est, cum exhibetur alteri, quod jure perfecto ipsi debetur. Eaque dividitur vulgo in *Distributivam* & *Commutativam*. Illa nititur pacto inter societatem & membra inito, circa parti-

participandum pro rata lucrum & damnum. Hæc nititur contractu bilatero potissimum circa res & actiones in commercium venientes. In Justitia Distributiva Æqualitas ut plurimum comparata, in Commutativa Æqualitas simplex est observanda. *Contractus bilateres* dicuntur, ex quibus utraqve contrahentium pars obligatur; ut sunt Emtio Venditio, Locatio Conductio.

CAPVT VI

De Imputatione Actionum Humanarum.

I. **A**ctionum humanarum, quæ ab Intellectu & Voluntate proficiscuntur & diriguntur, præcipua quoque affectio est *Imputabilitas*; h. e. quod actiones illæ homini possint imputari, seu quod homo pro

pro earum auctore recte possit haberi, ac ad reddendam de iis rationem adstringi; quodque in ipsum redundet effectus, qui ex illis proveniunt.

II. Notentur hinc *regulae duae generaliores*: (1.) Quaecunque penes hominem sunt, ut fiant vel non fiant, ea ipsi possunt imputari; & quidem vel gravius, vel levius, prout Voluntas ejus magis vel minus concurrat ad actionem; (2.) Id, quod neque in se, neque sua causa penes aliquem fuit, non potest ipsi ex debito imputari; recte tamen ex gratia.

III. Observentur & sequentes *regulae specialiores*: (1) Imputari non possunt, quae quis coacte patitur aut agit. Talia enim ad illum moraliter pertinere intelliguntur, qui vim intulit; & qui ista excepit aut excusatus est, rationem duntaxat objecti aut instrumenti physici habet. (2) Quae per ignorantiam aut Errorem in vincibi-

cibilem patrantur, imputari non possunt. (3.) Ignorantia vero, ut & error, circa leges & officium cuique injunctum, ab imputatione non liberat. (4.) Non potest alicui imputari, quod non præstiterit ea, quæ vires ipsius excedunt, neque per eas prohiberi aut effici quæunt: modo illa impotentia per culpam nostram non fit contracta. Hinc tritum illud: Impossibile (tam physice quam moraliter talium) nulla est obligatio. (5.) Non possunt imputari, quæ quis in somniis agere sibi videtur, nisi diurnis cogitationibus ansam dederit. (6.) Eorum, qui rationis usu destituuntur, actiones ipsis haud imputantur.

IV. Porro imputari hominī solent ac possunt non propriæ solum, sed & alienæ actiones, ad quas quis aliquo modo efficaciter concurrit, vel agendo & omittendo id, quod agere pote-

poterat ac debebat. Eaqve imputatio diversos habet gradus, prout quis est aut caussa principalis, aut locia, aut minus principalis alienæ actionis.

V. Quæ quis tanquam nudum instrumentum ex debito agit, non ipsi, sed causæ efficienti imputantur. Ita non carnifici imputatur decollatio parricidæ, sed iubenti magistratui. Plura de his aliisque regulis circa Imputationem Actionum Humanarum observandis vid. ap. Pufend. de O. H. & C. Lib. I. versus fin. & de J. N. & G. Lib. V. c. I. §. 5. 6 & seqq.

CAPVT VII

De Officiis Hominis erga Deum.

I. **P**ostquam Actionum Humanarum indolem, & quæ ad earum

earum Moralitatem æstimandam faciunt, breviter exposuimus, sequitur nunc, ut, ordine supra aphor. V. cap. I. constituto, ad singula Hominis Officia, secundum Legem Naturæ ipsi incumbentia, descendamus, & ad quamlibet horum, classem Virtutes Morales reducamus.

II. Est verò Officium actio humana ad præscriptum legis recte attemperata. Divisio Officiorum commodissime instituitur secundum Objecta Personalia, erga quæ illa sunt exercenda. Vnde triplicia hominis Officia, quædam erga DEVM, quædam erga SEIPSVM, quædam erga ALIOS HOMINES resultant.

III. Officium Hominis erga Deum, quantum quidem ex naturali ratione investigari potest, duabus partibus absolvitur, tum ut de Deo recte sentiamus, tum ut a-

ctio-

Etiones nostras ad ipsius Voluntatē,
per Legem Naturæ significatam,
componamus. Lipſio I. Politic.
cap. 2. partes hæ duæ dicuntur, Re-
ctus de Deo ſenſus, & Rectus in De-
um cultus.

IV: Sentiendum itaqve & creden-
dum eſt omni homini, (1.) *DEVM*
exiſtere; id quod ex ſubordinatio-
ne cauſarum, ex motu & contem-
platione machinæ huius mundanæ,
ſimilibusqve argumentis clare co-
gnoſcitur. (2.) *Deum eſſe Vniuer-
ſi huius Conditorē*. Cum enim ex
ratione manifeſtum ſit, res omnes
creatas, non extiſſe a ſe ipsis, opor-
tet, ut eadem ſummam aliquam
cauſam habeant; quam non debe-
mus appellare *Naturam*, quatenus
per hanc intelligitur vis & efficacia
agendi, quæ in rebus conſpicitur:
hæc namqve ipſa auctorem ſui, De-
um, omnino arguit; neqve *Animam*

mundi

mundi ; quia anima non nisi pars corporis est, Deus autem est Ens perfectissimum : adeoque pleno ac recepto Dei nomine utendum. (3.)

Deum tum in universum mundum, tum in genus humanum regimen exercere ; quia enim omnia conservantur in admirabili constantique ordine, patet esse Conservatorem & Rectorem ; qui nemo potest esse alius, quam Creator Deus. (4) *Nihil Deo attribui, aut de eo predicari posse, quod aliquam imperfectionem involvat.* Add. Lips. Polit. Lib. I. Cap. 2.

V. *Cognitionem Cultus sequitur.* Est enim prius, Deum cognoscere, consequens colere. Cultus vero Dei est vel Internus, vel Internus & Externus simul. Internus est tantum in animo, & consistit in Dei amore, veneratione, timore, spe in eum, acquiescentia circa dona & decreta ejus

jus, & in omnibus eidem obsequendi studio. Nempe enim *Amandus* est Deus, ut omnis boni auctor, ipseque Optimus, & Summum Bonum nostrum; *Venerandus*, quia cum summa ejus Bonitate summa quoque Potentia & Majestas, est conjuncta; *Timendus*, quia est Omniscius, Justus & Omnipotens; adeoque cavendum, ne peccatis nostris eum offendamus, ejusque iram in nos provocemus. *Sperandum* in eum, cum ab illo in futurum quoque omnis nostra felicitas dependeat. In ejus Voluntate *acquiescendum*, ut qui pro Sapientia ac Bonitate sua omnia facit optime, nobisque dat, quæ maxime expediunt. Ei denique, ut Creatori, Domino ac Rectori O.M. *obsequium* semper *præstandum*.

VI. Internus & Externus simul fit mente pariter ac voce, gestu & actionibus: videlicet Invocatione & Pre-

Precibus ; Gratiarum actione pro tot bonis ab eo acceptis ; Celebratione publica & privata ; considerato de colloquendi modo ; denique Vitæ & Legum Naturalium observantia

VII. Revocanda nunc sunt Officia hæc ad certas Virtutes. Unica quidem virtus est, quæ circa Numinis sensum & cultum versatur, nempe *Pietas*. In hac tamen, tanquam Toto, virtutes plures, veluti Partes Potentiales, comprehenduntur ; ut, Cognitio Dei, Dilectio Dei, Veneratio ac Timor Dei, Spes ac Fides in illum collocanda ; dein Precatio, Gratiarum actio & Celebratio Nominis divini, Religiositas & Obedientia.

IX. Pietati opponitur *Impietas*, quæ de Numine non recte sentit, nec illud rite colit. Cognitioni speciatim opponitur *Atheismus*, qui Deum plane tollit ; *Polytheismus*, qui plures

N

Deos

Deos inducit; *Epicureismus*, cum de Dei providentia dubitatur. Cultui divino contrariantur *Deismus*, qui Deum admittit, sed non colit; *Idololatria*, quæ rebus creatis divinos honores tribuit; *Superstitiositas*, quæ Deum quidem colit, sed perversè, cum primis per ineptum timorem &c.

CAPVT IIX

*De Officiis Hominis erga
Se ipsum.*

ERga Se ipsum homo ex præscripto legis Naturalis ita se gerere debet, ut rebus, quibus ad sui conservationem indiget, *ordinate* utatur. Enimvero licet homo magno impetu ad sui conservationem feratur; Obligatione tamen opus fuit, (1.) quia aliquando eum cupido se destruendi incedere potest; (2.) quia homi-

homines mediis, quibus se conservare possunt, sæpius aliter utuntur, quam iis uti debent. Obiectio, Neminem sibi ipsi obligari, locum hic minime invenit; quia obligatio hominis erga se ipsum, non provenit ab homine ipso, sed a Deo. Velle autem Deum, ut homo vitam suam conservet, exinde probatur, quia Vita est fundamentum omnis felicitatis humanæ. Deus ergo, dum vult, ut homini bene sit, vult etiam, ut vivat. Accedit, quod homo vitam sibi non dederit; Ergo eandem pro lubitu dimittere nequit.

II. Cum vero homo duabus constet partibus, *Anima & Corpore*, ante omnia respectu utriusque aureum illud commendatum sibi habeat, *Nosce te ipsum!* Quod præceptum non ad solam animam, sed totum hominem pertinet. Ad *Animam* igitur speciatim quod attinet,

quoniam hæc nobilior est hominis pars, per quam a bestiis differt, mens five animus imprimis est excolendus
(a) Cognitione divini Numinis ac vera Religione ; singillatim vero
(b) *Intellectus* a præjudiciis, erroribus, præcipitantia liberandus ; Conscientiæ cura gerenda ; studia bonarum artium & disciplinarum, quarum usus in vita humana necessarius est, studiose tractanda, (c) *Voluntatis* cura minime negligenda, sed a pravis propensionibus illa purganda, & amore Virtutis mature imbuenda ; (d) *Affectus*, qui multum ad vigorem animi, & prudentiam conservandam faciunt, ita regendi, ut Ratio præsit, Appetitus obtemperet. (e) Eligendum etiam tempestive, pro virium nostrarum habilitate, & natalium conditione, honestum artis ac vitæ genus, in quo utile aliquando societatis humanæ membrum

brum esse qveamus. Denique (f) Opinio boni Viri diligenter tuenda, ac fama nostra per calumniam aliorum læsa, quantum possibile, Virtutum præsertim studio, nitori suo restituenda.

III. Cum vero Animus fulturis Corporis sustineatur, curandum est, ut sit mens sana in corpore sano; sive (a) *Valetudinis* cura habenda; atque (b) imprimis vitanda ingluvies, ebrietas, improba immodicaque Venus, iræ, aliarumque perturbationum vehementia; (c) sectandum honesti laboris studium, ut suppetant, quæ ad victum & amictum, adeoque ad famem, sitim ac frigora propulsanda pertinent. (d) *Vita* denique ipsa (qua sublata, unio corporis cum anima tollitur) custodienda, eaque non pro luitu abrumpenda; sed expectandum, donec evocemur ab eo, qui nos hac in statione collocavit.

IV. Qui igitur directe & cum intentione, vel tædio molestiarum, vel metu dolorum, vel per vanam fidei aut fortitudinis iactantiam, ipsi, vel ministerio aliorum, vitam suam projiciunt, in Legem Naturæ utique peccant: non vero ii, qui indirecte & absque intentione illam minuendi aut abrumpendi, ea agunt, quæ officii & stationis, in qua a summo Imperante collocari sunt, ratio postulat, & v. g. per militiam, studia literaria, navigationes, variis se periculis, unde forsan vita brevior sequatur, exponunt. Cum enim non nobis solis vivamus, sed Deo & societati humanæ; inde si vel gloria Conditoris, vel societatis humanæ salus, vitam nostram quasi deponat, eam ad usus istos libenter impendamus; candelæ instar ardentis, cum lemma-
te: Aliis inserviando consumor.

VQvod

V. Quid de plena *Αυτοχευρία* valet, id de *Mutilatione membrorum*, præfertim eorum, quorum usus in vita necessarius est, æque procedit. Ea enim, cum a solo Deo in usus quotidianos habeamus, non possumus nos iisdem privare. Neque corpus nostrum, canis instar rabiosi, dilanemus ac mutilemus, sed exigente necessitate, & jubente recta ratione, pro salute reip. faciles illud deponamus.

VI. Vnde colligere licet, *Defensionem tum vite, tum membrorum* nostrorum incolumitatis, adversus invasorem violentum, etiam cum hujus nece conjunctam, licitam esse. Pertinet huc illud Ciceronis: *Generi animantium omni est a natura tributum, ut se, vitam, corpusque tueatur, declinetque ea, qua nocitura videantur.* I. Offic. Debet vero defensio ista suscipi cum moderatione ali-

qva, ne scilicet plus nobis vindicemus, quam revera licet. Hinc vocatur *Moderamen inculcata tutela*; quod quatuor sequentia requirit: (1.) Invasionem, sive ut quis ab adversario per violentiam fit invasus; (2.) Præsentaneum vitæ periculum ex illa invasione: (3) si auxilium magistratus, ob defectum temporis, implorari non possit, adeoque impossibile aut difficile saltem sit effugium; (4) si defensio hæc fiat in continenti, & nulla interposita mora; neque tunc demum, cum aggressor jam fuerit depulsus, aut ultro recesserit, aut gladius ejus sit fractus, ita, ut nocere nobis amplius nequeat. Denique defensio hæc fiat non animo vindictæ cupido, sed salutis propriæ unice studioso, vitæque & incolumitatis conservandæ cautela.

VII. Neque vero defensionem tantum suscipere licet adversus eum, qui

qui dolo malo, sed & illum, qui *per errorem* exitium mihi intentat, puta furiosum; aut quia me alium, cum quo inimicitia ipsi intercedit, crediderit. Nam sufficit, quod alteri non sit jus ad me invadendum aut occidendum; neque in me sit obligatio ad mortem frustra & citra reluctantiam, obeundam.

IIX. Nec solum pro Vita, sed & *Membrorum incolumitate* talem defensionem suscipi posse, sub init. aph. præced. VI. monui. Nam & naturâ a mutilatione & gravi læsione maxime abhorremus; & mutilatio membri, præcipue nobilioris, interdum haud multo minoris, quam ipsa vita, æstimatur. Neque etiam, qui in eo rerum articulo sunt constituti, quodnam invadentis sit consilium, & quæqualisve membrorum jactura futura sit, scire valent. Pro *rebus bonisque fortuna* tum demum de-

fensionem ejusmodi licitam esse puto, si nihil amplius, unde vivamus, nobis suppetat. *Pudicitia* vero, cum ne utiquam vitæ hominis sit æqviparanda, mea opinione, cum nece violatoris defendi nequit. De *Honore*, cæterisque rebus, quæ ex hominum opinione pendent, idem censeo. Hinc *Duella* Juri Naturæ bonisque legibus sunt contraria. Nemo certe jus habet, vel per se, vel per alium, vita se privandi, aut membra sua mutilandi.

IX. Quid in *Casu Necessitatis*, in quem homo incidere potest, liceat, Pufendorfius Lib. II. de J. N. & G. Cap. 6, erudite tradit. In ore omnium versatur πολυθρήνηλον illud: *Necessitas non habet legem*! Vbi tamen notandum, quod necessitas id quidem non efficiat, ut lex directe violari queat, & peccatum admitti, sed ex benevola legislatorum mente simul-

mulque humanæ naturæ consideratione præsumatur, casum necessitatis sub lege generaliter concepta non contineri. v. g. Quamvis aliàs homini non sit jus in membra sua, ut illa pro lubitu mutilet perdatve; licebit tamen abscindere membrum insanabili vitio corruptum, ne pars sincera trahatur, totumque corpus pereat. Sic in naufragio, ubi ego tabulam occupavi duorum non capacem, si quis adnatans eidem se quoque injicere velit, me secum simul perditurus, possum illum (nisi ad eum habeam peculiarem respectum) quavis violentia a tabula repellere. Ita si quando duobus fugientibus hostis necem intentans instat, unus vel ponte post se dejecto, vel porta clausa, alterum in præsentivita periculo destituere potest, si uterque servari nequeat. Plura exempla vid. apud cit. Pufend,

X. Pleraque hominis Officia erga se ipsum revocari possunt ad *Temperantiam*, h.e. studium ad ductum rectæ rationis se conservandi; quem latiore *Temperantiæ* significatum usus veterum omnino probat. Itaque, secundum hætenus tradita, *Temperantia* alia erit *Intellectus & Conscientia*, in rebus cognoscendis & dijudicandis; alia *Voluntatis & Affectuum*; alia *Corporis*; alia circa *Bona Fortuna*. *Temperantia* ratione Corporis, quæ cibo ac potu recte utitur, vocatur *Frugalitas*; quæ Veneri modum præscribit, *Castitas*; quæ laboribus, *Sedulitas*; quæ studium appetendi & conservandi opes temperant, *Αυστρία* & *Parsimonia*; quæ honores denique & horum appetitum moderatur, *Modestia*. Quod si res adversæ ingruant, *Fortitudine* opus est, Metus ac Fiduciæ moderatrice; (quam & nonnulli pro specie
Tem-

Temperantiæ habent) atque ea quidem, quæ mala imminencia propulsat, appellatur *Fortitudo* *strictè* sic dicta; illa, quæ incumbentia mala tolerat, *Patientia* vel *Tolerantia* nominatur.

XI. Temperantiæ mentis repugnat *Curiositas*, *vanarumque Scientiarum Amor*; *Neglectus* item *conscientiæ* & *affectuum* *licentia* &c. *Frugalitati* opponitur *Ingluvies*, *Ebriositas*; *Libido*; *Sedulitati* *Otiositas* & *Morosa diligentia*. Tñ *Auvaritia* & *Parsimonix Avaritia* & *Prodigentia*; *Modestix Ambitio*; *Fortitudini* denique *Audacia* & *Molities* adversantur.

CAPUT IX.

De Officiis erga alios homines, iisque Absolutis.

I. **T**otum hominis Officium absolvitur, si erga Deum reverenter, erga seipsum temperanter, erga proximum seu alios homines innocenter ac socialiter se gerat. De generibus duobus prioribus, in præcedentibus actum est; nunc de tertio agendum.

II. Officia erga alios homines exercenda sunt vel Absoluta vel Hypothetica. *Absoluta*, quæ citra omne antegressum humanum institutum omnes homines obligant. *Hypothetica*, quæ certum statum adventitium, vel institutum per homines formatum aut receptum, præsupponunt. Sic multa sunt Juris Naturalis

lis præcepta, quæ, nisi posito dominio rerum distincto, atque imperio civili, non intelliguntur, neque locum habent: ut Furtum non esse faciendum; Principi esse parendum &c.

III. Inter Absoluta primum vulgo constituunt istud: *Neminem læde!* Hoc enim ad vitam socialem absolute necessarium est; idemque facillimum, cum in nuda actionis omissione consistat. Scharrockius Lib. III. de Officiis, hanc Officii partem *Innocentiam* vocat. Conf. Ciceronem III. de Offic. *Legibus populorum constitutum est, ut non liceret sui commodi causa nocere alteri; atque hoc multo magis exigit ipsa natura ratio, quæ est lex divina & humana; cui parere qui velit, omnes autem parebunt, qui secundum naturam volunt vivere) nunquam committet, ut alienum appetat, & id, quod*

quod alteri detraxerit, sibi assumat;
c. 5.

IV. Læditur vero aliquis (1.) in Corpore, per verbera, vulnera, cadem &c. (2.) ratione *Famæ*, per calumnias aut mendacia de altero sparsa. (3.) in *Bonis*, per furtum, rapinam, fraudem, corruptionem. Læsiō in Bonis a nonnullis *Damnum* dicitur: quanquam a Pufendorfio & aliis hic *Damnum* tam late accipiatur, ut non solum rerum, sed & corporis, famæ, pudicitia, læsionem, corruptionem, diminutionem, sublationem aut interceptionem ejus, quod ex jure perfecto debebamus habere, siue denique omissionem aut denegationem cujusvis officii debiti significet.

V. Cæterum ut aliquis a me lædatur, aut damno afficiatur, fieri potest vel (1.) per *adversum*, *Injuriam* siue *Læsionem* proprie dictam, quæ alteri dolo malo, aut destinato consilio infer-

infertur, eidemque invito; cum volenti non fiat injuria, etiam si rem patiat^{ur} injustam: vel (2) per ἀμαρτία, *Erratum* sive *Culpam*, citra propositum quidem, non tamen absque negligentia sive culpa, levio^{re} vel graviore: vel (3) per ἀτύχημα, *Infortunium* seu *Casum fortuitum*; sic, ut læsio ista recte nobis imputari nequeat. Denique pro Damnis a nobis datis ea quoque habentur, quæ cooperantibus nobis per alios data sunt; imo & quæ citra culpam aut proæresin nostram a servis aut animalibus nostris sunt profecta. Vid. Exod. XXI. 28. seqq. 33. seqq. & H. Grotius de J. B. & P. Lib. II. cap. XVII. & Lib. III. c. XI.

VI. Qui vero alterum læsit, ad *Restitutionem* tenetur: frustra alioquin Læsionem lex Naturæ prohiberet. Et primo quidem is, qui dolo malo damnum dedit, ad omnimodam

dam-reparationem; tum damni directo dati, tum ejus, quod inde consecutum est, tenetur. In statu naturali debet quoque cautionem de non amplius offendendo præstare in civitate poenæ insuper est obnoxius.

VII. Dein ad Reparationem tenetur, qui citra propositum quidem, per culpam tamen graviolem damnum intulit; cum hæc quoque non minima socialitas pars sit, ita circumspicte agere, ut conversatio nostra aliis non fiat formidolosa aut intolerabilis; & sæpe ex peculiari obligatione, quis ad accuratam diligentiam adstringatur. Imo & culpa levior ad restitutionis necessitatem sufficere potest; si modo negotii natura exactissimam diligentiam non ultro velut aspernetur; aut illius magis, qui damnum accipit, quam qui dat, culpa versetur; aut nisi vehemens

mens perturbatio, vel negotii circumstantia, accuratam circumspeditionem non admittat; v. g. si quis in fervore pugnae, dum arma quatit, proxime sibi adstantem laedat. Huiusmodi tamen in causa laedens offerat reparationem, ac testetur, omnem malitiam abfuisse, ne laesus ipsum pro hoste habeat, ac hostilia vicissim intenter.

II. Quando per *ἀτύχνηα* sive casum fortuitum, & citra culpam meam alterum laesero, ad restitutionem non teneor. Nam ubi a me nihil admissum est, quod imputari queat, nulla ratio est, quare ego magis, qui invitus damnum feci, fatale malum luere debeam, quam alter, qui accepit. Quod si pauper a fo- cuplere, per casum fortuitum, sic laesus, divitis liberalitati congruum erit, miserum beneficio quodam so- lari.

IX. Si

IX. Si plures ad unum actum, ex quo damnum profluxit, concurre-
rint, primo loco tenebitur, qui im-
perio, mandato, aut alio modo ne-
cessitatem inferente, ad factum im-
pulsus; is vero, qui factum patravit, &
manū solum admovit, hoc casu non
tenebitur, quia instrumentalis tan-
tum causa fuit: secundo loco tene-
buntur, qui citra necessitatem ad fa-
cinus accesserunt, prout quisque ad
illud quidpiam contulit; ita tamen,
ut, si a prioribus reparatio fuerit fa-
cta, posteriores ab eadem immunes
sint; quanquam a poena non sunt
immunes.

X. Aequitati quoque naturali con-
sentaneum erit, ut, si *servus vel homo*
noster citra culpam nostram alteri
damnum dedit, id vel ipsi compen-
semus, vel istum laeso dedamus. Ser-
vus enim cum nulla habeat bona,
unde reparatio fieri possit, ejusque
corpus

corpus domini sit, æquum sane est, ut dominus aut damnum resarciat, aut ipsum dedat. (Vbi notandum, sermonem hic esse de servis, quales apud vereres erant, ubi plane nihil possidebant, sed omnia dominis suis acquirere debebant.) Quando vero incitatur servus a domino ad inferendam injuriam, tunc dominus tenetur ad restitutionem, non servus; quia hic pro instrumento tantum habetur; prout aphor. præced. dictum; & quoniam dominus est causa moralis damni per servum dati. Imo & hoc caret dubio, quin dominus reparare debeat damna, quæ ab *animalibus* suis, suam per culpam aut instinctum data sunt; aut si ex naturali & usitata ferocia animal ipsius alterum læserit. Debebat enim dominus vel talia animalia non alere, vel sic ea custodire, ne alteri damnum dare possent.

XI. Fit

XI. Fit autem Reparatio, si res corrupta vel ablata restituitur; aut si hoc fieri nequit, æstimatio tum rei, tum fructuum (aliquando omnis Interesse, ut loquuntur) præstetur. De cuiusmodi reparationibus & satisfactionibus plura habentur in Jure Civili. Hic, quid Jure Naturæ debeat, breviter erat ostendendum.

XII. Secundum inter Absoluta Officium est: *Alium hominem, ut æque hominem tracta!* sive ut quivis alterum hominem sibi æqualem agnoscat, ratione (1) *Naturæ*. Eandem enim habemus naturam, & unus æque est homo ac alter, etsi viribus animi, corporisque gradu differunt. Omnes præterea ad unam stirpem referimus originem, omnes eodem modo propagamur, nascimur, morimur, fortunæ ludi-
briis

briis obnoxij sumus &c. (2.) *Juris*; dum legibus naturalibus cuncti obligamur ad colendam cum aliis hominibus vitam socialem; & quod juris quis in alium statuit, eo ipsum uti quam maxime convenit: (3) *Liber-tatis*; dum omnes, citra societatem specialem, aut pactum alium finem agnoscens, æque sumus liberi; h. e. nemo potestatis quidquam in alterum habet, sed quilibet actionum & virium suarum est moderator.

XIII. Unde necesse est (a) ut quisque alterum æquali jure frui patiatur; (b) ut speciatim qui, aliorum opera ad suum commodum uti vult, idem illis præstare non recuset. Quo pertinet Salvatoris nostri regula: *Omnia quæcunque vultis, ut faciant vobis homines, ita & vos facite illis*; Matth. VII. 12. (c) ut qui aliquid inter æquales distribuere debet, neutri quid præ altero indulgeat,

CAPUT IX.

De Officiis erga alios homines, iisque Absolutis.

I. **T**otum hominis Officium absolvitur, si erga Deum reverenter, erga seipsum temperanter, erga proximum seu alios homines innocenter ac socialiter se gerat. De generibus duobus prioribus, in præcedentibus actum est; nunc de tertio agendum.

II. Officia erga alios homines exercenda sunt vel Absoluta vel Hypothetica. *Absoluta*, quæ citra omne antegressum humanum institutum omnes homines obligant. *Hypothetica*, quæ certum statum adventitium, vel institutum per homines formatum aut receptum, præsupponunt. Sic multa sunt Juris Naturalis

lis præcepta, quæ, nisi posito dominio rerum distincto, atque imperio civili, non intelliguntur, neque locum habent: ut Furtum non esse faciendum; Principi esse parendum &c.

III. Inter Absoluta primum vulgo constituunt istud: *Neminem læde!* Hoc enim ad vitam socialem absolute necessarium est; idemque facillimum, cum in nuda actionis omissione consistat. Scharrockius Lib. III. de Officiis, hanc Officii partem *Innocentiam* vocat. Conf. Ciceronem III. de Offic. *Legibus populorum constitutum est, ut non liceret sui commodi causa nocere alteri; atque hoc multo magis exigit ipsa natura ratio, quæ est lex divina & humana; cui parere qui velit, omnes autem parebunt, qui secundum naturam volunt vivere) nunquam committet, ut alienum appetat, & id, quod*

quod alteri detraxerit, sibi assumat;
c. 5.

IV. Læditur vero aliquis (1.) in Corpore, per verbera, vulnera, cædem &c. (2.) ratione *Famæ*, per calumnias aut mendacia de altero sparsa. (3.) in *Bonis*, per furtum, rapinam, fraudem, corruptionem. Læſio in Bonis a nonnullis *Damnum* dicitur: quanquam a Pufendorfio & aliis hîc *Damnum* tam late accipiatur, ut non solum rerum, sed & corporis, famæ, pudicitia, læſionem, corruptionem, diminutionem, sublationem aut interceptionem ejus, quod ex jure perfecto debebamus habere, siue denique omissionem aut denegationem cujusvis officii debiti significet.

V. Cæterum ut aliquis a me lædatur, aut damno afficiatur, fieri potest vel (1.) per *adversum*, *Injuriam* siue *Læſionem* proprie dictam, quæ alteri dolo malo, aut destinato consilio infer-

infertur, eidemque invito; cum volenti non fiat injuria, etiam si rem patiat^rur injustam: vel (2) per ἀμαρτία, *Erratum* sive *Culpam*, citra propositum quidem, non tamen absque negligentia sive culpa, leviori vel graviore: vel (3) per ἀτύχημα, *Infortunium* seu *Casum fortuitum*; sic, ut læsio ista recte nobis imputari nequeat. Denique pro Damnis a nobis datis ea quoque habentur, quæ cooperantibus nobis per alios data sunt; imo & quæ citra culpam aut proæresin nostram a servis aut animalibus nostris sunt profecta. Vid. Exod. XXI. 28. seqq. 33. seqq. & H. Grotius de J. B. & P. Lib. II. cap. XVII. & Lib. III. c. XI.

VI. Qui vero alterum læsit, ad *Restitutionem* tenetur: frustra alioquin Læsionem lex Naturæ prohiberet. Et primo quidem is, qui dolo malo damnum dedit, ad omnimodam

dam reparationem; tum damni directo dati, tum ejus, quod inde consecutum est, tenetur. In statu naturali debet quoque cautionem de non amplius offendendo præstare: in civitate poenæ insuper est obnoxius.

VII. Dein ad Reparationem tenetur, qui citra propositum quidem, per culpam tamen graviolem damnum intulit; cum hæc quoque non minima socialitas pars sit, ita circumspicte agere, ut conversatio nostra aliis non fiat formidolosa aut intolerabilis; & sæpe ex peculiari obligatione, quis ad accuratam diligentiam adstringatur. Imo & culpa levior ad restitutionis necessitatem sufficere potest; si modo negotii natura exactissimam diligentiam non ultro velut aspernetur; aut illius magis, qui damnum accipit, quam qui dat, culpa versetur; aut nisi vehemens

mens perturbatio, vel negotii circumstantia, accuratam circumspeditionem non admittat; v. g. si quis in fervore pugnae, dum arma quatit, proxime sibi adstantem laedat. Huiusmodi tamen in causa laedens offerat reparationem, ac testetur, omnem malitiam abfuisse, ne laesus ipsum pro hoste habeat, ac hostilia vicissim intenter.

II. X. Quando per ἀτύχῃνα sive casum fortuitum, & citra culpam meam alterum laesero, ad restitutionem non teneor. Nam ubi a me nihil admissum est, quod imputari queat, nulla ratio est, quare ego magis, qui invitus damnum feci, fatale malum luere debeam, quam alter, qui accepit. Quod si pauper afo-upte, per casum fortuitum, sic laesus, divitis liberalitati congruum sit, miserum beneficio quodam fo-ari.

IX. Si

IX. Si plures ad unum actum, ex quo damnum profluxit, concurrerint, primo loco tenebitur, qui imperio, mandato, aut alio modo necessitatem inferente, ad factum impulit; is vero, qui factum patravit, & manū solūm admovit, hoc casu non tenebitur, quia instrumentalis tantum causā fuit : secundo loco tenebuntur, qui citra necessitatem ad facinus accesserunt, prout quisque ad illud quidpiam contulit; ita tamen, ut, si a prioribus reparatio fuerit facta, posteriores ab eadem immunes sint; quanquam a poena non sunt immunes.

X. Æquitati quoque naturali consentaneum erit, ut, si *servus vel homo noster* citra culpam nostram alteri damnum dedit, id vel ipsi compensemus, vel istum læso dedamus. Servus enim cum nulla habeat bona, unde reparatio fieri possit, ejusque corpus

corpus domini sit, æquum sane est, ut dominus aut damnum refarciat, aut ipsum dedat. (Vbi notandum, sermonem hic esse de servis, quales apud veteres erant, ubi plane nihil possidebant, sed omnia dominis suis acquirere debebant.) Quando vero incitatur servus a domino ad inferendam injuriam, tunc dominus tenetur ad restitutionem, non servus; quia hic pro instrumento tantum habetur; prout aphor. præced. dictum; & quoniam dominus est causa moralis damni per servum dati. Imo & hoc caret dubio, quin dominus reparare debeat damna, quæ ab *animalibus* suis, suam per culpam aut instinctum data sunt; aut si ex naturali & usitata ferocia animal ipsius alterum læserit. Debebat enim dominus vel talia animalia non alere, vel sic ea custodire, ne alteri damnum dare possent.

XI. Fit autem Reparatio , si res corrupta vel ablata restituitur ; aut si hoc fieri nequit, æstimatio tum rei, tum fructuum (aliquando omnis Interesse, ut loquuntur) præstetur. De cuiusmodi reparationibus & satisfactionibus plura habentur in Jure Civili. Hic, quid Jure Naturæ debeat, breviter erat ostendendum.

XII. Secundum inter Absoluta Officium est : *Alium hominem, ut æque hominem tracta !* sive ut quivis alterum hominem sibi æqualem agnoscat, ratione (1) *Naturæ*. Eandem enim habemus naturam, & unus æque est homo ac alter, etsi viribus animi, corporisque gradu differunt. Omnes præterea ad unam stirpem referimus originem, omnes eodem modo propagamur, nascimur, morimur, fortunæ ludibriis

briis obnoxii sumus &c. (2.) *Juris*; dum legibus naturalibus cuncti obligamur ad colendam cum aliis hominibus vitam socialem; & quod juris quis in alium statuit, eo ipsum uti quam maxime convenit: (3) *Liber-tatis*; dum omnes, citra societatem specialem, aut pactum alium finem agnoscens, æque sumus liberi; h. e. nemo potestatis quidquam in alterum habet, sed quilibet actionum & virium suarum est moderator.

XIII. Unde necesse est (a) ut quisque alterum æquali jure frui patiatur; (b) ut speciatim qui, aliorum opera ad suum commodum uti vult, idem illis præstare non recuset. Quo pertinet Salvatoris nostri regula: *Omnia quæcunque vultis, ut faciant vobis homines, ita & vos facite illis* Matth. VII. 12. (c) ut qui aliquid inter æquales distribuere debet, neutri quid præ altero indulgeat,

XIV. Peccatur contra *Æqualitatem* istam (1) per *Superbiam*, quando quis nulla de causa, aut non sufficiente, aliis se præfert, eosdemque communi jure frui prohibet; (2) per *Contemptum* signis exterioribus ostensum, v.g. verbis, risu, contumelia &c. quo ipso non potest non pax & socialitas turbari.

XV. Ex dictis etiam colligitur, sententiam illam, qua homines quidam *naturâ servi* statuuntur, non esse admittendam: quamvis enim quidam sint hebetiores, quidam perspicaciores aliis; non tamen aptitudo naturalis ad imperandum his statim dat imperium in illos, quibus a natura durius est ingenium servitioque aptum; sed facto & consensu humano opus est, ut imperium in alios cui-dam deferatur, alterque alteri subji-ciatur. Non enim statim Rex est, qui ad regendum aptus videtur. Ita-que

que ob habilitatem naturalem, neque ad imperandum apto jus competit perfectum ad imponendam alteri servitutem; neque stupido datur obligatio ad eam recipiendam.

XVI. Tollitur naturalis *Æqualitas* per Imperia, facto & consensu hominum introducta: qualia sunt Imperium *Patrum, Herile, Civile*; quanquam oeconomica ista & civilis Inæqualitas nihil obstat præceptis illis, quæ ex æqualitate naturali profluunt.

XVII. Tertium inter Absoluta Officium est: *Alterius hominis utilitatem, quantum commode potes, promove!* Parum enim est, alterum non læsisse; aut æstimationem debitam ei non detraxisse; per quæ officia, justa solum odii causa removeretur. Boni etiam aliquid in alterum est conferendum, siquidem

O

arctio.

arctiore adhuc vinculo animi hominum sunt conjungendi.

XIIX. Enimvero profumus alteri, ejusque commoda promovemus, vel Indefinite vel Definite. *Indefinite*, si animum corpusque nostrum egregiis artibus ac virtutibus ita excolimus, ut ad promovendas aliorum utilitates indistincte apti atque idonei reddamur; aut si per ingenii nostri solertiam talia invenimus, quibus vita humana redditur instructior. *Definite*, si quispiam certis hominibus certi quid indulgeat, quod ipsis emolumentum aliquod asferre queat. Idque fit (a) vel citra detrimentum nostrum, molestiam aut operosum laborem; quælia bona alteri denegare aut invidere, detestabilis habetur inhumanitas. Huc pertinent *Officia*, quæ vocant, *innocua utilitatis*; e.g. erranti comiter viam monstrare, lumen alteri de suo lumine

mine accendere; concedere haustum præterfluentis aquæ; advenas, præsertim calamitate pressos, hospitio non prohibere; consilio fideli alterum juvare, clientem patrono commendare &c. Verbo: *quæ accipientibus profunt, danti non obsunt.* Cum vero (b) ex singulari affectu gratis quid in alterum confertur, impenſa aut opera nostra laboriosa constans, ut insignis eidem utilitas inde concilietur, *Beneficium* κατ' ἐξοχήν appellatur, cujus dispensationem ac modum conditio Dantis & Accipientis temperet ac moderetur.

XIX. Ut vero homines ad promiscua ejusmodi humanitatis officia eo magis incitentur, in accipientibus vicissim requiritur *gratus animus*; h. e. ut is, qui accepit beneficium, ostendat, hoc sibi gratum fuisse, dantiqve ideo se favere, & ad reponenda paria, paratum esse. Notandum

tamen, quod velut ad beneficia danda, sic ad gratum animum ostendendum, nemo perfecte (sed imperfecte) obligetur. Sunt enim Officia humanitatis; ad quæ præstanda nemo vi adigi debet vel potest. Intelligi enim nequit beneficium, quod non fit gratis; neque gratæ mentis officium, ad quod quis vi adigi potest: tunc enim non beneficium, sed creditum esse incipiet. Interim *in-grati animi crimen* habetur pro turpissimo; per quod alii quoque a beneficiis conferendis absterrentur: idque cum injuria conjunctum, & belli & actionis causam præbet, propter injuriam.

CAPUT X

De Officiis Paciscentium.

- I. **A**B Officiis Absolutis ad Hypo-thetica fit quasi transitus per Pacta

Pacta intermedia : quippe cum omnia Officia, præter hætenus enumerata, Pactum expressum vel tacitum videantur præsupponere. Ut igitur sequentium Officiorum indoles recte noscatur, agendum hîc erit de Natura Pactorum, & quid illa ineuntibus sit observandum.

II. Est vero *Pactum* duorum pluriumve, in idem placitum de dando aliquo aut faciendo, consensus. Quo ipso a Promissione discernitur: quando enim unus duntaxat ad præstandum aliquid se obstringit, vocatur *Promissio* ; quando duo pluresve ad præstandum quid mutuò se obligant, vocatur *Pactum*. JCi dicunt: Pactum est duorum consensus atque conventio ; Pollicitatio vero offerentis solius promissum.

III. Promissio est vel Perfecta vel Imperfecta. *Perfecta* est declaratio voluntatis, quod alteri sic obligari

velim, ut ipsi liceat rem promissam, tanquam debitam, a me exigere. ^{Pollicitatio} ~~Imperfecta~~ est declaratio voluntatis, quod alteri velim obligari, sed ita, ut ipsi non liceat rem promissam, ut debitam, a me exigere; quales promissiones sæpe sunt Parentum, Principum & Patronorum. Cum neutra confundenda est *Nuda Assertio*, quando declaro alteri voluntatem meam, quam in præsentì habeo de commodis ejus promovendis; fictamen, ut nec ad perseverantiam me obligari velim; e.g. jam cogito, quod te velim hæredem meum facere. Qualis quidem huc non pertinet.

IV. Paciscentium ac Promittentium Officium est, ut fidem in pactis & promissis recte datam servent. Hoc enim nisi fieret, socialitas salva esse nequirit; & hominis vita foret misera: cum nemo rationes suas aliorum hominum subsidiis firmiter super-

superstruere posset ; imo ex violata fide plurima damna bellique causæ pullulare soleant.

V. Ut vero Pactum , & quod eo promissum est, validum sit, certæ requiruntur conditiones : (1) Ultro-neus Paciscentium consensus per signa idonea (puta voces , literas natusve) declaratus : quanquam contingat aliquando , ut ille citra ejusmodi signa, ex ipso negotio, aliisve circumstantiis, ab omnibus hominibus rationis compotibus colligatur ; ipsumque Silentium certis cum circumstantiis consideratum, consensum interdum declaret. Vnde tritum illud : *Qui tacet, consentire videtur.* Quæ tamen regula suas etiam habet exceptiones.

VI.(2) Requiritur, aut præsupponitur potius, Usus rationis, ut quis præsens negotium, & quid sibi conveniat, intelligat. Vnde sequitur, pacta

O 4 & pro-

& promissa *infantum*, *auentium* ac *furiosorum*, (nisi ubi dilucidis forte intervallis furor distinguitur) ut & *ebriorum*, nulla esse. Nec etiam promissa valent *puerorum*, donec ad annos discretionis pervenerint : quos tamen definire certo non licet ; quia citius alii, alii tardius sapiunt. Judicandum igitur ex quotidianis eorum actibus, aut ex eo etiam, quod communiter in quaque civitate aut regione accidit.

VII. (3) Ut Error, Dolus, Metusque injustus absint. Et *Error* quidem, uti consensum impedit, ita & pactum irritum reddit ; sed tunc demum, si circa essentiam rei, aut ejus qualitatis, de qua paciscendo potissimum actum, commissus fuerit. Si vero profectus sit ex negligentia aut præcipitantia paciscentis, hic obligatus erit ad pensationem damni ex pacto irritato alteri illari. *Dolus* paci-

scentis

scientis pactum utique reddit irritum: *tertiū* non item, utut hic ad damni dati restitutionem sit obligatus. *Metus* h. e. terror animi, nisi ita vehemens fuerit, ut omnem rationis usum excusserit, pactum per se non reddit irritum: adest enim & in metu aliqualis consensus. Quod si autem fuerit *iniustus*, (h. e. per vim injustam a promissario incussus) pactum irritum reddit, non ob defectum consensus, sed quia incutiens istum, non habet jus promissum acceptandi. Lex enim Naturæ, quæ metum injustum alteri incutere vetat, jus quoque ex isto metu acquirere, lucrumve facere prohibet. Loquimur autem hic de Pactis injuratis. Quod si iusjurandum etiam intercesserit, alia eaque difficilior quaestio hinc exoritur.

II. (4). Ut res & materia Pactorum & Promissorum sit physice &

O 5 mora-

moraliter possibilis; nec sit res aliena, sed nostra. *Physice & moraliter possibilis* h.e. cujus præstatio non sit supra vires nostras, neque lege aliqua prohibita. Si quis physice impossibilia promittit, agit stolide; si moraliter impossibilia, improbe. Tali-um igitur Impossibilium (utroque modo consideratorum) nulla est obligatio. Ac frustra etiam paciscimur circa *res alienas*, in quantum non sunt nostræ, sed alterius imperio & arbitrio subjectæ. In quod enim nullum nobis est jus, id in alium transferre non possumus.

IX. Denique ut Promissio valida sit, requiritur etiam in eo, cui promittitur, *Acceptatio*, quæ nihil est aliud, quam ejus, cui aliquid promittitur, consensus, per signa idonea declaratus, se id, quod promissum est, acceptaturum. Hic consensus si absit, seu quando alter oblatum promissum

missum acceptare nolit, res promissa penes promissorem manet. Nimirum qui alteri rem suam offert, neque invito eam vult obtrudere, neque pro derelicta habere. Ergo si alter non acceptaverit, juri promittentis in rem oblatam nihil decessit.

X. Ratione Modi Promissa vel habent adjectionem notabilis alicujus Circumstantiæ, e. g. temporis, eventus, loci &c. Vel circumstantiam ejusmodi adjectam non habent. Hæc vocantur *Pura*; inter illa eminent *Conditionata*: ad quæ requiritur, ut validitas eorum conferratur in eventum futurum, eumque incertum, minimum respectu notitiæ contrahentium; v. g. Dabo tibi centum imperiales, si Cæsareani Gallos profligaverint. Ut ita *Conditiones proprie dictæ* non sint, quæ omnibus Promissis, etiam Puris, tacite insunt; ut dabo tibi hoc, si vis ma-

for me non impediatur; aut si stabit mundus &c.

XI. Porro Conditiones alia sunt Possibiles, alia Impossibiles. *Possibiles* sunt, quæ obligationem suspendunt ex eventu, qui physice & moraliter contingere potest. Distingvuntur in *Casuales*, *Potestativas* & *Mixtas*. *Casualis* five fortuita conditio est, quæ ex mero casu aut fortuna obtingit, adeoque ut existat vel non existat, penes nos non est; ut, dabo tibi hoc, si intra triduum non pluet. *Potestativa*, quæ ut existat vel non existat, penes eum est, cui promittitur; ut, dabo tibi hoc, si per totum diem domi manseris. *Mixta*, cujus impletio partim ab arbitrio ejus, in quem confertur, partim a casu, adeoque etiam ab arbitrio tertii, pendet; ut, præstabo hoc, si virgo Maria tibi nupserit. *Impossibilis* conditio est *physice* talis, quæ per rerum naturam fieri non potest; vel *Moraliter*

ter talis, quæ contra leges fieri non debet. Ejusmodi conditiones adjectæ, si naturalem interpretandi simplicitatem sequamur, præsertim ubi uterque (promittens, & is, cui promittitur) impossibiles eas scivit, negantem, adeoque nullam faciunt promissionem. In Promissis igitur conditionatis debet conditio esse possibilis, honesta, dubia, ut incertum sit, an eveniat, saltem respectu scientiæ nostræ ad eam se referentis; futura, (ita ut ejus notitia adhuc sit futura paciscentibus) & indebita, ut ne antea ex justitia aliqua eam teneam præstare.

XII. Pertinet quoque ad Modos promittendi, quod promittamus & paciscamur vel nos ipsi, vel per alias homines, quos velut internuntios & interpretes voluntatis nostræ esse volumus. Id eorum stilo personæ hæc vocantur *Mandatarii* & *Procuratores*, interdum & *Delegati*. Hi

igitur, si *bona fide* egerint, neque fines mandati manifestos excesserint, firmiter nos iis, quibus cum nostro nomine pacti sunt, obligant. Ceterum vero, pro illo, cum quo paciscimur, alia etiam persona substitui potest. Vid. H. Grotius Lib. II. de J. B. & P. c. XI. §. 18. De distinctione inter Mandatarium, in quo *usus iudicii* requiritur, & eum, qui mihi *ministerium* corporale tantum præstat, (unde quæstiones multæ dijudicari possunt) vid. Cl. Thomasius Jurispr. Div. Lib. II. c. VII. §. 116. seqq. Atque ita se habent Officia Hominis Absoluta, ut & ea, per quæ veluti transitur ad alia.

CAPVT XI

*De Officiis erga alios homi-
nes Hypotheticis, ac spe-
ciatim*

*De Officiis Sermocinantium
& Jurantium.*

I. **O**fficiis Hypothetica supra vo-
cavimus, quæ factum aut in-
stitutum aliquod humanum præ-
supponunt. Qvalia instituta uni-
versalia, sine quibus genus huma-
num subsistere non potuit, tria sunt:
*Sermo, Dominium rerum, harumque
Pretium.*

II. *Sermo* est vox hominis articu-
lata, (sive ex vocibus juncta oratio)
per quam animi sui sensa aliis homi-
nibus significare potest. Est ille op-
pido utile ac necessarium societatis
humanae

humanæ instrumentum, ut multi
vel ex sola loquendi facultate colle-
gerint hominem ad agendam vi-
tam socialem a natura destinatum.
Ac præcipuus certe sermonis finis
est, ut vita hominum socialis conser-
vetur & promoveatur! Unde prono
fluit alveo: *Sermone ita utendum,
veluti natura & ratio socialita-
tis requirit.* Id quod de aliis quo-
que mentem nostram exprimenti-
bus signis, (scriptura, gestu, nutu
&c.) quæ sermonis vicem quando-
que subeunt, pariter est intelligen-
dum.

III. Hinc & regulæ hæc speciales e-
manant: (1) Quoties ex humanitate
(i.e. ad aliorum hominum commo-
da promovenda, & damna averten-
da) aut pacto, aliave lege teneris, to-
tus loquere, sive animi tui sensa si-
gnis liquidis significa! (2) Tace, si
per

per sermonem tuum alii offendantur, aut damnum præter meritum incurrant; aut humanitas, vel pactum, vel tua etiam salus, aut generatim pax communis taciturnitatem exigant! (3) Vocabula non in alia significatione adhibe, quam ferri usus, aut conventum est. (4) Ea loquere, quæ cum animo tuo conveniunt, & quæ alter ex te cognoscendi jus habet! (5) A Mendacio seu Falsiloquio Morali semper abstine. Falsiloquio Logico uti nonnunquam licet; at non Morali.

IV. Nimirum *Mendacium* propriè dictum, seu *Falsiloquium Morale*, est discrepantia verborum aut signorum a rebus & cogitatis nostris, quæ alter ex nobis intelligendi jus habet. *Falsiloquium Logicum* est discrepantia verborum aut signorum a rebus & cogitatis nostris, quæ alter ex nobis intelligendi jus nullum

lum habuerit. Proinde celare veritatem, aut aliter quam sentimus, loqui licet, quando id requirit Dei honor, aut salus publica, vel nostra etiam & proximi. Ita hostem fallere licet; hic enim nullum jus habet verum ex nobis cognoscendi. Ita iudici fictis argumentis uti quandoque licet ad expiscandam veritatem; & Medico ad persuadendum ægrum, ut sumat medicamina: ille enim neminem lædit, ac potestatem quoque habet in veritatem inquirendi; hic servare ægrotum intendit. Contra vero falsa testimonia, fidei in contractibus violatio, malitiosæ simulationes, æquivocationes & restrictiones mentales, ad Falsiloquia Moralia, in se turpia, omnino pertinent, quia per eas jus alterius læditur.

V. Objicis ratione Falsiloqvii Logici: Natura dedit homini sermonem, ut sit mentis interpretes, non ut
per

per illum fallat alios. Resp. Non ut *illicite* fallat agnoscit. Neque natura dedit homini sermonem, ut semper & ubiq; animi sui sensa proferat; sed ut hoc fiat cum prudentia, & secundum leges; utque sermone mutuis & communibus commodis consulatur. Et cum hic posterior (mutui videlicet ac publici commodi propagatio) sit primarius sermonis finis, a quo prior ille mensuram capit, non poterit contra legem naturæ esse intentio fallendi, quæ ad hunc finem directe tendit. Eleganter affert instantiam ad prolatam objectionem, de manibus itidem a natura datis, B. Dürrius in Problemate Morali LXXXIII. pag. 143.

VI. Solent vero homines sermoni & actibus, in quibus sermonis usus sese exerit, firmamentum aliquod addere *Jurejurando*. Ac licite quidem; quoniam nec Leges naturales, nec

nec divinæ positivæ obstant; sed potius hoc religionis vinculum sæpe exigunt ac requirunt. Est autem *Jusjurandum* religiosa Numinis divini, tanquam testis & vindicis, invocatio, in assertionis aut promissionis confirmationem.

VII. Dividitur hinc in *Assertorium* & *Promissorium*. Illud adhibetur, ut rem gestam confirmemus, vel factum quodpiam illiquidum probemus, ubi veritas aliis rationibus commodius investigari nequit. Tale exigitur a testibus, seu iis, qui alieni facti habentur conscii. Promissorium est, quo jurans homini pollicetur, se impofterum facturum aliquid vel non facturum. Idque promissis ac pactis addi solet, ut eo majore cum religione observentur.

IIIX. Est vero jurandum per *solum Deum verum*; quia, præter illum, nullum ens est omniscium aut omnipotens.

nipotens, quodque pejerantes. majore vi, quam homines uti solent, punire possit. Hinc juramenta per Deos falsos, per Genios principum, ut olim apud Romanos, aliasve res creatas concepta, impia sunt; imo & irrita insuper, si jurans ipse nullam divinitatem illis tribuat. Interim tamen juramenta per vana etiam Numina aut creaturas concepta, si jurans id, per quod juravit, verum Deum esse credat, jurantem in conscientia obligant, eaque acceptare licet, si aliud haberi nequeat.

IX. Quemadmodum vero jusjurandum de *re illicita & impossibili* praestitum non obligat; ita *hosti* tamen & *haeretico* datum est servandum; quia omnes homines, usu rationis praediti, sunt capaces juris ex promisso, cum primis jurato; & jus naturae ita hominibus omnibus commune est, ut religionis discrimen

men non admittat. Difficilior ista est qvæstio: An iuramentum *metu injusto* (e.g. a latrone) *extortum* obliget coram Deo, & secundum jus naturæ? (Nam secundum jus Civile & Canonicum certum est, talia iuramenta non obligare, aut saltem per restitutionem in integrum sive absolutionem rescindi.) Negant Pufendorfius & Thomasius; affirmant vero Grotius, Kulpisius ac plures; imprimis Balduinus Cas. Consc. Lib. II. cap. IX. Cas. XII. p.m. 349; dicentes: *Per iuramentum Promissionem Deo fuisse factam, cuius nomen non sit profanandum.* Sed regerit Cl. Thomasius; Non præsumendum, Deum, in favorem hominis nequam, promissionem talem acceptasse.

X. Præterea non obligat iuramentum, ad quod alter *dolo malo* me seduxit; ut si quis ex remotis locis ætum mihi nuntium attulerit, ob
quem

quem præmium ipsi jurato promiserim, postea autem falsa illum nunciassè deprehendero, haudquaquam juramento isto tenebor. De jurejurando Josuæ Gibeonitis præstito vid. Pufend. de J. N. & G. Lib. IV. cap. II. §. 7, & Ambrosius Offic. III. c. 10.

XI. Regulæ officii circa jusjurandum hæc sunt : (1) Loquere verum in perhibendis testimoniis juratis ! (2) Serva religiose promissa jurejurando firmata ! (3) Non jura temere ! h. e. ubi Cultus Dei, aut tua vel proximi salus id non exigit. (4) Nec temere juramentum posce ! (5) In juramentis æquivocationes, cavillationes & mentales reservationes omnino sunt vitandæ !

XII. Si quis falso jurat, dicitur *Perjurium*, h. e. mendacium in jurejurando ; id quod apud omnes gentes moratiores pro atrocissimo crimine semper est habitum : quia
perju-

perjurus manifesto satis testatur, se Deum contemnere, nec ejus omniscientiam, potentiam ac justitiam reuereri.

CAPVT XII

De Officio circa acquirendum & acquisitum rerum Dominium.

I. **A**lterum institutum universale, cui certa innituntur Officia, est *Rerum Dominium*. Per *Res* hic intelliguntur res in usum & delectationem hominis a Deo creatæ; ut agri, silvæ, lacus, metalla, mineralia, aliaque vegetabilia; nec non plantæ ac fruges, quæ citra sensum corrumpuntur; sed & animalia bruta, quæ citra peccatum ab homine, cibi & vestitus causa, ut ut cum dolore, occiduntur & consumuntur.

II. Re-

II. Rebus hisce hujus mundi tam animatis quam inanimatis uti potest homo; quia nihil est, quod usum illarum prohibeat, homoque iis ad sui conservationem indiget; quamcum DEVS velit, voluit quoque ut mediis uteretur, sine quibus conservatio obtineri non potest. Vbi tamen hæ notandæ sunt regulæ: (1) Utere rebus creatis, a DEO in usus tuos concessis, ad gloriam, non contumeliam Creatoris! (2) Ita illis utere, ut per usum istum non evertas Bona tua Animi & Corporis! (3) Nec abutere illis ad superbiam, damnumve aliorum.

III. *Dominium* vero est jus, quo res aliqua alicui est propria. Estque vel Privatum vel Publicum; Plenum vel Diminutum. *Privatum* dominium nominant, quod singulæ personæ ac societates non-civiles seorsum habent; *Publicum*, quod
P gerit

gerit ipsa Respublica. *Plenum* est, quando proprietates rei & ususfructus eidem domino actu competit. *Diminutum*, quando ususfructus rei ad unum, & substantia eius ad alterum pertinet. Huc referunt *Directum* & *Vtile* Dominium; quorum conceptum explicare satagunt Jura Positiva.

IV. Dominium & Proprietas hæc in doctrina sunt Synonyma, etsi quandoque a Scriptoribus usurpentur diversimode. Nimirum *Proprietas* est, quando res quædam sic ad aliquem pertinet, ut eodem modo non pertineat ad alium. *Communio* autem est, quando rei substantia ita pertinet ad aliquem, ut eodem modo ^{in solidum} pertineat ad alium. *Communio* est vel Positiva vel Privativa: Illa est, cum res ita pertinet ad plures, ut in plurium conjunctim sumtorum sit proprietate: hæc, quando res secundum

cundum substantiam nullius est, secundum usum omnibus patet.

V. Jam quod ad Originem Domini attinet, supponendum est ex historia, Deum primis nostris Parentibus a se conditis concessisse facultatem rebus omnibus ad sui conservationem, diviniqve Nominis gloriam, utendi. Facultatem inquam; *Dominium* enim vix accurate dixeris, cum nondum alii fuerint homines, qui ab earundem rerum possessione potuerint excludi, adeoque rerum nec *proprietas*, nec *communio positiva* erat; utraqve enim *dominium* supponit: sed *communio privativa*. Atqve hæc est *communio illa prima*, tot Scripturibus & Poëtis antiquis, e junioribus etiam Grotio, Pufendorfio, Textori, Thomasio, aliisque decantata.

VI. Sed ob multiplicatos homines, humaniqve ingenii malitiam, hic

rerum status diuturnus esse non potuit. Ergo dominium rerum introducendum fuit; idque hoc ordine factum esse verosimile est, ut primo *fructus*; dein rerum substantias, inter se dividerint; addito pacto, ut, quæ non divisa essent, illi cederent, qui primus ea sibi asseruisset. Idque cum ad præsentem tunc generis humani conditionem, & studium pacis socialitatisque (nam communio plerunque mater est discordiæ) plane necessarium fuerit, Summi Numinis approbationem accessisse, hinc colligitur.

VII. Ad Objectum Domini quod attinet, notandum, duo requiri; ut res *propria* fieri possit: (1) ut præbeat usum; (inutilia enim propria sibi facere ineptum est) sed cum, qui exhausti possit. Ula enim, quæ inexhausti sunt usus, dominio subicere, aut ineptum foret, aut inhumanum;

num; nisi forsan cum rebus aliâs propriis cohæreant. Sic lumen caloremque solis, aërem, aquam profluentem, a proprietate liberâs relinquere, rationi congruum est; sed quatenus cum prædiis aut ædificiis nostris cohærent, servitutes quasdam producere aptæ sunt: v. g. servitutem altius non tollendi vicinum ædificium, ne lumini aut prospectui nostro officiat &c. (2.) Requiritur, ut res ista ab hominibus apprehendi & custodiri queat: ceteroquin enim alii ab ejus possessione arceri non possent.

II X. Atque hinc, quid de *Dominio maris* sentiendum sit, liquet. Nempe quatenus usus ejus exhaustiri, illudque custodiri potest, eatenus domini est capax; sed quatenus usum inexhaustum præbet, & custodiri nequit, dominium respuit. Unde sequitur, pacatam Oceani navigationem

nem omnibus nationibus esse liberam debere; quia in communione primæva permansit. Vid. hîc Pufend. de J. N. & G. Lib. IV. c. 5. §. 5. & seqq. Ac notetur regula specialis: Vt homo res inexhaustæ utilitatis, & a quarum usu alios arcere vires humanas excedit, intra primævam communionem manere sinat.

IX. *Modi* acqvirendi rerum Domini sunt vel Originarii vel Derivativi. *Originarii* sunt, quibus ab initio in rem aliquam proprietas introducit. Sic olim, cum primum hominum genus in plures familias dividi cœpisset, primus modus erat ipsa rerum *Divisio*, facta vel auctoritate parentis, vel pacto, vel sorte, vel optione. Quæ hoc modo non divisa, sed in primæva communione relicta fuerunt, super his conventum, ut ea cederent occupanti. Adcoque res hodiernum originariè acquiruntur per Occupationem.

X. Est

X. Est vero *Occupatio* apprehensio rei antea nullius, cum animo sibi eam appropriandi. Sicut autem Res ipsæ variant, ita variat quoque rerum apprehensio. Hinc mobilia manibus, immobilia ingressione siue pedibus apprehenduntur. Hoc modo acquiruntur regiones desertæ, quæ fiunt illius, qui primus istas ingreditur animo eas sibi asserendi, ita ut culturam iis adhibeat, limitesque constituat. Per Occupationem quoque acquiruntur feræ bestię, aves, pisces; item si quæ a mari in litus ejici solent: modo tamen per Imperium civile promiscua ejusmodi rerum captura non sit interdicta, aut certo alicui assignata. Sic & res derelictæ, quas prior dominus abiecit, nec vult recuperare, cedunt occupanti; resque aliæ, quarum dominus ignoratur; quo & thesaurus pertinet, qui cedit inventori, ubi per

leges civiles aliter non est dispositum.

XI. De Acquisitionibus *Accessionum* observanda est regula : Qui dominus est substantiæ, ad eum quoque pertinent accessiones. *Accessionum* autem nomine veniunt omnes *fructus* tum *naturales*, tum *industriales*, tum *civiles*. *Illi* naturæ, *isti* facti & industria hominum, *hi* per contractus proveniunt, uti usura, pensiones &c. Omnes hi fructus, secundum regulam traditam, pertinent ad dominum rei, ex qua resultant. Hinc & foetus pertinet ad dominum matris; plantata & consita in solo, ad dominum soli; quæ per alluvionem accrescunt, ad eum, qui est dominus ac possessor agri; nisi constet, unde res venerit.

XII. Præterea contingit interdum, ut alii aliis viis jura sibi in res nostras acquirant: ut sunt, jus emphy-

phyteuticum, jus superficiei, jus possessoris bonæ fidei ; pignus seu hypotheca ; servitutes ; de quibus fuse agunt Juris Romani interpretes, & Pufend. de J. N. & G. Lib. IV. c. 8.

XIII. *Derivativi* vero Modi sunt, quibus dominium, jam constitutum, ab uno homine in alium transit. Idque fit vel ex *dispositione legis*, vel *facto prioris domini*. Ad priorem modum pertinent *Successiones ab intestato*. Si enim quis moriatur, voluntate sua de bonorum suorum translatione non legitime satis declarata, tunc præsumitur, illum voluisse bona sua ad eos devolvi, quos præcæteris dilexit. Cum vero præsumptiones hæ sæpe a vera defuncti voluntate aberrant, succurrit hîc Lex naturæ, jubens, ne dominia in incerto sint, & ne innumeris litibus fenestra aperiatur, ut is succedat, cui secundum naturæ ordinem quisque

præ cæteris bene cupere debebat. Ordo igitur in successione ab intestato hic est : ut primum locum teneant *descendentes*, primi & ulterioris gradus, quia his debentur alimenta ; secundum occupent *ascendentes*, per legem gratitudinis ; tertium denique *collaterales*, ob ortus communionem & sanguinis proximitatem.

XIV. Quæ autem facto domini prioris ejusque consensu expresso fit translatio, ea aut *inter vivos* fit per Donationem : aut *post mortem* per Testamentum. Adeoque definitur *Testamentum*, quod sit declaratio voluntatis nostræ circa successores in bona nostra, post mortem nostram. Unde consequitur, ante mortem testatoris heredi proprie nullum jus in bona illius competere ; ac testamentum etiam ante mortem mutari posse.

XV. Peculiaris denique modus acquirendi est *Usucapio*, qua is, qui bona

bona fide iustoque titulo rei alicujus possessionem nactus est, eamque diu quietam nec interruptam obtinuit, pro perfecto tandem ejus rei domino habetur, jure prioris domini extincto. Dico (1) *bona fide*; unde res vi aut furto ablata a raptore & fure usucapī non possunt; (2) *diu quietam possessionem*; sive ut quis per longum temporis intervallum rem quiete possederit. Hinc *Prescriptio* in Jure locum habet; ac tempus, pro diversitate rerum usucapiendarum, modo longius modo brevius, est determinatum.

XVI. Officia circa rerum dominia acquisita his regulis (præter datas § 2. Cap. huius) includi possunt: (1.) Ne alios rerum suarum dominio directe aut indirecte privemus. (2.) Si res aliena ad nos pervenerit, eamque adhuc in potestate nostra habeamus, quantum in nobis est, efficiamus,

mus, ut ad legitimum dominum redeat. (3.) Quod si vero *consumpta* sit, ut tantum reddamus, in quantum facti sumus locupletiores. Nemo enim ex immerito alterius damno lucrum capere debet.

CAPUT XIII.

De Pretio.

I. **T**ertium Institutum universale est *Pretium* rerum & actionum. Causa, cur hoc introduceretur, necessitas & humana indigentia fuit. Post introducta enim rerum dominia, coeperunt commercia ac rerum permutationes; quæ sine pretio commode fieri nequeunt. *Pretium* vero est valor rerum & actionum in commercium venientium, quatenus usum aliquem & delectationem hominibus afferunt. Est vel *Vulgare* vel *Eminens*.

II. *Vul-*

II. *Vulgare* pretium est, cum mutuo inter se quæcunque res & operæ conferuntur. Fundamentum ejus est *Utilitas*, quam res & actiones in vita hominum præbere possunt. (Hinc res *inutiles* vocantur *nullius pretii*.) Ac fundamenti illius respectu rerum pretia vel intenduntur vel remittuntur; quo majorem scilicet aut minorem usum ac jucunditatem in vita afferunt. Speciatim vero *Vulgare* rerum pretium intenditur (1.) ob earum *raritatem*, maxime si necessitas & indigentia accedat. Vnde illud: Omne rarum carum. (2.) In artificialibus ob *elegantiam* & *subtilitatem operis*, *celebritatem artificis* &c. (3.) ob causam particularem, aut affectionem, qua quidam res suas amplectuntur; unde *pretium affectionis*. Contraria horum pretium imminuunt.

III. Sunt vero res quædam, et si

utilissimæ, quæ pretium tamen non habent: (1.) quod omne pretium superent, inque commercium venire non debeant, ut actiones sacræ, iustitia &c. (2.) quia extra dominium sunt positæ, & in communione relictæ; ut, aër, lumen, aqua profluens: nisi quatenus cum rebus nostris cohærent, quarum pretium utique augere vel minuire solent.

IV. Definiuntur rerum Pretia in statu naturali *contrabentium conventionem*: in statu civili, a *summo Imperante*, vel per legem, unde pretium *Legitimum*; vel ex usu fori ac per communem civium æstimationem, hinc pretium *Commune*. A pretio legitimo, plus exigendo discedere non licet, etsi minus accipere, si velis, non prohibearis.

V. Cum autem permutatione rerum commercia difficulter procederent, necesse fuit, ut Pretium *Eminentius*

uens introduceretur, ad quod nempe cæterarum rerum ac operarum pretia vulgaria exigerentur, & in quo eadem virtualiter continerentur; quod appellatur *Numus* vel *Pecunia*. Et vero materia pretii eminentis debet esse (1.) rara & æstimabilis; (2.) substantiæ solidæ & compactæ, ut usu non facile deteri queat; (3.) divisionem in minutas particulas admittens; (4.) custodiæ & translationi apta. Aptissima proinde hunc ad usum sunt metalla nobiliora, *aurum, argentum, æs*, habita tamen ratione præstantiæ unius præ altero. In casu necessitatis numi etiam plumbei, ferrei, coriacei &c. vicem veræ pecuniæ subire possunt.

VI. Pretium Eminens in statu naturali constituunt gentes: in statu civili is, penes quem est summa potestas circa moneram. Idque fit vel certo definito pondere, vel quod passim

sim receptum, impressâ Imperantis imagine, aliisque notis, e quibus numerorum valor constare possit. Notent vero *Imperantes* hanc regulam: In valore numerorum non debere fieri mutationem, nisi summa reip. utilitas id suaferit; quæ tamen mutatio quo modestior fuerit, eo minus rationes civium perturbabit. *Parentes* istam: ab omni pecuniæ corruptione abstine; remque tuam ita compara ad rem alterius, ut hunc neque sine justa causâ inæqualem iudices, neque decipias ac defraudes!

VII. Pleraque omnia hominis *Officia erga alios*, revocari possunt ad *Charitatem & Justitiam*. Et illa quidem Virtus, quæ alterum non lædimus, *Justitia Universalis* aut *Innocentia* nomine insigniri solet; cui opponitur *Injustitia Universalis*, & alios injuriose tractandi libido; ubi vitium speciatim, quo lædimus alios
in

in corpore, vocatur *Immanitas*, in bonis, *Furacitas*, in fama *Maledicentia* & *Calumniandi libido*. Virtutes, quibus injurias illatas excipimus ac despiciamus, sunt *Mansuetudo* & *Magnanimitas*. *Æqualitatem* naturalem observant *Æquitas* & *Humilitas*; quibus adversantur *Iniquitas* & *Superbia*. Aliorum hominum utilitates & commoda promoveant *Charitas*, (*Φιλανθρωπία*) *Hospitalitas*, *Liberalitas*, & quæ beneficia rite accipit, *Gratitudo*. Charitati opponitur *Omissio officiorum humanitatis*, (*Μισανθρωπία*) *Hospitalitati* *Inhospitalitas*, *Liberalitati* *Il-liberalitas*, animo grato ingratus, si-ve *Ingratitudo*. Quæ in excessu hinc peccant vitia, huc non pertinent, cum per ea homo in se ipsum magis, quam in alios peccet.

IIX. Præterea Pacta & Promissa sancte servat *Fides*, cui opponitur
Per-

Perfidia. Officia sermocinantium dirigit *Veracitas Iustitiaria*; cui aduersatur *Mendacitas* seu mentiendi libido. E Jurantium officiis exsurgit *Religiosa fidelitas*; cui perjurantium *perfidia* & *Perjuria* repugnant. Ratione Domini commendanda est *Abstinencia a rebus alienis*; cui contrariantur *Concupiscentia rerum alienarum, Avaritia* &c. Ratione Pretii & Contractuum *Iustitia Particularis*, eaque *Commutans* & *Distribuens*; cui opponitur *Injustitia Particularis*, quæ itidem in *Commutativam* & *Distributivam* dispelci solet.

CAPVT XIV

Continens *Addenda quædam*
De Contractibus & Interpretatione.

I. **P**Vfendorfius & alii, doctrinam de Pretio subungere solent doctrinam de *Contractibus*, qui rerum pretia præsupponunt. Ck. vero Thomasius in Jurisprud. Divin. ac plures, hanc omittunt, tum quia præcepta de Contractibus pleraque omnia ad Jus Civile spectant; tum quia de Paciscentium Obligationibus ab ipso Thomasio generatim ibid. Lib. II. cap. 7. actum est: cujus vestigiis heic insistere nobis placet, qui & supra Cap. X. de Officiis Paciscentium, ipsisque Pactis egimus; a quibus Contractus non aliter, quam a genere species videntur differre.

II. Con-

II. Concinnam Contractuum divisionem Consultiss. D. Textor in Synopsi Jur. Gent. cap. XIII. nunq̃ s̃o. sup̃peditat : (quam laudat eo nomine b. Kulpisius in Colleg Grot. p. 67.) Nimirum obstringitur aliquis vel ad *dandum*, sive ad *translationem domini*, ut in Mutuo, Emtionibus, Venditionibus, Rerum permutationibus &c. vel ad *Faciendum* sive *Usum rerum* aut *operarum*; eumque vel *gratuitum*, ut in Mandato, Deposito, Commodato & similibus; vel *mercenarium*, ut in Locationibus Conductionibus, & Contractu innominato, Facio ut facias. Vid. de *Contractibus* Pufendorf. de Off. H. & C. Lib. I. cap. 15. ac de J. N. & Gent. Lib. V. cap. 2 3. & seqq. Add. Phil. Sleyogti Disp. de Contractibus, in quantum sunt Philosophicæ considerationis, Jenæ hab. A. 1687.

III. De *Interpretatione* (quam doctri-

doctrinam pariter, coronidis loco, nonnulli Jurisprudentiæ Universali annectunt) agunt *Dialectici*, atque e junioribus imprimis Claubergius in Logica sua, item Greydanus & Weisius; maxime vero *Joti*, qui varias proponunt bonæ interpretationis regulas, quæ tamen ad Leges Civiles potissimum spectant; cum Legum Naturalium sensus nobis innotescat per solas demonstrationes. Qua in sententia quoque versatur celeb. Thomasius Jurispr. div. Lib. II. c. XII. §. 2. 3. Interim ex Scriptoribus J. N. nemo felicius doctrinam hanc tradidit, quam H. Grotius Lib. II. de J. B. & P. cap. XVI. nec non Pufendorfius eum secutus Lib. I. de Off. H. & C. cap. 17. longeque fusius Lib. V. cap. XII. de J. N. & G. Add. Thomasius Jurispr. divin. Lib. II. cap. XII. IV. Atque hæc de Officio Hominis, non præcisè in certa societate con-

considerati, tradita sufficient. Sequuntur nunc breviter Officia hominis in *Societate Oeconomica & Civili* constituti.

CAPVT XV

De Officiis Conjugum.

I. **D**Eus, qui vitam hominis socialem esse voluit, primam inter Societates constituit *Conjugalem, sive Matrimonium*; quod, secundum Leges naturæ consideratum, est pactum maris & feminae, de corpore mutuo præbendo, procreandæ subolis causa.

II. Equidem sunt qui putent, finem hunc matrimonii etiam citra tale pactum obtineri posse; sed falluntur. Maxima enim rerum confusio oritura esset, si quilibet ex quolibet suscipere liberos vellet,

III. Si

III. Sicut vero pactum omne, ita matrimonium quoque consensum maxime requirit. Et consensus quidem mutuus hic efficit, ut conjugium sit; copula vero carnalis, ut contractus expleatur.

IV. Finis quoque pacti hujus, subolis procreatio, cum obtineri possit, etiamsi vir *unus pluribus* jungatur *feminis*, quin lege naturæ Polygamia talis licita sit, nullum est dubium. Sed de matrimonio *unius femina* cum *pluribus viris* aliter est sentiendum. Nec ut *perpetuum* hoc pactum sit, necessum est; licet ad prolis educationem multum conducat. Nempe enim omne pactum sicut dissensu mutuo dissolvi potest, ita & matrimoniale, præsertim si graves eò causæ perducant; inter quas mores etiam asperi & intolerabiles referendi: nam & hi matrimonii finem impediunt, Quod si
tamen

tamen ea lege matrimonium initum sit, ut sit perpetuum, utque viro non liceat plures feminas ducere, pacto tali sancte omnino standum est.

V. Nec finis Societatis hujus requirit, ut *imperium* sit penes *maritum*; quanquam ipsorum paganorum quidam id viderint esse consultius; e quibus Martialis Lib. IIX. Epigr. 12:

Inferior matrona suo sit, Prisce, marito;

Non aliter fuerint femina virque pares.

VI. De Gradibus Consanguinitatis ita sentiendum: *Ascendentium* & *Descendentium* matrimonia Juri Naturæ, naturalem ob pudorem, ac reverentiam parentibus & majoribus debitam, repugnare. Matrimonia vero *fratrum ac sororum*, & cæterorū

colla-

collateralium, quo minus iniiri possint, nulla ratio naturalis videtur ob-
stare.

VII. Longe vero alia Matrimo-
niorum est conditio, si secundum
Leges divinas positivas universales
considerentur: secundum has enim
requiritur (1.) unius viri & unius
feminæ conjunctio; & (2.) quidem
perpetua; nec quorumlibet, sed qui
(3.) in gradibus Lege divina prohibi-
tis se mutuo non attingunt; (4.) ta-
lis denique conjunctio, in qua impe-
rium semper sit penes maritum; quia
& (5.) Leges hæc fines alios addunt,
mutuum auxilium, & vagæ libidinis
extinctionem.

IIIX. Officia, secundum Leges na-
turales, hæc hoc loco sunt observan-
da: (1.) ut illi, qui ad generandum
sunt habiles, & ad prolem alendam
educandamque idonei, matrimoni-
um ineant, vagosque concubitus,
adulteria, idque genus alias actio-
nes & mixtiones impuras fugiant:

Q

(2.) ut

(2.) ut fides in matrimonii contra-
ctu data sancte seruetur; debita con-
jugalia utrinque præstentur, amor-
que mutuus & concordia tum in se-
cundis tum in adversis rebus stabilis
permaneant. Secundum Leges divi-
nas positivas etiam requiritur, ut *ma-*
ritus uxorem veluti carnem suam
unice diligat, eamque nutriat, regat,
defendat; & *uxor* vicissim maritum
perseverantissime amet, honoret, ei-
dem obtemperet, ac mutuum auxi-
lium, tum in educanda prole, tum
curanda re familiari præbeat. Quæ
Officia Virtutes procreant Societati
huic proprias, *Fidelitatem, Chari-*
tatem & Castitatem conjugalem; nec
non ex parte uxoris *Obsequentiam*
matrimoniale. et Iustitiam Rectitudi-

CAPVT XVI.

De Officiis Parentum & Libe-
rorum.

I. **E**X Societate Conjugali efflore-
scit Societas *Paterna*, inter pa-
ren-

rentes & liberos instituta ad subolem nutriendam recteqve educandam, in familiæ decus & humanæ societatis emolumentum.

II. Cum igitur finis Societatis hujus sit nutritio & educatio prolis, ac Lege naturæ parentibus injungatur cura liberorum; utiqve potestatem illi habere debent, horum actiones tamdiu dirigendi, donec ipsi se regere valeant. Inde orta potestas patria siue Imperium in liberos; ac vicissim obligatio liberorum directioni parentum sese submittendi.

III. Imperium autem hoc, si ex Lege naturali rem metiamur, utriusqve parentis est æquale: quia ad fundamentum potestatis hujus uterq; concurrat; nisi ipsi parentes in societate nuptiali aliter convenerint. Ex Legge autem divina positiva, ac legibus etiam civilibus, primario imperium hoc est penes patrem, secundario penes matrem.

IV. Cæterum Potestas hæc Pa-
Q 2 ren-

ment, usque honorem ac reverentiam exhibeant, non externis solum signis, sed multo magis interna æstimatione, tanquam vitæ ac mille aliorum beneficiorum auctoribus; utque in omnibus, quæ divinæ voluntati non repugnant, obsequium præstent; morositatem ac nævos parentum patienter ferant; & si societas jam soluta sit, observantiam gratumque animum verbis & factis demonstrare non desinant: tandemque senio præsertim aut egestate confectos parentes juvent ac sustentent. Fluunt inde Virtutes *Pietas* & *Charitas*, tam ex parte parentum quam filiorum; item *Obsequiositas* & *Gratitudo filialis*, idque genus aliæ. *et c.*

CAPVT XVII

De Officiis Dominorum & Servorum, aliarumque Societatum minorum.

I. **S**ocietas *Herilis* inter dominum & servum, (servos, dominam &

cillas) est instituta, ut alter ope alterius commodè vivat, & quotidianas ac domesticas necessitates facilius meliusque expediat.

II. Finis itaque cum in eo consistat, ut res familiaris & commoda domini promoveantur, servusque simul sustentetur, ad finem hunc obtinendum facultate quidem coercendi & castigandi servum, minime vero jure vitæ ac necis opus est. Adeoque jus hoc veteribus usitatum spheram societatis herilis excedit, nec ullus operæ quotidianæ defectus æquiparari vitæ potest.

III. Servitus alia est *Absoluta* (Perfecta) quæ quis ministerium suum alteri absolute & in perpetuum addicit; alia *Mercenaria* (Imperfecta) quæ quis alteri ministerium suum determinate & certis sub conditionibus addicit. Servitus perfecta *nihil* habet *nimiae acerbitalis*, quia perpetua obligatio perpetua alimentorum ministratio compensatur.

Vnde nec incommode retineri potuisset, (1.) quia ingenia non paucua & vulgo in servitutem propendent; (2.) res nostrae domesticae multo facilius administrari possent. A veteribus tamen Christianis, ob exquisitius Charitatis studium, sublata fuit.

IV. Officia *Heri* sunt, servis alimenta; defensionem & mercedem promissam praebere; necessitates & comoda eorum haud negligere; non illicita jubere, non in servos saevire, sed imperio herili moderate ac prudenter uti.

V. *Servorum* Officia sunt, ut quaecunque a dominis honeste demandantur, bona fide exsequantur; ut commoda & honorem dominorum pro viribus promoveant, eosdem amore ac timore debito prosequantur; imo & increpationes & castigationes heri, quandoque etiam immeritas, aequo animo ferant. Vnde sequitur, quod fuga sibi consulere nequeant, nisi saevitia domini eo usque progressa fuerit, ut naturae

ac fini societatis hujus omnino repugnet. Profluunt hinc Virtutes *Iustitiæ rectoria & Mansuetudo herilis*; item *servilis Sedulitas, Humilitas, Patientia & Obsequiositas.*

VI. Ex Societatibus hucusque consideratis constituitur *Familia*. In qua non alia observanda sunt officia, quæ hætenus sunt commendata. Familia vero erga familiam eadem se observabit Officia, quæ homini erga hominem sunt præstanda.

VII. Nonnunquam vox *Familia* designat conjunctionem complurium hominum jure sanguinis, aut nuptiarum, se invicem attingentium, adeoque duplici vinculo *Consanguinitatis & Affinitatis* coherentium. Officia hominum vinculo tali inter se junctorum sunt: (1.) ut arctiore amore ac benevolentia se invicem complectantur, quam alios; (2.) si privilegia quædam universæ familiæ competant, nemo alterum in eorundem usu & exercitio turbet; (3.)
erga

erga alias quoque ejusmodi familias naturæ Leges accurate observent.

IIIX. Ex pluribus conjunctis domibus & familiis nascitur *Vicus*; ubi nimirum aliquot patres familias, modo plures modo pauciores, cohabitant. Cum vero pater familias unus alteri aut pluribus vicinus esse voluerit ac debuerit, ut eo citius alter alterius ope frueretur; sequitur inde, quod in vico vicinus vicino non solum consilio, commodatione, omniqve officio succurrere, sed etiam, necessitate cogente, alter alterius vitam & bonam, quantum potest, defendere debeat. Proinde sicut in prædictis societatibus, sic in vicis inter vicinos *Concordiam, Benevolentiam & Officiositatem* mutuam colinecessum est; quibus neglectis virtutibus haudquaquam vigebunt aut florebut, sed brevi potius excidentur aut vastabuntur.

CAPVT XIIIX

De Officiis in Civitate Imperantium & Parentium.

I. *SV*perest Societas *Civilis*, five
cœtus

coetus multorum hominum & familiarum, congregientium felicitatis civilis consequendæ gratia; quæ consistit in vita honesta, secura, rebusque necessariis affluente.

II. De Origine & Causis Societatis hujus a variis varie disputari solet, dum aliis causa impulsiva principalis a parte hominum, habetur Natura hominis ad societatem propensa; aliis Metus & Indigentia humana; aliis Vis & cupiditas regnandi &c. Quod si causa impulsiva & finalis actionis aliqujus sibi invicem sunt oppositæ, Metus sane & Indigentia e numero causarum impulsivarum hîc non videntur excludi posse; cum metui securitas, & indigentia rerum necessariarum sufficientia, ut fines societatis hujus, opponantur. Vid. Celeb Thomas. Jurispr. Div. Lib. III. c. VI. §. 15.

III Sicut vero Cives seu coalita hominum multitudo *materiam* Civitatis, ita modus imperii, quo civitas regitur, sive Ordo imperantium & parentium, *formam* ejusdem constituit; qua præsentè, vocatur *Re. publica*. Et vero in populi sic coaliti potestate pri-

De Officiis in Civitate Imper : 37

primum est, an regimen sive summum imperium uni, (ut in *Monarchia*) an Optimatibus, (ut in *Aristocratia*) conferre, an illud reservare sibi ac per comitia exercere velint, (ut in *Democratia*) an vero dividere quasi jura imperii inter unum & plures velint, ut *Mixta* vel *Irregularis* emergat respublica. De quibus Rerump. formis consulantur Politici.


IV. *Officium Summorum Imperantium* generale hoc est, ut, quæcunque ad securitatem & salutem Civitatis conducunt, ea faciant; e contrario autem omittant, quæ ejusdem fini repugnant. Itaque nihil sibi privatim expedire putent, quod non idem publice expediat. Specialia sunt: (1.) ut prudentiam gubernandi probe addiscant, notitiamque status publici intimiorem sibi acquirant; quæ consistit in cognitione indolis ac virium subjecti populi, suarumque & vicinarum regionum &c. (2.) Civium animos bonis moribus artibusque honestis imbuant per leges, doctrinas ac disciplinam publicam. (3.) Leges commodas & perspicuas sanciant, harumque


executionem procurent. (4.) Justitiam administrent, mutuasque civium injurias & factiones prohibeant. (5.) Poenas ita temperent, ut finis obtineatur, ac cives non plus afflictionis, quam republ. utilitatis, inde ferant. (6.) Probos atque idoneos ministros ubique constituent. (7.) Tributa recte imponant & collocent. (8.) Facultates civium per commercia & opificia promoveant. (9.) Adversus invasiones exterorum civitatē defendāt, eoq; sine armā & exercitus in tempore parent, foedera publicō utilia ineāt. &c. (10.) Deniq; sui æstimationē ac populi favorem sibi concilient, per Virtutes imprimis ex officiis hisce profluentes, *Pietatem, Prudentiam, Justitiam, Fortitudinem, Vigilantiam, Munificentiam*, aliasque plures Imperantibus convenientes.

V. *Officia Civium ac Parentium* generalia sunt: (1.) Imperantibus reverentiam, fidem & obsequium in omnibus, divinæ voluntati non repugnantibus, præstare; (2.) Salutem totius civitatis propriis commodis anteferre; illiusq; incolumitatem, suarum etiam fortunarum, ac ubi necessitas efflagitat, vitæ jactura procurare. (3.) Erga cives cæteros pacifice ac humaniter se gerere. *Æquum* enim est, ut corporis unius membra, quæ mutuo indigent auxilio, amice invicem conspirent. Specialia ad varios Reip. ministros pertinent, quorum summa huc redit: (1.) Ne quis ullum in republ. munus affectet, cui imparcem & ineptum se deprehendit; (2.) Quilibet munere suo, ea quæ par est, fide atque industria fungatur.











1525.276



